



লাজুকলতা

মানিক বন্দ্যোপাধ্যায় *

লাজুকলতা প্রথম সংস্করণের প্রচ্ছদচিত্র

লেখকের কথা

এই সংকলনের অধিকাংশ গল্প গত তিন-চাব্বছবেব মধ্যে বিভিন্ন সাময়িক পত্রিকায় প্রকাশিত হয়। একটি গল্প সংকলনে মূল একটি সূত্রের ভিত্তিতে, অর্থাৎ সমাজজীবনের কোনো একটি বিশেষ সময়ের বিশেষ অবস্থার ছোটো ছোটো কাহিনিব মধ্যে যে মিলটা স্বভাবত থাকে তাকে আশ্রয় কবে গল্প চয়ন কবা আমি বাঞ্ছনীয় মনে কবি।

এই সংকলনেও সেই চেষ্টাই কবেছি। কতটা সফল হয়েছে আমাব বিচার্য নয়।

লেখক

কলকাতা

কোজাগবি পূর্ণিমা ১৩৬০

লাজুকলতা

তমাললতার লজ্জার বহর দেখে সবাই অবাক হয়ে যায়।

এ যুগে শহরবাসী শিক্ষিত একটা মানুষের বউ যে এমন লাজুক হতে পারে এ যেন ধারণাই করা যায় না।

তমাল নিজেও নাকি কিছুকাল স্কুলে যাতায়াত করেছিল !

ঋশুর শাশুড়ি গুরুজন নেই, বছর পাঁচেকের একটি ছেলে আর তিন বছরের একটি মেয়ের মা, তবু সব সময় সে যেন লজ্জায় জড়সড় হয়ে থাকে, নিজেকে মানুষের চোখের আড়ালে লুকিয়ে রাখতে পাবলেই সে যেন বাঁচে।

বীরেনের দোতলা বাড়ির একখানা ঘরে সম্প্রতি তারা শহরের অন্য এলাকা থেকে উঠে এসেছে। বাড়িতে ঘর ভাড়া দেবার কোনো প্রয়োজন বা ইচ্ছা বীরেনের ছিল না। যতীনের উপর এটা তার অনুগ্রহ দেখানোই বলা যায়।

বীরেনের বড়োছেলে হেমাঙ্গের সঙ্গে যতীনের পরিচয়ের সুযোগে এই সুবিধাটুকু যতীন আদায় করেছে।

একটা ঘর ভাড়া নিয়েই সে বাস করছিল শহরের অন্য এলাকায় এবং ভাড়াটে নিয়মিত ভাড়া দিয়ে ঘর দখল করে থাকলে তাকে উঠিয়ে দেবার ক্ষমতাও বাড়িওলার থাকে না—তবু কেন যে সে ওই ঘবখানা ছেড়ে দিয়ে বিপন্ন হয়ে এ বাড়িতে আরেকটি ঘর ভাড়া নিয়ে উঠে এল, হেমাঙ্গও ভালো বুঝতে পারেনি।

বিপন্ন বন্ধুর প্রতি এই দয়া প্রদর্শনে বাড়ির লোকেরা মোটেই খুশি হয়নি হেমাঙ্গের উপর।

বন্ধুত্ব ছিল কেবল হেমাঙ্গ ও যতীনের মধ্যে, এ বাড়িতে ভাড়া করে উঠে আসার আগে তমালকে কেউ দেখেনি। তাকে দেখে বরং তাদের মুখ বেশ গম্ভীর হয়ে গিয়েছিল।

কিন্তু তমাললতার ভীৰুতা ও লাজুকতার বাড়াবাড়িতে অনেকে তাজ্জব বনে গেলেও মুখের অঙ্ককার অনেকটা কেটে গিয়েছে বাড়ির লোকের।

বীরেনের বড়োমেয়ে সুচারুকে তার স্বামী নেয় না। সে অবশ্য মুখ বাঁকিয়ে বলে, ঢং !

বলে, মাগির সব ন্যাকামি আর বজ্জাতি। অত লজ্জা কেউ দেখায় না, উনি তাই বেশি করে লজ্জা দেখিয়ে দশজনের নজর টানেন। এ যেন বুঝতে দেরি লাগে কারও। আমার বড়ো বাপকে দেখে তুই কোন লজ্জায় আধহাত যোমটা টানিস ?

কিন্তু বাড়ির এবং পাড়ার বড়োবুড়িরা পছন্দ করে তমালেব প্রায় বেহায়াপনার মতো লাজুকপনা। এ রকম চালচলনই তো মানায় গেরসুজঘরের জোয়ান বয়েসি বউয়ের। মুখে রা নেই, ফটাংফটাং যখন তখন ঘর থেকে বেরিয়ে পাড়া চম্বে বেড়ানো নেই, পুরুষকে তফাতে রেখে আড়ালে রেখে চলায় এতটুকু ঢিল নেই।

হেমাঙ্গের সঙ্গে সে নাকি আগে কথা বলত।

হেমাঙ্গ তারই জের টেনে তার সঙ্গে দু-চারবার কথাবার্তা বলবার চেষ্টা করেছে—কিন্তু তমাল মুখ ফেরায়নি, মুখ খোলেনি।

ছেলেকে দিয়ে হেমাঙ্গের কথার জবাব দিয়েছে।

হেমাঙ্গের বড়োবুড়ি মা-বাপ ফেলেছে স্বস্তির নিশ্বাস।

কিন্তু হেমাঙ্গের কলেজে পড়া ছোটোবোন সুমায়া বলেছে, তোমরাও যেমন ! এ রকম উদ্ভট খাপছাড়া রকমসকম দেখে কোথায় আরও ভড়কে যাবে, তোমরা খুশি হয়ে উঠলে !

বুড়ি সুভদ্রা বলে, তুই বুঝবিনে। তুই কেবল একপেশে বিচার শিখেছিস। খাপছাড়া বটেই তো, এ রকম খাপছাড়া লজ্জা কোনো বউয়ের দেখা যায় আজকাল ? কিন্তু একটা খাপছাড়া অবস্থায় পড়েছে বলেই নিশ্চয় এ রকম খাপছাড়াভাবে নিজেকে বাঁচাবার চেষ্টা করছে। তুই তলিয়ে সব জেনেছিস ওদের ভেতরের ব্যাপার ? না জেনেই চটাংচটাং কথা কইছিস। আমরা টের পেয়েছি তাই আমরা বলছি, বেশ করছে।

কী টের পেয়েছ ?

সে তুই বুঝবিনে, অত কথায় তোর কাজ নেই। যতীনের অনেক দিন চাকরি নেই খবর রাখিস ? দেখায় যেন চাকরি করে, কিন্তু আমরা টের পেয়ে গেছি। সাথে কি ঘর ছেড়ে বন্ধুর বাড়ি ঘর ভাড়া নিয়েছে ? সেখানে ভাড়া বাকি পড়লে মালপত্র আটক রেখে খেদিয়ে দিত। বন্ধু তো আর তা পারবে না। মানুষটা মরিয়া হয়ে উঠেছে—বউটা নিজেকে বাঁচিয়ে চলবে না ?

সুমায়া হঠাৎ যেন বিদ্যুতের ঝলকানি চেয়ে দেখেছে এমনভাবে চোখ পিটপিট করতে করতে বলে, ও !

যতীন একটু ঝাঁঝালো হাসির সঙ্গেই বলে, ভবেশবাবুর মা ডেকে তোমার প্রশংসা শোনালেন। তোমার মতো খাঁটি বউ নাকি পাড়াতে আর নেই। তা, কথাটা সত্যি। ওনার নাতিবউয়ের সঙ্গে তুলনা করলে সত্যি তোমার তুলনা মেলা ভার !

কালো টানা চোখ তুলে ঝিলিক মেরে চেয়েই তমাল চোখ নামায়। পাতলা ঠোঁটের অপূর্ব কারসাজিতে একটু রহস্যময় হাসিরও ঝিলিক খেলিয়ে দেয়।

যতীন সারাদিন চাকরি এবং রোজগারের সঙ্কালে টোটো করে ঘুরেছে। দেহমন দুইই তার শ্রান্ত এবং ক্লান্ত। মুখটা যেন স্থায়ীভাবে বেঁকেই আছে।

হতাশায় মন বাঁকা হয়ে যাওয়ারই বোধ হয় এটা প্রকাশ্য লক্ষণ। কেবল চাকরি করার অধিকার নয়, সংসারের কোনো অধিকার খাটাবার ক্ষমতাই যেন তার নেই।

বউটা পর্যন্ত তার হুকুম মানে না।

মুখ আরেকটু বাঁকিয়ে সে বলে, সেদিন নীরেনবাবুও বলছিলেন, তুমি তো ভাগ্যবান পুত্র যতীন ! এই ভেজালের যুগে খাঁটি সহধর্মিণী পেয়েছ। চুলদাড়ি সব সাদা হয়ে গেছে, নইলে একটা চাপড় কষিয়ে দেবার কথা ভাবতাম।

গামছা লুঙ্গি হাতে দিয়ে তমাল মৃদুস্বরে বলে, ভবেশবাবু নীরেনবাবুদের বলো না একটা চাকরি জুটিয়ে দিক। পাড়ার একমাত্র খাঁটি বউটির যে সিঁদুর কেনার পয়সা নেই ?

যতীন সচকিত হয়ে তার মুখের ভাব দেখবার চেষ্টা করে। সত্যিই কী এমন তীর তীক্ষ্ণ রসিকতা করছে তমাল অথবা আপনা থেকে বেরিয়ে এসেছে কথাগুলি তার মুখ দিয়ে ?

কিন্তু ইচ্ছা বা প্রয়োজন হলেই তমালের মুখ দেখা অত সহজ ব্যাপার নয় তার স্বামীর পক্ষেও। কথা বলতে বলতে তমাল নত হয়ে মাথা নামিয়ে তার জুতোজোড়ার ধুলো ঝাড়তে শুরু করেছিল। পুরানো হয়ে গেছে ভালো দামি জুতোজোড়া—একটা প্রায় সূনিশ্চিত চাকরির আশায় মরিয়া হয়ে কেনা হয়েছিল। এবার ছিঁড়ে যাবে।

তবু এই জুতো পায়ে দিয়েই কাল আবার তাকে বার হতে হবে চাকরির খোঁজে।

হেমাঙ্গ গিয়েছিল বন্ধুর সঙ্গে সিনেমা দেখতে। সে বাড়ি ফেরে রাত নটার পর।

যতীন খেয়ে উঠে চৌকির বিছানায় বসে পান চিবোতে চিবোতে মেঝেতে ছেলেমেয়ের বিছানায় মশারি খাঁটিয়ে গুঁজে দেওয়ার কাজে-রত তমালকে দেখছিল।

হেমাঙ্গকে ডেকে বলে, এত রাতে ?

হেমাঙ্গ দরজার কাছে দাঁড়িয়ে বাঁকা চোখে তমালের দিকে চেয়ে বলে, সিনেমা দেখতে গিয়েছিলাম।

বোধ হয় সদ্য সদ্য সিনেমা থেকে বাড়ি ফিরেছে বলেই সপ্তা পচা নোংরা ছবির আমেজটা মনে রয়ে গেছে। নইলে এভাবে পরের বউয়ের দিকে তাকানো তার ধাত নয়।

ভালো বই ?

একদম বাজে বই।

ঘরে এসো না ? একটু শূনি ছবিটার কথা। আমিও একবার দেখব ভাবছিলাম। সাড়ে নটার শো দেখা যায়, না ?

তমাল তাড়াতাড়ি মেঝেতে ছেলেমেয়ের বিছানায় টাঙানো মশারির ওপারে চলে যায়। আড়ালে জানালায় বসে বোধ হয় তাকিয়ে থাকে বাইরের বিদ্যুতের আলোয় সাজানো শহরতলির গৈয়ো আঁধারের দিকে।

হেমাঙ্গ হঠাৎ যেন চেতনা পায়। বলে, বড়ো খিদে পেয়েছে ভাই। পেটটা জ্বলে যাচ্ছে।

বলেই সে চলে যায় ঘর ছেড়ে।

যতীন গিয়ে চুলের মুঠি চেপে ধরে তমালের।

হারামজাদি, ঘরে ভদ্রলোক এলে তার সঙ্গে একটু ভদ্রতাও করতে পারিস না ?

তমাল শান্ত যুদু কিন্তু স্পষ্ট ভাষায় বলে, আমার কিন্তু দাঁত আছে। চুল টেনে যত ব্যথা দিচ্ছ, দাঁত দিয়ে কামড়ালে তার চেয়ে দশগুণ বেশি ব্যথা পাবে।

যতীন তার চুল ছেড়ে দেয়। সে জানে তার লাজুক বউ কামড়ে তার মাংস তুলে নিতে পারে।

মোটো দুমাস আগের অভিজ্ঞতা এত তাড়াতাড়ি কি ভোলা যায়।

তমালকে দেখেই রাখাশ্যামের হয়েছিল কৃষ্ণভাব। পরদিন থেকে যতীনকে দেড়শো টাকার চাকরির নিয়োগপত্র সই করে তার হাতে তুলে দিয়েছিল।

কিন্তু সিঁড়ির তলার রান্নাঘর থেকে গায়ের জোরে তমালকে শোবার ঘরে রাখাশ্যামের কাছে পৌঁছে দেবার চেষ্টা করতে গিয়ে তমালের ধারালো দাঁতে ঘাড়ের কাছে খানিকটা মাংস উঠে গিয়েছিল যতীনের।

ঘা-টা সেরেছে।

তমালের দাঁতের ভয় কমেনি।

সুমায়া এবং ঘরের পাশের দু-তিনটি অল্পবয়সি মেয়ে-বউয়ের যেন বিশেষ দরদ দেখা দিয়েছে তমালের জন্য। তারা সুমায়ার বন্ধু বলেই কি না কে জানে !

সুমায়ার দরদটাই সব চেয়ে বেশি।

কলেজ থেকে ফিরে বইখাতা সে আগেও টেবিলে ছুঁড়ে দিত। এটা তার চিরকালের বই রাখার কায়দা। আজকাল গায়ের বিশেষ শাড়ি-জামাগুলি পর্যন্ত প্রায় ওইভাবে খুলে ছড়িয়ে ফেলে ঘরোয়া বেশে তমালের নিচু ছোটো রান্নাঘরের দরজায় বসে পড়ে।

কলেজে কাঠের ডেস্ক-টেবিলে বসে অধ্যাপকদের মুখস্থ-করা লেকচার শুনতে শুনতে তার যেন শুধু ডেস্ক-চেয়ারে বসা নয়—ডেস্ক-চেয়ারি সভ্যতা সম্পর্কে পর্যন্ত বিতৃষ্ণা জন্মে গেছে !

সে যেন তাই মাটিতেই আলুখালু বেশে অসভ্যের মতো বসে স্বস্তি পেতে চায়। তমালের এগিয়ে দেওয়া সাতরঙা উলের বোনা আসনটা সে তাই গুটিয়ে রাখে।

তমাল নিজে বুনেছিল আসনটা। সাতটা আদিম রং দিয়ে। তার জীবনেও যখন রং ছিল তখন।

তবে আজ মনে হয়, যতীনের ক্লিষ্ট ফ্যাকাশে মুখে যেন শুধু এই বীভৎস ঘোষণা যে বেঁচে থাকার মধ্যে কোনো রস নেই, রং নেই—অথচ তার অধীনস্থ নারীটি তারই ঘরের কোণে সাত রকম রং দিয়ে আসন বুনেছে অতিথি অভ্যাগত আত্মীয়স্বজন ঘরে এলে বসতে দেবার জন্য !

এ যেন আকাশের মতোই উদারতা ঘরের কোনার লাজুক বউটির। জীবনের সব সুখ আর উত্তাপের সূর্যকে ঢেকে দিয়ে নামে জীবনের ঘন কালো দুঃখের বর্ষা, আবার একফাঁকে মেঘ সরিয়ে অন্তায়মান সূর্যের আলোয় আকাশে সাতরঙা রামধনু রচনা করে।

তাকে বসতে সাতরঙা আসন এগিয়ে দেয়, কড়াই নামিয়ে কেটলি চাপিয়ে জল ফুটিয়ে চা করে দেয় কিন্তু সুমায়ার জীবনের উপর বিতৃষ্ণা আর বিরাগ যেন তারই উপর ঘনীভূত হতে থাকে।

তমালের তৈরি করা চায়ে চুমুক দিয়ে মুখ বাঁকিয়ে সে বলে, তুমি অন্যায্য করছ ভাই। তুমি অন্যায্যকে প্রশ্রয় দিচ্ছ।

তমাল বলে, বাপের খাও-পরো, কুমারী মেয়ে, তুমি বুঝবে না। আমি অন্যায্য ঠেকাচ্ছি, লড়াই করছি।

এ রকম সেকেলে বউপনা দিয়ে ?

আর যে কোনো উপায় নেই ভাই ? হয় এ রকম সেকেলে বউপনা, নয়তো মরার বাড়ি বেহায়াপনা।

তুমি বোকা। তুমি ভুল করছ। সেকালেও আমরা এ রকম বউ ছিলাম না, একালেও আমরা বেহায়া হয়ে যাইনি। তুমি একজনকেই আঁকড়ে থাকবে। এটা নিয়ম নয়, রীতি নয়, নীতিও নয়।

তমাল শান্তভাবেই বলে, কিন্তু আইন যে—মোটামুঠা বাস্তব আইন। একবার ভাঙলেই আমায় একেবারে শেষ করার সুযোগ পেয়ে যাবে। বাঁচার অন্য কোনো রকম উপায় থাকলে কেউ সাধ কবে এই মরণদশা আঁকড়ে থাকে ?

গায়ে গায়ে লাগানো পাশের বাড়ির একতলার একখানা ঘরের ভাড়াটে বিলাসের বউ প্রমীলা যেন গঙ্গায় স্নান করতে অথবা সিনেমা দেখতে ঘর থেকে বেরিয়ে আনমনে পথ ভুলে তমালের রান্নাঘরের দরজায় এসে দাঁড়ায়।

বলে, কী হচ্ছে ?

সেও সাতরঙা উলের আসন ঠেলে দিয়ে মেঝেতে বসে। গায়ে তার রঙিন শাড়ি জড়ানো আছে।

তমাল বলে, উঠে আসাটা কি ভালো হল ভাই ?

প্রমীলা হাসবার চেষ্টা করে বলে, এ জন্মে ওঠা-হাঁটা আব হবে কি না কে জানে ? টাকা জোগাড় করে বারোটা-একটায় ফিরবার কথা। বউকে যে হাসপাতালে বাঁচতে পাঠাবে সে কি আর পাঁচটা নাগাদ আপিস করছে ? তার মানেই টাকা জোগাড় হয়নি ! ভাবলাম, আমি তো একটা একেলে বউ ? ঘরের কোণে মুখ গুঁজে মরি কেন ? পাশের বাড়ির সেকেলে বউটার সঙ্গে দুটো কথা কই মরার আগে।

প্রমীলার মুখ দেখেই বোঝা যায়, গায়ে তার তিন-চার ডিগ্রি জ্বর। আজকালের মধ্যে কঠিন একটা অপারেশন না হলে তার মরণ সুনিশ্চিত। সেই ব্যবস্থার শেষ চেষ্টা, চরম চেষ্টা, করতে বেরিয়েছিল বিলাস। তার ফেরার কথা ছিল বারোটা-একটার মধ্যে।

সূতরাং বেলা পাঁচটা পর্যন্ত অপেক্ষা করে বোঝা গিয়েছে চেষ্টা তার ব্যর্থ হয়েছে।

সুমায়ী মাথা হেঁট করে থাকে।

প্রমীলা দরজায় ঠেস দিয়ে গা এলিয়ে বসে চোখ বুজে জড়িয়ে জড়িয়ে বলে, ঘরে শুয়ে থাকতে যত্নপা হচ্ছিল, মরে যাচ্ছিলাম যত্নপায়। উঠে এসে তোমার ঘরে বসে যত্নপা কমে গেছে ভাই।

তমাল বলে, গলার হারটা ক-ভরির ? হাতের চুড়িগুলি ? মরার পর শ্মশানে পোড়াতে নিয়ে যাবার আগেই ওগুলো কিন্তু জ্যাস্ত মানুসেরা খুলে নেবে ভাই।

সুমায়া যেন চাবুক খেয়ে মাথা তোলে।

হেমাঙ্গ বাথবুমে বৈকালিক স্নানের জন্য জলের আশায় অপেক্ষা করছিল। জলের মালিকদের দয়া হলে জল দু-চার বালতি হয়তো এসেও যেতে পারে কলটার মুখ দিয়ে।

সুমায়া তাকে ডাকে। বলে, চট করে জামাকাপড়টা পরে এসো দিকি। এই হারটা বেচে টাকা নিয়ে এসো। একে এশুনি হাসপাতালে নিয়ে যেতে হবে।

লাজুক তমাল আজ কথা কয় হেমাঙ্গের সঙ্গে ! মুখ তুলে চেয়ে বলে, হাসপাতালে নেবার ব্যবস্থাই করুন না আগে ? হারটা তো রইল।

প্রমীল্লর পাশের ঘরের ভাড়াটে নন্দা তাকে খুঁজতেই এসে দাঁড়িয়েছিল।

নজর এড়িয়ে প্রমীলা কখন উঠে এসেছে সে টেরও পায়নি। বোধ হয় ভালোই হয়েছে টের না পেয়ে। টের পেলে হয়তো সখীত্বের জোরে তাকে ঘরে আটকে রাখত স্বামীর অপেক্ষায় মরবার জন্য।

নন্দা স্মার্ট মেয়ে, লাজলজ্জার ধার ধারে না। পাড়ার বদ ছোঁড়া আর প্রৌঢ়বয়সি লোকেরা যে সব মেয়ে-বউয়ের দিকে লালসা ভরা চোখে তাকায় নন্দার বয়স তাদের চেয়ে বেশি হবে না। পাড়ার যে কোনো বদ ছোঁড়াকে যে কোনো সময়ে ঘরে বসিয়ে একা আলাপ করতে সে সর্বদাই রাজি কিন্তু অন্য মেয়ে-বউদের হাত চেপে ধরার সুযোগ খুঁজে যে হয়রান হয় সেও সাহস করে নন্দার সঙ্গে কথা কইতে এগোয় না।

নন্দা নির্ভয়ে সমানভাবে ভদ্রভাবে আলাপ করবে। ইয়ার্কি দিতে গেলে হয়তো দ্বিধামাত্র না কবে গালেই মেবে বসবে একটা চড় !

ভীষু মেয়ে না হলে বজ্জাতি করেও সুখ নেই।

নন্দা বলে, তোমার না খুব লাজুক বলে বদনাম ? তুমিই দেখছি একটা ব্যাটাছেলেকে হুকুম দিয়ে ছুঁড়টাকে হাসপাতালে পাঠাবার ব্যবস্থা করলে। ওর স্বামীটা কী করে আমরা সবাই তার অপেক্ষায় হাত গুটিয়ে আছি।

সুমায়া বলে, আমরা যে নিয়মে চলি—ব্যাটাছেলের ছকে দেওয়া নিয়ম ছাড়া চলতে জানি না। লাজুক হবার দরকার হলেও আমরা যে লাজুক হতে লজ্জা পাই।

হেমাঙ্গ অ্যাথুলেপ নিয়ে এলে তারা ধরাধরি করে প্রমীলাকে গাড়িতে তুলে দেয়। সঙ্গে যায় সুমায়া আর নন্দা।

বউকে হাসপাতালে নেবার টাকা জোগাড় করতে না পেরে সময়মতো, ঘরে না ফিরলেও বিলাস একসময়ে ফিরে আসে, প্রতিদিনের মতো চাকরির চেষ্টায় বেরিয়ে যতীন একেবারেই ফিরে আসে না।

পরদিন সকালে নন্দা তমালের কাছে আসে। মনে হয় লজ্জায় সে যেন মরে যাচ্ছে !

বলে, শেষকালে আমারই কপালে তোমায় খাম্প খবর জানাবার দায় চাপল।

তমাল বলে, কপালের কথা বাদ দাও। রোজ খারাপ খবর শুনবার জন্য অপেক্ষা করছি অনেক দিন ধরে।

তাই নাকি ! তবে ভণিতা না করেই বলি। যতীনবাবু একটা দোকানের ক্যাশ ভাঙতে গিয়ে ধরা পড়েছেন।

তবু ভালো। জেলে যেতে-পরতে পাবে। আত্মহত্যা করেনি, এই অনেক ভাগ্যি।

যাবার সময় উঠানে দাঁড়িয়ে নন্দা হেমাঙ্গের সঙ্গে কথা বলে। দুজনেই তাকিয়ে দ্যাখে ছেলেমেয়েকে শুকনো রুটি খেতে দিতে গিয়ে তমালের আজ ঘোমটা খসে পড়েছে !

নন্দা চলে যাবার পর হেমাঙ্গ দরজায় এসে দাঁড়ালেও সে যেন ঘোমটা দিতে ভুলে যায়।

হেমাঙ্গ বলে, আপনি এবার কী করবেন ? যতীন যাই করুক, আমাদের কিন্তু একটা দায়িত্ব আছে।

তমাল বলে, আপনাদের কীসের দায়িত্ব ? আমার দায় আপনাদের ঘাড়ে চাপাবার জন্যই উনি আমায় এখানে টেনে এনেছিলেন। আপনারা ভদ্রলোক তাই ওনার সায় পেয়েও আমাকে বিব্রত করেননি। আমার ব্যবস্থা এবার আমিই করে নেব।

কী ব্যবস্থা করবেন ?

দেখি কী করা যায়।

কাছের বস্তি থেকে পঞ্চু দুবেলা এ বাড়িতে খাটতে আসে। কলতলায় সে বাসন মাজছিল। তাকে ডেকে তমাল জিজ্ঞাসা করে, তোমাদের ওদিকে ঘর পাওয়া যাবে ভাই ?

পঞ্চু চমৎকৃত হয়ে বলে, তা পাওয়া যেতে পারে।

কাজ সেরে যাওয়ার সময় আমায় ডেকে নিয়ে যেও। ঘরটা দেখে ঠিক করে আসব।

পঞ্চুর কাছে খবর পেয়ে বাড়ির সকলে ভিড় করে আসে।

সুচারু বলে, কেন বাছা, বস্তিতে উঠে যাবে কী জন্যে ? তুমি এ ঘরে থাকলে কি আমরা ফতুর হব !

তমাল বলে, এত ভাড়া কোথেকে দেব ?

সুভদ্রা বলে, ভাড়া তুমি পাঁচ-দশটাকা যা পারো দিয়ো। না দিতে পারলে এখন বাকি রেখো, সময় ফিরলে দেবে।

তমাল মাথা নেড়ে বলে, না, ও রকম জোড়াতালি দিয়ে কোনো ব্যবস্থা হয় না।

দুদিন পরে পাড়ার লোক তাজ্জব হয়ে তাকিয়ে দ্যাখে বিখ্যাত লাজুক বউ তমাললতা মাথার কাপড় কোমরে বেঁধে ছেলেমেয়ের সঙ্গে নিজেই বাসনকোসন বিছানাপত্র বয়ে নিয়ে বস্তিতে উঠে যাচ্ছে মাথা উঁচু করে !

লজ্জাহীনা বেহায়ার মতো !

উপদলীয়

একদিন সকালবেলা প্রশান্ত নতুন একটি লেখা আরম্ভ করে একমনে লিখে যাচ্ছে, বাইরের এক ছোটো শহর থেকে একজন তার সঙ্গে দেখা করতে এল।

প্রশান্ত নামকরা লেখক এবং দরজায় খিল এঁটে জগৎকে বর্জন ও নিজেকে ঘরের কোনে নির্বাসিত করে সাহিত্যচর্চায় সে অবিশ্বাসী। লেখার সময় লোকজন প্রায়ই তাঁর কাছে আসে।

সে তাতে খুশিই হয়।

লেখার ব্যাঘাত ঘটান বদলে তাতেই তাঁর লেখা আরও জমে।

মানুষটিকে চেনা চেনা মনে হল। প্রশান্ত অনেক সভাসমিতিতে যাতায়াত করে, নানা উপলক্ষে বহুলোকের সঙ্গে তার সাময়িক পরিচয় ঘটে। একজনকে দেখে এ রকম চেনা চেনা মনে হওয়া নতুন ব্যাপার কিছুই নয়।

আগন্তুক নিজের পরিচয় দিল। তার নাম সুবিনয়, বাস ওই ছোটো শহরে, ওখানে নতুন একটি সাংস্কৃতিক সংগঠন গড়া হয়েছে, সে তার সম্পাদক। সামনের শনিবার তাদের শহরে একটি সাংস্কৃতিক অনুষ্ঠানের আয়োজন করা হয়েছে, সকলের ইচ্ছা এবং দাবি প্রশান্ত সেই অনুষ্ঠানে সভাপতিত্ব করবে।

প্রশান্ত বলতে গেল, দেখুন—

আপনাকে যেতেই হবে। আমাদের ওখানে প্রতিক্রিয়া কী জোরালো আপনি ধারণা করতে পারবেন না। আপনি না গেলে আমরা দাঁড়াতে পারব না।

যেতে আমার আনন্দ নেই। কিন্তু সময় করে উঠতে পারব না।

কিন্তু সুবিনয় নাছোড়বান্দা।

আপনাকে একটু সময় করে যেতেই হবে। আপনারা যদি শুধু কলকাতার বড়ো বড়ো মিটিংয়ে যান, আমরা দাঁড়াই কোথায়? আমরা বহুদিন থেকে আপনাকে নেবার চেষ্টা করছি, দুবার আমাদের ফিরিয়ে দিয়েছেন। এবার না বললে শুনব না।

দুবার ফিরিয়ে দিয়েছি? এত জায়গা থেকে ডাক আসে—

একটু কষ্ট করে চলুন। ওখানকার সমস্ত লোক আপনাকে দেখার জন্য, আপনার কথা শোনার জন্য উৎসুক হয়ে আছে। আমরা এখনও ঘোষণা করিনি কিন্তু মুখে মুখে ছড়িয়ে গেছে যে আমরা আপনাকে নিয়ে যাচ্ছি।

প্রশান্ত একটু চিন্তা করে বলে, আপনাদের যখন এত আগ্রহ, আপনাদের মেহের খাতিরে যেতেই হবে।

সভাসমিতির সময় নিয়ে বাংলায় একটা অদ্ভুত, সর্বজনবিদিত প্রকাশ্য ফাঁকি গড়ে উঠেছে—সর্বত্র। সভা যারা ডাকে তারা হিসাব করেই আধঘণ্টা থেকে এক ঘণ্টা হাতে রেখে সভার সময় ঘোষণা করে, সভায় যারা আসে তারাও সেই হিসাবেই আসে।

একটা নিয়ম দাঁড়িয়ে গেছে।

বিষ্ণুপদ নামে একটা যুবক প্রশান্তকে নিতে এসেছিল। পথে তাকে প্রশান্ত বলে, এটা হল একটা রোগের উপসর্গ। যাঁরা সভা ডাকেন আর যাঁরা সভায় আসেন তাঁদের মধ্যে একটা কৃত্রিম দূরত্বের লক্ষণ। এ দূরত্ব যদিই না ধুচছে, হাজার চেষ্টা করেও ফাঁকিটা দূর করা যাবে না।

বিষ্ণুপদ মৃদু হেসে সায় দেয়।

তোমাদের টাইম ক-টায় ?

বিষ্ণুপদ পকেট থেকে একটা ছাপানো হ্যান্ডবিল তার হাতে দেয়। সব চেয়ে বড়ো হরফে তার নাম ছাপানো হয়েছে। সভার স্থান গোবিন্দ মেমোরিয়াল হল, সময় বৈকাল পাঁচটা।

বিষ্ণুপদ জানায় তারা শুধু ছাপা হ্যান্ডবিল বিলি করেনি, হাতে লিখে অনেক পোস্টারও চারিদিকে লাগিয়েছে।

সব চেয়ে বড়ো হরফে তার নাম ছাপানোর জন্য নয়,—নামের মোহ তার কেটে গেছে অনেক দিন আগেই—অনুষ্ঠানটি সফল করার জন্য এদের উৎসাহ ও প্রচেষ্টা প্রশান্তকে খুশি করে। সভায় বহুলোকের সমাবেশটাই তার কাম্য। এ রকম অনুষ্ঠানের সার্থকতার দিক থেকে তো বটেই, সেটাই প্রথম আর প্রধান কথা, তার নিজের দিক থেকেও বটে।

তার অসম্ভব খাটুনি। অল্পলোকের ছোটো সভায় বলতে দাঁড়িয়ে তার মনে হয়, এতখানি সময় লেখার পিছনে দিতে পারলে তার বক্তব্য আরও কত বেশি মানুষকে সে পড়াতে পারত।

চারটের পর ট্রেন ছোটো স্টেশনটিতে পৌঁছায়।

প্রশান্তকে অভ্যর্থনা করার জন্য কয়েকজন স্টেশনে অপেক্ষা করছিল। খানিক কথাবার্তার পর তারা সাইকেল রিকশায় গোবিন্দ মেমোরিয়াল হলের দিকে যাত্রা করে। যেতে যেতে প্রশান্ত লক্ষ করে, বেশ আঁটোসাটো ঘনবন্ধ ছোটোখাটো শহরটি। আশেপাশে কয়েকটা কারখানার চিমনি মাথা উঁচু করে আছে।

এখন সভায় গিয়ে বসে লাভ নেই। সাড়ে পাঁচটার আগে সভার কাজ আরম্ভ হবে না, ছ-টাও বেজে যেতে পারে। গোবিন্দ মেমোরিয়াল হলটি বেশ বড়ো। ফেস্টুন ও পোস্টার দিয়ে ভালো করে সাজানো হয়েছে। হলের পিছনের দিকে ছোটো লাইব্রেরি ঘরটিতে বসে প্রশান্ত অপেক্ষা করতে করতে সভার উদ্যোক্তা দু-তিনজনের সঙ্গে আলাপ-পরিচয় করে।

আধঘণ্টা পরে মাইক ফিট করার আওয়াজ কানে আসায় একটু আশ্চর্য হয়ে জিজ্ঞাসা করে, মাইক এনেছেন ?

মাইক ছাড়া কি মিটিং হয় আজকাল ?

এরা তবে সভায় বহুলোক সমাগম আশা করছে। প্রশান্ত খুশি হয়। এই তো চাই। বৃহত্তম জনতার সঙ্গে আত্মীয়তাই তো প্রগতির আসল কথা।

জনসমাবেশের কলরবের সঙ্গে বহুদিন থেকে তার ঘনিষ্ঠ পরিচয়। পৌনে ছ-টা বাজে অথচ হলে যে বেশি লোক জমেছে লাইব্রেরি ঘরে বসে তা টের পাওয়া যায় না।

আরও কয়েক মিনিট পরে সভার কাজ আরম্ভ করার জন্য হলে এসে প্রশান্ত প্রায় স্তম্ভিত হয়ে যায়।

ছেলেবুড়ো মেয়েপুরুষ মিলিয়ে হলে শ্রোতার সংখ্যা পঞ্চাশের বেশি হবে না। আরও বিশ-পঁচিশজন এদিক-ওদিক ঘোরাফেরা করছে, সভার কাজ আরম্ভ হলে আসন গ্রহণ করবে।

সভার একজন উদ্যোক্তাকে সে জিজ্ঞাসা করেন, কী ব্যাপার ? একেবারেই তো লোক হয়নি ? সে জবাব দেয়, সংস্কৃতির ব্যাপারে একেবারে উদাসীন এখনকার লোক।

অথবা আপনাদের সংস্কৃতির ব্যাপারে উদাসীন ?

আমরাই তো এখানে সংস্কৃতি করি !

জবাবটা মোটেই তার পছন্দ হয় না। স্থানীয় লোক সংস্কৃতির ব্যাপারে একান্ত উদাসীন হলে এবং শুধু এরাই সংস্কৃতি করলে—কাদের নিয়ে কাদের জন্য কী সংস্কৃতি এরা করে বোঝা বড়োই কঠিন।

সভাপতির আসনে বসে সে মুষ্টিমেয় শ্রোতাদের দিকে তাকায়। আশ্চর্য, দুর্ভোগ লাগে ব্যাপাট তার কাছে। এর চেয়ে কত ছোটো জায়গায় সভায় গিয়েছে, হ্যান্ডবিল পোস্টার মাইকের সমারোহ ছাড়াই এর বিশগুণ লোক সভায় হাজির হয়েছে। সংস্কৃতি সম্পর্কে উদাসীন হোক—যদিও সেটা কী রকম উদাসীনতা সে কল্পনা করতে পারে না—তীর নামের কোনো আকর্ষণও কি এই শহরের লোকের কাছে নেই ? এ তো বিনয় বা অহংকারের কথা নয়—নামকবা সাহিত্যিকের নামের আকর্ষণ একটা স্বাভাবিক বাস্তব সত্য। যে লোকটা বই লিখে এত নাম করেছে লোকে তাকে স্বভাবতই দেখতে চায়, তার কথা শুনতে চায়। অথচ এত পোস্টার হ্যান্ডবিল সত্ত্বেও এ সভায় যত লোক এসেছে তার অর্ধেকের বেশি উদ্যোক্তা এবং সংগঠনের সঙ্গে কোনোও না কোনোভাবে যুক্ত ধরে নিলে সাধারণ শ্রোতার সংখ্যা দাঁড়ায় নামমাত্র।

প্রশান্ত একটু ঝিমিয়ে যায়, অস্বস্তিবোধ ববে। এমন একটা ধাঁধায় পড়ে গেলে নিবুৎসাত না হয়ে অস্বস্তিবোধ না করে মানুষ পারবে কেন !

অনেকটা যন্ত্রের মতো সভার কাজ চালিয়ে যায়। দেরিতে সভা আরম্ভ করার অজুহাতে প্রোগ্রাম ছেঁটে ছোটো করে দেয়, অল্পকথায় ভাষণ দিয়ে সাড়ে সাতটার মধ্যে কাজ শেষ করে ফেলে।

আটটার গাড়িতে সে ফিরে যাবে।

সাইকেল রিকশা, স্টেশনের দিকে চলতে চলতে দূর থেকে তার কানে ভেসে আসে লাউড স্পিকারের ধ্বনি আওয়াজ। রিকশা যত এগিয়ে যায় স্টেশনের দিকে লাউড স্পিকারের বক্তৃতার আওয়াজ তত স্পষ্ট হয়।

ওখানে কী হচ্ছে ?

তাকে স্টেশনে পৌঁছে দিতে যে ছেলেরা সঙ্গে যাচ্ছিল, সে বলে, একটা মিটিং হচ্ছে।

মিটিং ? কীসের মিটিং ?

দুর্ভিক্ষ, চোবাকারবাব, ব্যক্তিস্বাধীনতা এই সব নিয়ে।

প্রশান্ত একটা নিশ্বাস ফেলে।

পরম স্বস্তির নিশ্বাস। না, বাস্তব হঠাৎ অবাস্তব হয়ে যায়নি, সত্য হঠাৎ ধাঁধায় পরিণত হয়নি। সব ঠিক আছে।

স্টেশনের কাছাকাছি এসে ভিড় ঠেলে রিকশা এগোতে পারে না, তাদের নেমে যেতে হয়। স্টেশনের কাছে ফাঁকা মাঠে বিবাট এক জনসমাবেশ হয়েছে, বাস্তায় পর্বস্ত ভিড় উথলে এসেছে। স্টেশনে নামবার সময় মাঠটা ফাঁকা দেখে গিয়েছিল।

প্রশান্তও ভিড়ের মধ্যে দাঁড়িয়ে পড়ে। বক্তৃতা শোনেন।

আপনার গাড়ি কিন্তু দেরি নেই।

পরের গাড়িতে যাব।

এদিক-ওদিক

দুজনে প্রতিবেশী, সমবয়সি এবং বন্ধু। কিন্তু জীবনটা দুজনের গতি নিয়েছে দুদিকে। মাধব মেকানিকের কাজ শিখে ঢুকেছিল মোটর-মেরামতের কারখানায়, সে সেইখানে সেই কাজেই লেগে আছে। শরৎ লেগেছিল অল্প বেতনের একটা কেরানীগিরি চাকরিতে, বিনা নোটিশে ছাঁটাই হয়ে সে দিয়েছে ছোটোখাটো একটা মনোহারি দোকান।

মাধবের মোটর-মেরামতি কারখানার কাছাকাছিই তার দোকান, তাদেরই বাড়ির দিকে যাবার গলির মোড়ে বড়ো রাস্তার উপর একটা মুদিখানার পাশে।

মুদিখানাটা বড়ো নগেনের। দোকান খোলার সময় শরৎ ঘোষণা করেছিল আশেপাশের কাউকে আর কোনো সাধারণ বা শৌখিন জিনিস কিনতে শহরে ছুটতে হবে না, শহরতলির তার এই দোকানে কলকাতার দামে সকলে সব জিনিস পাবে।

জোর গলায় বলেছিল, সকলে পরখ কবে দ্যাখো। মাল আনার খরচ হিসেবেও যদি দুটো পয়সা বেশি ধরেছি প্রমাণ করতে পারে কেউ, সকলের সামনে নিজের কান কেটে ফেলব।

মাধব বলেছিল, কেন ? কিছু কিনতে শহরে যাওয়া-আসার খবচ নেই ? তোমার দোকানে পেলে লোকে খুশি হয়ে দু-চারপয়সা বেশি দেবে না !

শরৎ হেসে বলেছিল, ও হিসাব ভুল। কত লোককে কত ধান্দায় শহরে যেতে হয় দেখিস না ? কাজে যাবে দরকারি জিনিসটা কিনে আনবে—নিজের আনবে অন্যের আনবে। জিনিস আনতে বেশি খরচ লাগবে কেন ?

মাধব ভেবেচিন্তে বলেছিল, তাহলে কলকাতার দরে দিলেও দামি মাল তোব দোকানে কেউ কিনবে না। শহরের বড়ো দোকান থেকে কিনবে।

দেখা যায় মাধবের কথাই ঠিক।

লোকে সাবান, চিবুনি, চা, খাতা, পেন্সিল এ সব টুকিটাকি জিনিস কেনে তার দোকান থেকে, কিছু একটু বেশি দামি জিনিসের দরও জিজ্ঞাসা করে না—দু-একজন ছাড়া। চেনা লোক যাপা তাকে খুব উৎসাহ দিয়েছিল, তারাও ও সব জিনিস কলকাতা থেকে কিনে আনে।

দামি জিনিস দোকানে রাখা বন্ধ করতে হয়েছে শরৎকে।

শহরের দরে জিনিস বেচার নীতিও তাকে ছাড়তে হয়েছে।

নগেন বলেছিল, তবেই আপনি দোকান চালিয়েছেন দাদা ! শুধু মাল আনার খরচ নাকি ? শহরের বড়ো দোকানে ধারে কারবার নেই, আপনাকে ধার দিতেই হবে। আদায় করা কী ঠেলা, টের পাবেন। কিছু টাকা আটকে থাকবেই সব সময়, লগ্নি টাকার মতো। সুদ যদি না ধরেন তবে লাভ করবেন কী ?

শরৎ জোরের সঙ্গে বলেছিল, আমি কাউকে ধার দেব না, ঘবের লোককেও নয়।

বড়ো নগেন ফোকলা মুখে হেসেছিল।

ধারে মাল বেচতে হয়েছে শরৎকে, হিসাব করে দু-চারপয়সা দাম বেশিও ধরতে হয়েছে। ধারে মাল না দিলে অর্ধেকের বেশি খন্দের তার দোকানে আসবে না, খানিক তফাতে রসিকের দোকানে যাবে। রসিক ধারে দেবে।

চাকুরে বাবু মাসের শেষের দিকে এসে চায়ের একটা প্যাকেট চায়, প্যাকেটটা হাতে নিয়ে বলে, মাসকাবারে দামটা দেব।

চায়ের প্যাকেটটা তখন তাকে ধারে দিতেই হবে। কারণ, সত্যই তার হাত খালি, শাকপাতাব দৈনিক বাজারটা ক-দিন কী দিয়ে চালাবে তাই তাকে ভাবতে হচ্ছে।

মেয়েরা ছেলেকে পাঠাচ্ছে দোকানে, ছেলে জিনিস নিয়ে বলছে, বাবা এসে দাম দেবে।

যারা চাকুরে নয়, এলোমেলোভাবে যাদের রোজগার, যাদের বেশ কিছুদিন পরে পরে থোক টাকা রোজগার, বরাবর নগদ কিনে এসে হঠাৎ কোনো কারণে সাময়িকভাবে যে নগদ কিনতে পারছে না, তাদেরও ধার দিতে হয়।

বছরখানেক দোকান চালিয়ে কাবু হয়ে পড়েছে শবৎ। যা কিছু সম্বল ছিল সব ঢেলেছে এই দোকানে, এক বছর দোকান চালিয়ে লাভ হওয়ার বদলে গেছে লোকসান।

শুধু ওই ধার দেওয়ার জন্য।

কয়েকজনের কাছে বহুকাল অনেক বাকি পড়ে আছে, চেষ্টা করে টাকা আদায় করতে পারেনি।

কানু আর নগেন দুজনেই সাবধান করে দিয়েছিল, ধারে মাল দিতেই হবে কিন্তু লোক বুঝে দিয়ে—সময়মতো হোক দেরিতে হোক, টাকাটা যেন আদায় হয়।

এক বছরে অভিজ্ঞতা জন্মেছে অনেক, কিন্তু আজও সে বুঝতে পারে না ওই লোক বুঝে ধার দেওয়ার নীতিটা কী !

কে জানে সুভদ্রা ভাণ্ডারের রসিক কোন মাপকাঠিতে লোক বুঝে ধার দিয়ে দোকান চালিয়ে লাভ কবছে।

যাদব দোতলা বাড়ির মালিক, বেশ বড়োলোকি চালে তার সংসার চলে, সে একদিন দোকানে পা দেওয়ায় কৃতার্থ হয়ে গিয়েছিল শরৎ।

যাদব প্রায় হুকুমের সুরে বলেছিল, একটা হিসেব খোলো আমার নামে। বাড়িতে হাজার জিনিসের দরকার, খুচখাচ পয়সা দেবার ঝঞ্জাট পোষায় না আমার। আমি স্লিপ পাঠাব, বিশ-ত্রিশ টাকা হলে হিসাব পাঠিয়ে দিয়ে।

উল্লসিত হয়ে উঠেছিল শরৎ। এত বড়ো একজন খদ্দের পাওয়া সহজ ভাগ্যের কথা !

দশ-বারোদিনেই ত্রিশ টাকার উপরে উঠে গিয়েছিল যাদবের কাছে পাওনা।

শরৎ সংকোচে নিজেই গিয়েছিল হিসাব নিয়ে। সঙ্গে সঙ্গে টাকা মিটিয়ে দিয়ে যাদব তার উল্লাস বাড়িয়ে দিয়েছিল শতগুণ।

মনোহারী দোকান হলেও শরৎ তেল মশলা ঘি ইত্যাদি কয়েকটা মুদিয়ালি জিনিসও দোকানে রাখে। যাদব সব রকম জিনিসের জন্যই তার দোকানে স্লিপ পাঠায়।

মাসে প্রায় শ-খানেক টাকার মাল কেনার খদ্দের !

মাস তিনেক ত্রিশ-পঁয়ত্রিশটাকার হিসাব দাখিল করামাত্র টাকা মিটিয়ে দিয়ে যাদব সেদিন বিরক্তি প্রকাশ করেছিল, তুমি বড়ো জ্বালাচ্ছ আমাকে। মাসে দশবার হিসাব পাঠালে অসুবিধা হয় না আমার ? একেবারে মাসকাবাবে হিসাব দেবে।

আজ্ঞে ছোটো দোকান, মাল আনাতে হয়—

তবে কাজ নেই, আমি অন্য কোথাও হিসাব খলব।

বেশ, মাসে মাসেই হিসাব দেব আপনাকে।

মাসকাবারে একশো তেইশ টাকা সাত আনা তিন পয়সার হিসাব নিয়ে হাজির হলে যাদব বলেছিল, আজ তো তোমায় টাকা দিতে পারছি না। সাত তারিখে পাবে।

জিনিসের প্রয়োজন যেন আচমকা বেড়ে যায় যাদবের সংসারে। সাত তারিখের মধ্যে দু-দফায় আড়াই সের করে পাঁচসের তেলই নিয়ে যায় যাদবের চাকর।

দুশো টাকার কাছে গিয়ে পৌঁছায় তার কাছে শরতের দোকানের পাওনা।
সাত তারিখে গিয়ে শরৎ যাদবের দেখা পায় না। চাকর জানায় বাবু বড়ো ব্যস্ত, টাকা পাঠিয়ে
দেবেন।

সে টাকা আজও আদায় হয়নি !

নিজের দোতলা বাড়ি, দামি আসবাবে সাজানো বৈঠকখানা, বাড়িতে চাকর আছে, মেয়েরা
সাজপোশাকে শহরতলিকে লজ্জা দিয়ে বেড়াতে যায়, সিনেমায় যায়—লোক বুঝে ধার দেবার হিসাবটা
এ ক্ষেত্রে সে কী হিসাবে খাটাত ?

নগেন বলে, আমি কী ছাই জানি তোমার কাছে ধারে মাল নিচ্ছে ? ধারে কাউকে দেবে না
বললে, আমি ভাবলাম নগদ নিচ্ছে বুঝি। মোর সাঁইত্রিশ টাকার পাওনা দেয়নি পাঁচ মাস।

শরৎ অবাক হয়ে বলে, মোটে সাঁইত্রিশ টাকা ?

কাজে যাওয়ার পথে দু-পয়সার নস্য কিনতে মাধব দোকানে এসেছিল। সে বলে, তোমার দ্বারা
দোকান চলবে না। ভদ্রলোকের ছেলে, চাকরি-বাকরি করোগে। এতটুকু দোকান তোমার, কী হিসেবে
একজনকে তুমি দুশো টাকার মাল ধারে দিলে ? সে রাজা হোক, লাটসাহেব হোক—তোমার তো
ছোটো দোকান ? ধারে এত টাকার মাল তুমি দেবে কেন ?

নগেন বলে, ঠিক কথা, ন্যায্য কথা। অতি লোভে তাঁতি নষ্ট। ভাবলে যে মস্ত খদ্দের, মোটা
লাভ হবে। তোমার মতো বোকাদের ঠকিয়েই ওর যত চাল, যত বড়োলোকামি।

শরৎ স্নানমুখে বলে, তোমার সাঁইত্রিশ টাকা আদায় হয়েছে দাদা ?

অনেক কষ্টে হয়েছে। রাস্তায় পেয়ে একদিন রেগেমেগে টেঁচিয়ে আচ্ছা করে গালাগালি দিলাম।
জানি তো লোক দেখানো চালটাই আসল, চাল নষ্টের ভয়ে তটস্থ। ধমক দিয়ে বললে, চেষ্টাছ কেন ?
আমি কী জানি তোমার দোকানে বাকি আছে ? বাড়ি ফিরেই তোমার টাকা পাঠিয়ে দেব।

ফোকলা মুখে নগেন হাসে।

পাঁচ মাসে কতবার তাগিদ দিয়েছি, বাবু জানেন না দোকানে বাকি আছে। সেই দিন সন্ধ্যাবেলা
পাওনা পেয়ে গেলাম।

হাসি মুখে যায় নগেনের মুখের। বলে, তবে কিনা, মোকে জঙ্গ করতে চায়। অনেক বড়ো বড়ো
ঝঞ্জাটে সময় পায় না, নইলে অ্যাঙ্গিনে মোর ভারী অনিষ্ট করত।

শুধু এ রকম নয়। সুনীল চাকরি করছিল, মাসের কুড়ি-বাইশ তারিখ থেকে সে ধাবে মাল নিত।
যা নিলে নয় শুধু সেই রকম মাল। দোকানে বাকি যত কম হয় তারই জন্য যেন তার প্রাণপণ চেষ্টা।

পরের মাসে দু-তিন তাবিখে এসে বাকি পাওনা মিটিয়ে দিত। বলত, এ মাসে তোমার কাছে
আর ধারে কিছু কিনব না। তুমি বড়ো বেশি দাম ধরছ জিনিসের।

শরৎ বলত, ধারে দিতে হলে দাম দু-একপয়সা বেশি ধরতে হয়, বোঝেন তো ?

সাত-আটমাস এমনি নিয়মিতভাবে সুনীল তার দোকানে ধার করেছে, মাইনে পেয়েই মিটিয়ে
দিয়েছে সব পাওনা। ছাঁটাই হবার পর কথাটা গোপন রেখে মাসকাবারে সে বলেছিল, এ মাসের
মাইনে পেতে কয়েক দিন দেরি হবে।

আনায়াসেই সে আরও কয়েক দিন যাদবের কায়দায় বেশি বেশি মাল নিয়ে বাকি পাওনাটা
বাড়িয়ে দিতে পারত—কয়েকটা দিন চালিয়ে দেবার মতো জোগাড় করে রাখতে পারত তেল মশলা
ইত্যাদি দরকারি জিনিস।

কিন্তু সে আর এক পয়সাও বাকি কেনেনি।

বাকি টাকাটাও শোধ দিতে আজ পর্যন্ত আসেনি। ছেলেমেয়ে নিয়ে তার কী অবস্থা শরৎ জানে।
তাগিদ দিতে প্রাণ চায় না। এ তো জানা কথাই যে তাগিদ দিয়ে লাভও কিছু নেই।

এমনি আরও কতজন।

কেউ হয়তো পনেরো-বিশটাকা বাকি রেখেছে। কিন্তু মাসে পাঁচ টাকার মাল কিনছে। কোনো মাসে পাঁচ টাকা ধার বেড়ে যায়, কোনো দশ মাসে পাঁচ টাকা ধার কমে যায়।

বাকি না বাড়িয়ে নিয়মিত জিনিস কিনছে। এরা না কিনলে দোকান তার বন্ধ করতে হবে।

যাদব আর তারই মতো শাঁসালো পাঁচ-ছটি খন্দের মোটা টাকা বাকি রেখে দোকানে কেনাকাটাই প্রায় বন্ধ করেছে। দোকান তার চালু রয়েছে এই পাঁচ-দশ-বিশটাকা বাকিওলাদের জন্য।

বাকি শোধ না করতে পারার লজ্জায় ওরা নগদ দিয়ে যা কিছু কিনতে পাবে, তার দোকান থেকেই কেনে। টাকা প্রতি সে দু-পয়সা দাম বেশি ধরছে জেনেও কেনে।

রতন ধারে প্রায় পনেরো টাকার মতো। বয়স তার বিশ বছরের বেশি নয়, পাঁচজনের একটা অচল সংসার চালু রাখতে না পারলেও ধ্বংস হওয়া ঠেকিয়ে চলছে।

সে সরলভাবে বলে, আপনার ধারটা নিশ্চয় দেব শরৎদা, দু-একমাসের মধ্যে দেব। বউদি ছেঁড়া কাপড় পবে আছে আজ দেখেছি। কদিন বাদে রায়বাবুদের ওই পুকুবার কোনায় পেয়ারা গাছে উঠেছি, বউদি এসে বললে আমায় দুটো পেয়ারা দেবে? দেখলাম শাড়িটা ন-শো জায়গায় ছিড়ে গেছে—ন-শো জায়গায় সেলাই হয়েছে।

রতন দুটো সিগারেট কেনে। একটা সযত্নে পকেটে রেখে একটা ধরিয়ে জিজ্ঞাসা করে, আমার টাকা ক-টা বাকি আছে বলেই কি বউদিকে একটা শাড়ি দিতে পারছ না শরৎদা?

এভাবে যে কথা বলে, ব্যবহার করে, পনেরোটা টাকা বাকি আদায়ের জন্য তাকে কি গাল দেওয়া যায়?

যাদবদের মতো শাঁসালো লোকদের কাছে সে যখন দেখেশো-দুশো টাকা বাকি আদায়ের জন্য সর্বিনয়ে সসংকোচে ভিখারির মতো দরজায় গিয়ে দাঁড়ায়, দেখা হবে না শূনেও রাগ না করে ফিরে আসে?

দোকান বন্ধ করে সে যখন বাড়ি ফেরে, পাড়ার ঘরে ঘরে ঘুম তখন ঘনিষে এসেছে, তাব তিনটি ছেলেমেয়ে অচেতন হয়ে গেছে ঘুমে। শিবানীও হাই তুলছে ঘনঘন।

শিবানীর পরনে সতাই ছেঁড়া কাপড়, মাধব মিছে বলেনি।

মনোহারী মনিহারি দোকান করতে তার গয়নাগুলিও লেগেছে, তার শুধু ছেঁড়া শাড়ি দিয়ে লজ্জা নিবারণের সমস্যা নয়।

শিবানী বলে, এখন খাবে?

শুকনো রুটি আর ছেঁচকি তো? খাবখন। তুমি এতক্ষণ কী করছিলে?

শিবানী মুখ বাঁকায়।

কী আবার করব? ওরা খানিকক্ষণ পড়ল, তারপর খেয়ে দেয়ে ঘুমিয়ে পড়ল। কারও পেট ভরে না। খালি বলে, আরেকটা রুটি দাও, একটু চিনি দাও—কোথেকে দিই বলো তো? রোজ আমার ওপর রাগ করে ঘুমোয়।

শরৎ কথা বলে না।

রমা এসেছিল, ওর সঙ্গে কড়ি খেললাম। ও বেচারাবও সময় কাটে না। মাধববাবু কাজ থেকে এসে আবার বেরিয়ে যায়, মিটিং-ফিটিং করে নটা-দশটায় ফেরে। কিন্তু তবু কী হাসিখুশি মেয়েটা, রোজ রোজ এসে প্রাণ জুড়িয়ে দিয়ে যায়। ও না এলে আমি বোধ হয় পাগল হয়ে যেতাম!

একেই বলে তিরস্কার। একেই বলে কাটা ঘায়ে নুনের ছিটা দেওয়া।

মাথা ঘোরে। শরীরে বিশ্রী অস্বস্তি আর অস্থিরতা। দোকানটার প্রথম দিকে মালপত্রে ভরাট একটি জমজমাট চেহারা ছিল, আজকাল কেমন ফাঁকা ফাঁকা মনে হয়। অনেক রকম জিনিস টাকার অভাবে দোকানে এনে রাখা যায় না। খদ্দের ফিরিয়ে দিতে হয়।

হঠাৎ একদিন বিকালের দিকে হ্যাট কোট পরা যাদব দোকানে এসে তাকে আশ্চর্য এবং অভিভূত করে দেয়।

যাদব বলে, তুমি দুশো টাকার মতো পাবে না ? কাল সকালে গিয়ে টাকাটা নিয়ে এসো।

বুকেটা ধড়াস ধড়াস করে। সেই যেন মস্ত একটা অপরাধ করেছে যাদবের কাছে, এতগুলি টাকার পাওনাদার হয়ে।

যাদব বলে, এক টিন সিগারেট দাও তো। এক পাউন্ড চা দাও। ভেজিটেবল ঘিয়ের দশ পাউন্ড টিন নেই ? আচ্ছা পাঁচ পাউন্ড টিন একটা দাও। আরও তিন-চারটে জিনিস যাদব নেয়। হাতের সুদৃশ্য চামড়ার কেসটির ভিতর থেকে একটা কাপড়ের থলি বার করে জিনিসগুলি তার মধ্যে ভরে নিয়ে চলে যায়।

বলে যায়, কাল যেয়ো—দশটা নাগাদ।

শরৎ দাঁড়িয়ে থাকে পুতুলের মতো। অচেনা একজন খদ্দের এসে নতুন চকচকে একটা দোয়ানি বাড়িয়ে দিয়ে বলে, দুপয়সার নস্যি দিন তো।

শরতের যেন চমক ভাঙে।

নগদ দামে দুপয়সার নস্যের খদ্দেরকে বিদায় করেই সে বন্ধ করে দোকান ! এগিয়ে যায় হরেনের মোটরগাড়ির মস্ত হাসপাতালটার দিকে।

প্রতিদিন কিছুক্ষণের জন্য রমা না এলে শিবানী নাকি পাগল হয়ে যেত। মাধবের সঙ্গে খানিকক্ষণ দহরম-মহরম না চালালে সেও আজ পাগল হয়ে যাবে।

কারখানায় একটা শূন্য তোলা গাড়ির তলায় আধশোয়াব মতো বাঁকা হয়ে বসে মাধব গাড়িটার হুৎপিণ্ডে কী একটা অপাবেশন চালাচ্ছিল।

নিশ্চয় কঠিন অপারেশন।

শরৎ ডাকতে মাধব বলে, দাঁড়া।

বলে প্রায় বিশ মিনিট নিঃশব্দে একমনে ইঞ্জিনটার চিকিৎসা চালিয়ে যেন চটেমটেই উঠে আসে। গজগজ করতে করতে বলে, ব্যাটারী যত ধ্যাধ্যারে পচা-মরা গাড়ি এনে দেবে—মাধব সারিয়ে দাও !

কেন, গাড়িটা তো নতুন মনে হচ্ছে।

গাড়ির বাইরেটা নতুন রং করা, ইঞ্জিনটা ঠাকুরদার চেয়ে বুড়ো রন্দি জিনিস।

হরেন মোটা চুরট টানতে টানতে এসে বলে, কাল গাড়িটা ছাড়া যাবে তো মাধব ? অন্যের বেলা যাই হোক, ধীরেনবাবুকে কিন্তু চটানো যাবে না।

মাধব বলে, কালকেই ছেড়ে দেবেন গাড়ি। বলবেন গাড়িটার যেন শ্রাদ্ধের ব্যবস্থা করেন।

হরেন চটে বলে, কী রকম ?

মাধব বলে, মানুষ মরে গেলে ডাক্তার তাকে বাঁচাতে পারে ? তার তখন শ্রাদ্ধ করতে হয়। এ গাড়িটা মরে ভূত হয়ে গেছে।

হরেন খানিকক্ষণ কটমট করে তার দিকে চেয়ে থেকে বলে, তুমি আমাকে ডোষালে মাধব ! আমার অবস্থাটা বোঝো না কেন ?

হরেনের সিগারেটের সঙ্গে পান্না দিয়েই যেন একটানে বিড়িটা পুড়িয়ে ফেলে মাধব বলে, বুঝতে দ্যান না, তাই বুঝি না। যাকগে বাবু, কাল হুণ্ডা পাইনি আজ দিয়ে দিন।

শরৎ লক্ষ করে জন ত্রিশেক মিস্ত্রি কারিগর খানিক তফাতে এলোমেলোভাবে দাঁড়িয়ে আছে। এমনভাবে দাঁড়িয় আছে যেন সারা সপ্তাহ কাজ করেও হস্তা পাবার জন্য তাদের এতটুকু ব্যগ্রতা বা উগ্রতা নেই।

হরেন একবার মাধবের দিকে একবার ওদের দিকে তাকায়।

আজ বোধ হয় হবে না।

আজ চাই বাবু।

হরেন মিনিটখানেক চুপ কবে থেকে কর্মচারীকে বলে, সুধীর—এদের হস্তা দিয়ে দাও। সেই টাকাটা থেকেই দাও।

তেলকালি মাথা হাফপ্যান্ট আর গেঞ্জি ছেড়ে ধুতি আর শার্ট পবে মাধব শবতের সঙ্গে রাস্তায় নামে।

বলে, দোকান ফেলে এ সময় এলি ?

শরৎ বলে, দোকান আর চলাব না। যাদববাবু ফের আজকে প্রায় দশ টাকার মাল ধাবে নিয়ে গেল।

নিয়ে গেল ? না তুই দিয়ে দিলি ?

শরৎ চুপ করে থাকে।

মাধব বলে, কাল দশটায় যেতে বলেছে তো ? কাল ছুটি আছে, আমি তোর সাথে যাব।

বেলা দশটায় যাওয়ার কথা ছিল, মাধব নটার আগেই শরৎকে ডেকে নিয়ে যাদবের বাড়ি যায়।

দরজা খুলে চাকর বলে, এখন বাবুর সঙ্গে দেখা হবে না।

অর্থাৎ যাদব দেখা করবে না। জানালা দিয়ে দেখা গিয়েছিল যাদব বাইরের ঘরেই বসে আছে।

মাধব কথা না বলে চাকরের পাশ কাটিয়ে বৈঠকখানায় ঢুকে যায়, পিছনে যায় শরৎ।

যাদব কটমট করে তাকায়।

মাধব ধীরেসুস্থে একটা চেয়াব টেনে বসে বলে, ওর কাছে আমি তিনশো টাকা পাব যাদববাবু।

আপনি আজ ওর দোকানের পাওনা মিটিয়ে দেবেন বলেছেন, তাই সাথে এলাম। বন্ধুকে টাকা ধার দেওয়া কী ঝকমারি কাজ বলুন দিকি ? ঘরে আমাব রেশন আনাব পযসা নেই।

যাদব একবার মাধবের দিকে, একবার শবতের দিকে তাকায়।

আজ হবে না। কাল দেব।

আজকেই চাই বাবু।

যাদব খানিকক্ষণ চুপ করে থেকে উঠে ভিতরে চলে যায়। ফিরে এসে পঞ্চাশটা টাকা শরৎকে দিয়ে বলে, আজ এর বেশি দিতে পারছি না। বাকিটা সামনের সপ্তাহে দেব।

শরৎ বলে, আবার সামনের হস্তায় ?

মাধব বলে, যাকগে। তাই দেবেন, দুজনেই আসব। বাকিটা সব একেবারে না পারেন, এমনি পঞ্চাশ-ষাট করে মিটিয়ে দেবেন কয়েক দফায়।

বাইরে গিয়ে মাধব বলে, আর কার কাছে বাকি আছে, চ ঘুরে আসি। হয়েছিল দোকানদার মানুষ, মেয়েমানুষের মতো করিস কেন বল দিকি :

এপিঠ-ওপিঠ

সকালের ডাকে চিঠিখানা আসে।

অবনী তখন কয়েকটা টাকার সন্ধানে বেরিয়েছে। অন্যভাবে সন্ধান পাওয়া অবশ্য মস্ত একটা যদি কথ্য, পকেটে তাই তমালেব আরেকটা সোনার জিনিসও নিয়ে গেছে।

এমনি না পেলে ওটা বাঁধা রেখে বা বিক্রি করেই টাকা আনবে। টাকা আজ চাই-ই, নইলে ছেলেমেয়ে দুটিকে নিয়ে তাদের উপোস একেবারে বাঁধা।

টাকা না আসা পর্যন্ত যে উপোস থামবে না। কাল রাত্রি পর্যন্ত অন্যভাবে চেষ্টা করে আজ সকালে অগত্যা সোনার জিনিসটা নিয়েই বেরোতে হয়েছে অবনীর।

বেরিয়েছে বলেই কার্ডখানা তমালের হাতে পড়ে। কে কী লিখেছে দেখে এবং চিঠিখানা পড়ে খানিক অবাক হয়ে থাকার পব সেটা তমাল নিজের ভাগ্য বলে ভাবে।

এতদিন পরে নিজে থেকে রমণী ভাইকে চিঠি লিখেছে ! সংক্ষিপ্ত হলেও চিঠি ! বহুদিন তাদের কোনো খবর পায় না, তাই কুশল জানতে চেয়েছে।

তবু এ তো রমণীর যেচে লেখা চিঠি। এ চিঠি হাতে পড়লে অবনীর মনস্তির করে ফেলতে আর এক মুহূর্তও দেয় হয় না।

তাদের সকলকে টেনে নিয়ে অবনী তাব বড়োভাইয়ের বাড়িতে তুলবে। চাকবি পাওয়ার আগের দিনগুলিব অপমান আন নির্ঘাতন, বড়োজা বেলার ঝাঁটা মারা ব্যবহারে রোজ তার কাঁদাকাটা, চাকরিটা পাবার পর তাদের ফৌস করে ওঠা আর দুভাই দুজায়ের মধ্যে অকথ্য কুৎসিত ঝগড়াব পর তাদের চলে আসা--সব অবনী ভুলে যাবে।

এ চিঠি পাবার দরকার হয়নি, এভাবে রমণীর জানাবার দরকার হয়নি যে পুবানো বিবাদ সে ভুলে গেছে কিন্তু ছোটোভাইকে ভুলে যায়নি—এমনিতেই ও সব তুচ্ছ হয়ে গেছে অবনীর কাছে।

শুধু তার জন্যে পারেনি, নইলে এক মাস আগেই সে তাদের সকলকে সঙ্গে নিয়ে মাথা নিচু করে ভিগারিব মতো দাদার আশ্রয়ে গিয়ে উঠত।

কাল রাত্রেও এই নিয়ে তাদের ঝগড়া হয়ে গেছে। আজ থেকে যে সুনিশ্চিত উপোস শুবু হওয়াব কথা ঠেকাবার ব্যবস্থা কবতে না পাবে শাস্ত্রক্রান্ত দেহে বাড়ি ফিরে একটু ছেঁচকি দিয়ে শুকনো দুখানা বুটি খাবাব পব।

অবনী বলেছিল, তোমাব কেবল ফাঁকা বাহাদুরি ! মায়ের পেটের ভাই, গুবুজন, তার কাছে দু-একমাস আশ্রয় নিলে কী এমন আসে যায় ? তোমার মান ধুয়ে জল খেলে বাচ্চাদের পেট ভরবে ? বাচ্চাদের পেট ! তার যেন পেট ভরাবার প্রয়োজন হয় না, তমালেরও নয় !

অবনী আরও বলেছিল, তোমাদের বোঝা টেনে টেনে আর কিছু করতে পারছি না। দুমাস একটু রেহাই পেলে একটা কিছু ব্যবস্থা করতে পারতাম।

সবই ঠিক কথা। কাঁহাতক আর এভাবে টানতে পারে মানুষ ? আজ আট মাসের উপর চাকরি নেই, রোজগার নাই।

কিন্তু এ অবস্থাতেও তমাল কী করে ভুলবে দীর্ঘদিন ধরে অবনীর মায়ের পেটের ভাই আর তার বউয়ের ব্যবহার, অবনী একটা চাকরি পাওয়ামাত্র ওদের সঙ্গে তাদের ব্যবহার ?

আজ বিনাদোষে হলেও সেই চাকরি খুইয়ে কী করে আবার ফিরে যাবে ওই চাকুরে ভাইয়ের বাড়ি ? বেলা যে কীভাবে মুখ বাঁকিয়ে তার দিকে তাকাবে শুধু এইটুকু ভাবতে গেলেই যে গায়ে তার বিছার কামড় লাগে !

তার চেয়ে গাছতলা ভালো। না খেয়ে মরা ভালো।

সে তাই অবনীকে বোঝাবার চেষ্টা করেছিল যে এটা তার মানের কথা নয়। ভাইয়ে ভাইয়ে সম্পর্কটা যদি তাদের সাধারণ হত, সাধারণ স্বাভাবিকভাবে তারা আর দশটি ভাইয়ের মতো ভিন্ন হয়ে যেত, সে হত একেবারে আলাদা ব্যাপার।

কীভাবে তাদের বিচ্ছেদ হয়েছিল সেটা ভাবতে হবে। ভাই বলেই কি আর জোড়া লাগে ? গিয়ে কোনো লাভ নেই। বরং রাস্তার লোককে রমণী আশ্রয় দেবে, তাদের লাখি মেরে তাড়াবে।

রমণী না তাড়াক, বেলা নিশ্চয় ঝাঁটা মেরে দুয়ার থেকে তাদের বিদায় করে দেবে।

এ যুক্তি না মেনে পারেনি অবনী। তবু তার কথা মেনে নিয়েও ঝগড়া করেছিল।

কাবণ যুক্তি তো সে চায় না। সে উপায় চায়, রেহাই চায়, বাঁচতে চায়।

লাখি মাবুক, ঝাঁটা মাবুক, সব সয়ে সে মায়ের পেটের ভাইয়ের বাড়ি দু-চারটা মাস মাথা গুঁজে পড়ে থাকতে রাজি। কোনো দিকে আর কোনো উপায় দেখতে পাচ্ছে না।

এ চিঠি হাতে পড়লে অবনীকে আর ঠেকানো যাবে না।

তার গয়না বেচতে যেতে হয়েছে এটা দুর্ভাগ্য কিন্তু ভাগ্যে সে পিয়নের চিঠি বিলি করার সময়েই বাইনে গিয়েছে। ভাগ্যে চিঠিখানা হাতে পেয়েছে সে।

অবনীকে এ চিঠি সে দেখাবে না। যে আত্মহত্যা করতে ব্যাকুল তাকে সে উসকানি দেবে না।

অস্তরের ঝাঁয়ে কান দুটি ঝাঁঝ করে তমালের।

বোঝা।

তার গয়না বেচে বেচে সংসার চালাচ্ছে, তবু সেই হয়েছে অবনীর বোঝা !

দুটো পয়সা রোজগাব কবার কোনো উপায় যদি তার থাকত !

এই জ্বালা আর আপশোশ তার চিন্তাকে ধীরে ধীরে অন্যভাবে জারিয়ে আনে।

তাব রোজগাবেব উপায় ?

জোয়ানমন্দ শিক্ষিত বোজগারে মানুষটাব কোণঠাসা নিবুপায় হয়ে রোজগারের ফিকিরে ঘুরছে আট-নমাস--বোকা হাবা ঘরেব কোণার বউ সে—তার বোজগারের উপায় !

কচি কচি দুটো ছেলেমেয়েব মা সে, তাব রোজগারের উপায় !

শীর্ণ অপুষ্ট খোকন আর খুকুমণির লাবণাহীন করুণ মুখ দুখানির দিকে চেয়ে থাকতে থাকতে হাসবে না কাঁদবে ভেবে পায় না তমাল।

ওদের জন্য কিছুই করার ক্ষমতা তার নেই।

হিন্দুস্থানি এক গোয়ালা বাড়িব সামনে দিয়ে যাচ্ছিলেন দুধেব বালতি হাতে করে, তার কাছ থেকে ধারে এক পোয়া দুধ কিনে সে আজ ওদের খাইয়েছে। গজীর মুখে দুধ নিয়ে বলেছে, বাবুকা পাশ দাম পাবে।

ঠিক হয়।

ঠিক যে কিছুই নেই ও গোয়ালা তো তা জানে না। ভেবেছে, বউ পোষে, কাজেই বাবু নিশ্চয় মস্ত বাবু না হলেও অনায়াসে এক পো দুধের দাম শোধ কবার মতো বাবু নিশ্চয় !

এটুকুর বেশি তার কিছুই করার ক্ষমতা নেই।

আজ যেন প্রথম সে বোধ করে নিজের অসহায়তা আর অক্ষমতা। আজই প্রথম যেন তার হঠাৎ খেয়াল হয় যে ছাঁটাই হলেও অবনীই একা তাদের আট-নমাস খাইয়ে এসেছে, উপোস করতে

দেয়নি। তার গয়না বেচেছে এবার নিয়ে কয়েকবার—কিন্তু স্বামীরা স্ত্রীর গয়না তো মদ আর রেসের খরচেও উড়িয়ে দেয়।

সে এতটুকু সাহায্য করেনি অবনীকে !

অবনী পড়েছে বিপাকে অথচ সে চেয়েছে অবনীকে তার নিজের খুশিমতো চালাতে। আশ্রয়ের জন্য আবার বেলায় দুয়ারে গিয়ে দাঁড়ানো তার কাছে মরার বাড়া অপমান বলে হয়তো তাদের বাঁচাবার জন্য অবনীর ঠিক করা একমাত্র উপায়টাই সে বাতিল করে দিতে চায়। নিজেও মরতে চায়—অবনী আর ছেলেমেয়ে দুটোকেও মারতে চায়।

ভাবতে ভাবতে কত তাড়াতাড়িই যে মনের ভাব একেবারেই বদলে যায় তমালের !

খানিক আগেও সে ভাবছিল ভাগ্যে অবনী বেরিয়েছিল, ভাগ্যে পিয়ন তার হাতে চিঠি দিয়েছে—এই ভাগ্যটাকেই বাতিল করার জন্য তমাল যেন উন্মুখ উৎসুক হয়ে থাকে।

অবনী গয়না বেচে বাজার করে বাড়ি ফেরামাত্র তার হাতে রমণীর পোস্টকার্ডটা তুলে দেয়।

তার গয়না-বেচা পয়সায় অবনী পোয়াটেক মাছ কিনে এনেছে, সেদিকে পর্যন্ত তার নজর যায় না।

পনেরো দিন পরে তারা আজ মাছ খাবে !

অবনী চিঠিটা পড়ে। পড়ে ছেঁড়া পাঞ্জাবির পকেটে গুঁজে রেখে দেয়। সারাদিন এ বিষয়ে সে কোনো কথাই বলে না।

তার গয়নাটা এবার বেচেই দিয়েছে অবনী। সেই টাকায় সে আজ এনেছে ভালো মাছ আর তরকারি, সারা হণ্ডার রেশন।

অন্য কথা অনেক বলেছে। আসল কথা পকেটে রেখে দিয়েছে।

বেশ। তাই ভালো। চতুর্থ দফায় তার গয়না বিক্রি করে সামলে নিয়ে তাকেই যদি বাতিল করতে চায় অবনী—করুক !

রাত্রে শুতে যাবার সময় তাকে ডেকে বৃকে নিয়ে আদর করে অবনী।

করুক !

তারপর অবনী বলে, শোনো, দাদার চিঠির মানে বুঝেছ ?

আমি কি বুঝতে পারি এ সব ?

নিজের দাদা। গুবুজন। আমি যাইনি, কিন্তু কারও কাছে নিশ্চয় শুনছে আমার দূরবস্থার কথা। তাই এই চিঠিখানা না লিখে থাকতে পারেনি। ভাই মরে যাবে—বড়োভাই গুবুজন কখনও তা সইতে পারে ?

তাহলে কালকেই আমরা ওবাড়ি যাচ্ছি ?

না। ক-টা দিন কোনো রকমে চালিয়ে মাসকাবারে যাব। মাইনের মোটা টাকাটা হাতে থাকবে, দাদা খুশিই হবেন আমরা গেলে।

অবনীর সিদ্ধান্ত মেনে নেবার পর আর কিছুই বদলায় না। হঠাৎ কেমন অর্থহীন হয়ে যায় বিমানো নিপ্তেজ জীবনটা।

দিনের পর দিন চাকরি খুঁজতে বার হওয়া, এভাবে ওভাবে কিছু খুচরো রোজগারের চেষ্টা করা আর একেবারে অচল হলে তমালের গয়নায় হাত দেওয়া, যেটুকু না হলে বাঁচাই যায় না সেটুকু ছাড়া সব কিছু প্রয়োজন বাতিল করে দেওয়া—এ কী জীবন ?

তবু কী যেন একটা ছিল ওইভাবে প্রাণপণ করে কোনো রকমে টিকে থাকা আর আশা করে দিন কাটানোর মধ্যে, তিতো হলেও একটা স্বাদ ছিল জীবনের—হঠাৎ যেন সেই কটু বিস্ত্রী স্বাদটুকু পর্যন্ত চলে গিয়ে ভোঁতা অর্থহীন হয়ে গেছে বেঁচে থাকা।

আজ মাসের তেইশ না চব্বিশ তারিখ কে জানে। মাসকাবারের বেশি দেরি নেই।

মাসকাবারে এই অসম্ভব লড়াই শেষ করে তারা গিয়ে উঠবে রমণীর আশ্রয়ে।

বাঁচার লড়াই সেখানেও শেষ হয়ে যাবে না। কিন্তু বেঁচে থাকার মানে যেন ফুরিয়ে গেছে আজ থেকেই।

এখানে থেকে নিজেদের বোঝা নিজেরা বয়ে মরে গেলে তার মধ্যে এতটুকু গৌরব না থাক বাঁচার জন্য লড়াই করতে করতে মরে যাবার মানেটুকু থাকত জীবনের।

অবনী বলে, কেন এও তো লড়াই। দরকার হয়েছে নিচু হয়ে অপমান সহিতে যাচ্ছি।

অন্যভাবে নিচু হও না, অপমান সও না ? চলো বস্তির একটা সস্তা ঘরে চলে যাই। তুমি কুলি খাটবে, আমি ঝি-গিরি করব।

পাশের বাড়ি থেকে চেয়ে আনা খবরের কাগজটা থেকে মুখ তুলে অবনী একটু হাসে। বলে, আসলে তোমার কী হয়েছে জানো ? বউদির কাছে কী করে নত হবে ভেবে তোমার দম আটকাচ্ছে। তুমি ঝি-গিরি করতে পারবে, সব কিছু সহিতে পারবে—শুধু জায়ের কাছে মান খোয়াতে পারবে না।

ছেঁচকি রান্নার জন্য কুমড়োর টুকরোটা কুচিকুচি করে কাটতে কাটতে তমাল বলে, কে জানে। হয়তো তাই হবে। আমার মাথার ঠিক নেই, কিছুই বুঝতে পারছি না। তাই তো রাজি হলাম। শেষকালে নিজের সস্তা একটু মানের জন্য তোমাদের মারব !

অবনী তাকে আশ্বাস দিয়ে বলে, অত ভেবো না। আমরা কি চিরকালের জন্য গলগ্রহ হতে যাচ্ছি ? দুদিন পরে সব ঠিক হয়ে যাবে। দাদাও এঁটা বোঝে নইলে নিজে থেকে চিঠি লিখত ?

তমাল একটু ভেবে বলে, তুমি কি চিঠি লিখে জানাবে, না নিজে একদিন দেখা করতে যাবে ?

আমি কিছুই করব না। দোসরা তারিখে আমরা সবাই মিলে একেবারে গিয়ে উঠব।

খবর না দিয়ে ?

অবনী সায় দেয়। বলে, মুখ বুজে থাকো, বুঝলে ? কাউকে কিছু জানিয়ে দরকার নেই। বাড়িওয়ালার টের পেলে কিন্তু হাঙ্গামা করবে—সব মাটি হয়ে যাবে।

তার মানেই তারা চোরের মতো পালিয়ে যাবে। এখান থেকে চোরের মতো পালিয়ে গিয়ে চোরের মতোই আপনজনের বাড়িতে গিয়ে উঠবে।

এতদিনে জীবনে খাঁটি বিতৃষ্ণা জন্মে যায় তমালের।

দোসরা সকালে সে জিজ্ঞাসা করে, কখন যাবে ?

দুপুরে খাওয়া-দাওয়া সেরে।

খাওয়া-দাওয়া সেরে যাবে ! কতই যেন সমারোহ তাদের দুপুরের খাওয়া-দাওয়ায় !

পাশের ঘরের মহিম মাইনে পেয়েছে পয়ল' তারিখে। সকালে বাজারে গিয়ে মাসের শেষের দিকের তুলনায় সে যেন সমস্ত বাজারটাই কিনে এনেছে মনে হয়। আধসের কাটা মাছ এনেছে, দুবেলাই আজ ওরা মাছ খাবে।

সাতজনে খাবে। তবু তমালের মনে হয়, যেতেই যখন হবে, সকালবেলা চলে গেলেই ভালো হত। কী রীধবে ভেবে চোখে জল আসত না। ছাঁচরামি করে ভাসুরের ঘাড়ে গিয়ে ওঠার বিড়ম্বনায় চোখে যদি জল আসে, খেয়ে গেলেও আসবে না খেয়ে গেলেও আসবে।

তাই, বেলা নটা নাগাদ বাড়ির সামনে ভাড়া গাড়িটা দাঁড়াতে দেখে এবং সেই গাড়ি থেকে রমণী ও বেলাদের নামতে দেখে তাড়াতাড়ি চোখ মুছে তাকে ভাবতে হয়, ভাগ্যে সকালবেলাই তারা বেরিয়ে পড়েনি।

মাথা ঘুরে গেছে তমালের। চিঠির জবাব না পেয়ে রমণী সপবিবারে তাদের মান ভাঙতে এসেছে ! অবনীর অনুমান যদি সত্যি হয়, রমণী যদি জেনে থাকে তাদের চরম দুরবস্থার কথা। হয়তো তাহলে তাদের নিয়ে যেতেই এসেছে।

কিন্তু কী বিক্রী চেহারা হয়ে গেছে ওদের সকলের ?

কী রকম সসংকোচে স্বলিতপদে বাড়িতে ঢুকছে ?

রমণীর হাতে ছিল একটা সুটকেশ, ছেলেমেয়েদের হাতে তিনটি ভর্তি থলি। সেগুলি বারান্দায় নামিয়ে রেখে তারা ঘরে ঢোকে।

অবনী রমণীকে বলে—দাদা বসুন।

তমাল বেলাকে বলে, বসুন দিদি।

তারা চৌকিতে বসে। দেখে যেন প্রাণ নেই এমনভাবে বসে। ছেলেমেয়েবা মাদুরে বসে আড়ষ্টভাবে।

আড়ষ্টতা তমালদেরও এসেছে। ভাইয়ের দুরবস্থার খবর জেনে নিজেবাই তাদের নিতে এসেছে—এই আশার ঝলক প্রায় মিলিয়ে গিয়েছে। তাদের অবস্থা জানলে এভাবে সবাই মিলে কী আব তাদের নিতে আসত !

রমণী বলে, আমবা—

এটুকু বলেই থেমে যায়।

অবনী বলে, তাই বলছিলাম। এমন হঠাৎ—?

রমণী হঠাৎ মুখ তুলে বলে, তোমাব কাছে কিছুদিন থাকতে এসেছি। এক বছর চাকবি নেই, অসুখে ভুগছি, দিন আর চলে না, তাই—

নতমুখী বেলার দিকে চেয়ে তমাল হাসবে না কাঁদবে ভেবে পায় না !

পাসফেল

খবরের কাগজে খবর বেবিয়েছে যে একটি ছেলে আত্মহত্যা করার জন্য বিষ খেয়েছিল, এখন সংকটাপন্ন অবস্থায় হাসপাতালে আছে। ছেলেটি আই এ পরীক্ষা দিয়েছিল। পরীক্ষার ফল প্রকাশিত হবার কয়েক দিন পরে সে বিষ খায়।

নীরেন আর বিমল একসঙ্গে পরীক্ষার ফল জানতে যায়। এক কলেজ থেকে পরীক্ষা না দিলেও দুজনে তারা এক পাড়াতে থাকে। ম্যাট্রিক তারা দিয়েছিল এক স্কুল থেকেই, এক কলেজে দুজনে সিট পায়নি।

পাসের কৃতিত্বে অনেক তারতম্য ছিল দুজনের। নীরেন খুব ভালোভাবে পাস করেছিল। বিমলের ফলটা সে রকম হয়নি।

এবার কী হয়েছে কে জানে ! যে রেটে ছাত্রদের ফেল করিয়েছে ভাগ্যবিধাতারা ! পাসের পার্সেন্টেজের খবর শুনে পিলে চমকে গিয়েছিল নীরেনেরও।

কে জানে এই জন্যেই এবার প্রাণেশ একটু দমে গিয়েছে কিনা, যে রকম আগ্রহ নিয়ে উদগ্রীব হয়ে ছেলের সঙ্গে ম্যাট্রিকের রেজাল্ট জানতে ছুটেছিল, এবার আর তার সে রকম কোনো লক্ষণ দেখা যায়নি।

একটু আশ্চর্যই হয়ে গিয়েছে নীরেন। বাপ যে কীভাবে তাকে দুবছর কলেজে পড়িয়েছে, পরীক্ষার খরচ জুগিয়েছে, সেটা তার অজানা নয়। মা-র গয়না বিসর্জন দিতে হয়েছে তাকে পড়িয়ে পাস করাবার জন্য।

অথচ এবার যেন পরীক্ষার ফলাফল জানবার জন্য তেমন ব্যাকুলতা তার নেই। আগ্রহ আর উৎকর্ষার অবশ্য অভাব নেই, ছেলের পাসফেলের খবর জানা সম্পর্কে তার পক্ষে উদাসীন হওয়া সম্ভব নয় কিন্তু কেমন যেন স্তিমিত, নিস্তেজ ভাব।

শুধু প্রাণেশের নয়। বাড়ির সকলেরই ব্যাকুলতা যেন এবার অনেক কম। একটু চিন্তিত গম্ভীর ভাব সকলের।

বিমল বলে, পাসের পার্সেন্টেজ জেনে ভড়কে গেছে। এত ছেলে কচুকাটা হয়েছে, তুই যদি না বাদ গিয়ে থাকিস ! আমাদের বাড়িতে তো ধরেই রেখেছে আমি এবার নির্ধাত কুপোকাত।

তুই আবার যা অসুখে ভুগলি।

বিমলের ফেল করার সম্ভাবনার কথা ভেবে নীরেন এবাব বেশ একটু ভড়কে যায়। এতক্ষণ এ দিকটা তার খেয়াল হয়নি। বিমলের সঙ্গে আসা তার উচিত হয়নি। যে রকম অল্প ছেলে এবার পাস করেছে, তাতে বিমলের এবার সত্যিই পাস করার আশা কম। যদি দেখা যায় সে পাস করেছে আর ও পারেনি, একসঙ্গে বাড়ি ফিরতে কী বিত্ৰী লাগবে দুজনেরই !

নিজের পাসের খবর জেনেও খুশি হবার উপায় থাকবে না।

দেখা যায় অনুমান তার মিথ্যে হয়নি। সে পাস করেছে, বিমল করেছে ফেল।

মুখখানা ম্লান করে রাখতে হয় বিমলকে। আরও অনেকে যারা রেজাল্ট জানতে এসেছিল, ছাত্রছাত্রী এবং তাদের আত্মীয়বন্ধু, তাদেরও কারও মুখে যেন উল্লাসের ছাপ পড়েনি। নীরেনের মতো

যে ক-জন সুখবর জেনেছে তাদের সকলের সঙ্গেই যে বিমলের মতো ফেল করা বন্ধু আছে তা নয় কিন্তু এত বেশি মুখে ফ্লোভ ও বেদনা ফুটেছে যে দু-চারটি মুখের আনন্দের জ্যোতি হারিয়ে গেছে তার আড়ালে। পাস যারা করেছে তারাও এত ফেল কবা ছেলেমেয়ের মধ্যে অস্বস্তিবোধ করছে বইকী !

বিমল একটু হাসে। হাসি তো নয়, যেন প্রাণের জ্বালার একটা বলক।

বাস্। স্টুডেন্ট লাইফ খতম হয়ে গেল।

আরেকবার—?

খেপেছিস ? এমন জানলে কলেজেই ভর্তি হতাম না। পড়ার নামে দুবছর সকলের রক্ত শুবেছি। কেউ যদি বাদ যায়নি, সবাইকে ভুগতে হয়েছে। বাচ্চা বোনটা তো মরেই গেল। আমার কলেজে পড়ার চাপ না থাকলে মরত না, নিশ্চয় মরত না।

নীরেন ভয় পেয়ে যায়। যা ভেবেছিল ঠিক তাই হল। বন্ধুর বিবাট ও বিকট ব্যর্থতার আঘাতের প্রতিক্রিয়ায় প্রথম ধাক্কাটা এখন তাকেই সামলাতে হবে।

সে কাতরভাবে বলে, এতটা বাড়াস নে ভাই, এত ছেলে তো ফেল করেছে। একবার ফেল করলে কী হয়?

পড়াশোনা জন্মের মতো খতম হয়। দুটো বছর সকলের আর নিজেব প্রাণপাত কষ্ট মাঠে মারা যায়। পাস করলে পড়তাম। কোনোদিকে তাকাতাম না। বাত্রে বাবা ঘুমোন কি না, মা-র হার্ট ক্ষয় হচ্ছে কি না, ভাইবোনেরা খেতে পরতে পাচ্ছে কি না, কিচ্ছু চেয়ে দেখতাম না। কিন্তু এত করেও যখন ফেল করেছে, এ তামাশার মধ্যে আমি আর নেই।

বিমলদের বাড়িটা আগে পড়ে। বাড়ির কাছাকাছি এসে বিমল বলে, মরি বাঁচি কবে বাবা আরেকটা চাপ আমায় দেবেন। নিজেই হয়তো বলবেন, এত টাকা গেল, সময় গেল, এনার্জি গেল, আরেকটা বছর চেষ্টা করেই দ্যাখো। নইলে তো সবটাই লোকসান। কিন্তু আমি আব পড়ছি না। এ জুয়াখেলায় চাপ নিতে আমি রাজি নই।

নীরেন চূপ করে থাকে। অস্বস্তিবোধ করতে করতে এতক্ষণে তার মনে হতে থাকে যে পাস করে সে যেন সত্যই নৈতিক আর সামাজিক একটা অপরাধ করে বসেছে। মানুষের জীবন নিয়ে ভাগ্যের খেলায় জুয়া আর জুয়াচুবিতে জিতে গেছে।

বাড়ির সামনে এসে বিমল বলে, এক মিনিটের জন্য আয়। খবরটা জানিয়ে যা।

না ভাই। আজ নয়।

কিন্তু বিমল এক রকম জোর করেই নীরেনকে বাড়িতে ধরে নিয়ে যায়। সাগুর সসপ্যান উনুন থেকে নামিয়ে রান্নাঘর থেকে বিমলের মা, আন্দেক সাবান মাখা ছেঁড়া ভিজা শাড়িটা তাড়াতাড়ি শতজীর্ণ ভিজা শেমিজটার উপরে জড়িয়ে ফাঁকা কলতলা থেকে বিমলের সতেরো মাস বয়সের বড়ো অবিবাহিতা দিদি এবং এদিক-ওদিক থেকে বিমলের ভাইবোন আর বাড়ির অন্যান্য ভাড়াটীদের দু-চারজন মেয়ে-পুরুষ এসে তাদের ঘিরে দাঁড়ায়।

বিমল বলে, আমি ফেল করেছি না। নীরেন পাস করেছে।

ভূপেন তিন দিন জুরে শয়্যাগত ছিল। সে ছেলের গলার আওয়াজটাই শুনতে পেয়েছিল, কথা বুঝতে পারেনি।

চৌচিয়ে বলে, বিমল ফিরেছে নাকি ? ফেল করেছে তো ?

বিমলের সতেরো মাস বয়সের বড়োদিদি, বিমলের কলেজে পড়ার খরচ জোগাবার অজুহাতে যার বিয়ে স্থগিত রেখে আসা হয়েছে এ পর্যন্ত, সে নীরেনকে বলে, তুমি পাস করেছ ? আমাদের খুশির সীমা রইল না। খইয়ে দিতে হবে কিন্তু বলে রাখলাম। বিমলটা ফেল করেছে তাতে—

ঘরের ভিতর থেকে ভূপেন জুরাক্রান্ত বৃগণ ক্ষীণ শরীরের সবটুকু জোর খাটিয়ে আবার চেষ্টা করে বলে, বিমল ফিরে এসেছে না ? ফেল করেছে তো ?

বিমলের মা তাকে খবর জানাতে ভিতরে যায়। ফেল করা অভিমানী ছেলের সঙ্গে যেন বুঝে শূনে কথা বলে, এ বিষয়ে তাকে সাবধান করে দিতে যায়।

বিমলের দিদি নীরেনকে বলে, বিমলটা ফেল করেছে তাতে আর কী হয়েছে বলা ? অমন ঘরে ঘরেই তো ফেল করেছে। ফেলটাই যখন বেশির ভাগ ছেলে করেছে তখন ফেল করাতে লজ্জার কী আছে ! তুমি বরং বাড়ি চলে যাও। সবাই তোমার পাসের খবর জানতে উতলা হয়ে আছে। মাসিমাকে বলা যেন মিষ্টি আনিয়ে রাখেন।

বিমল বলে, আমায় সাঙ্খ্যনা দিতে পাসফেল সব সমান করে দিলি যে দিদি !

না, সমান কখনও হয় ? বলছি আজকাল ফেল করাটাও দোষ নয়, লজ্জারও নয়।

বিমলের মা বলে, না পারলে উপায় কী।

এ বাড়ির অন্য ভাড়াটে কমলবাবুর স্ত্রীর সঙ্গে বিমলের দিদির খুব ভাব আছে, সে সমর্থনের সুরে বলে, তা নয়তো কী ? আমার ভাই আর ভাগনে দুজনে ফেল করেছে।

সকলে সহজ করে দিতে চায় বিমলের ব্যর্থতার ক্ষোভ, মুখে নিতে চায় তার প্রাণের জ্বালা। তার মধ্যেই ফুটে বেরোয় সকলের ভয় আর উদ্বেগ। বিমল চিরদিন বড়ো অভিমানী ছেলে, চিরদিন একরোখা। ফেল করার প্রতিক্রিয়ায় সে এখন কী করে বসে এটাই দাঁড়িয়েছে সকলের সবচেয়ে বড়ো দুর্ভাবনা।

আরেকবার আরও জোরের সঙ্গে নিজেকে অপরাধী মনে হয় নীরেনের। একজনেরও এ পরীক্ষায় পাস করা উচিত হয়নি। সামান্য কিছু ছেলে পাস করেছে বলেই না বিমলের মতো গাদা গাদা ছেলের ফেল করাটা দাঁড়িয়েছে ফেল করায় !

টলতে টলতে বিছানা ছেড়ে উঠে এসে ভূপেন দরজা ধরে দাঁড়ায়। নীরেনকে সে চোখেও দেখতে পায় না—সে পরের ছেলে, যদিও প্রাণেশ তার অনেক দিনের বন্ধু এবং নীরেন সেই বন্ধুর ছেলে।

সকলে মুখের দিকে তাকায়, কেউ কিছু বলার আগেই শান্ত গভীর গলায় বিমলের বাবা বলে, বিমল ফেল করেছিল তো ? বেশ করেছিল !

বৈঠকখানা বলে কিছু নেই। বাইরের সব রোয়াকে দাঁড়িয়ে প্রাণেশ একজন মাঝবয়সি ভদ্রলোকের সঙ্গে কথা বলছিল। তারই আপিসের সূজনবাবু।

তাকে দেখে নীরেন একটু আশ্চর্য হয়ে যায়। প্রাণেশ যে আপিস যায়নি তার মানে বোঝা কঠিন নয়, ছেলের পরীক্ষার খবরটা সদ্য সদ্য জানার জন্য একটা দিন আপিস কামাই করছে। কিন্তু সূজনও আপিস কামাই করে তার বাবার সঙ্গে গল্প জুড়েছে কেন ?

সূজন প্রশ্ন করে, কী খবর হে ?

একা বাড়ির কাছে এসে এতক্ষণে নীরেন মুখে একটু হাসিখুশি ভাব আনতে পেরেছিল পাস করার আনন্দের স্বাদ পাচ্ছিল। সূজনের প্রশ্নে তার মুখ হাসিতে ভরে যায়।

পাস করেছি।

কী রকম পাস করেছে শূনে নিয়ে সূজন বলে, বাঃ ! বাহাদুর ছেলে ! এই ফেলের বাজারে এত ভালোভাবে পাস করা তো সোজা ব্যাপার নয় !

প্রশংসার লজ্জায় বিমল মাথা নামায়। এতক্ষণে সে প্রথম অনুভব করতে পেরেছে পরীক্ষা পাসের রোমাঞ্চ—দুটি বছর গরিবের ছেলের প্রাণপাত কষ্ট করে সফল হওয়ার উত্তেজক সুখ।

বিমল ফেল করে শুধু তাকে দমিয়ে রাখেনি এতক্ষণ, কেমন হতাশায় প্রাণ ভরে দিয়েছিল।
আশা আর স্বপ্নে আবার উজ্জ্বল হয়ে ওঠে ভবিষ্যৎ।

কিন্তু প্রাণেশ কিছু বলে না কেন ? প্রাণের হাসি ও গর্বে উজ্জ্বল হয়ে ওঠে না কেন ?
বিমল পাস করতে পারেনি বাবা।

প্রাণেশ আপশোশ করে না, সংক্ষেপে বলে, পারেনি ? পাস করেই বা কী করত।

বাপের মস্তব্য শুনে নীরেন থ বনে যায়। যে ছেলে সদ্য সদ্য ভালোভাবে পরীক্ষা পাসের
সুসংবাদ নিয়ে এসেছে তাকে এমন কথা শোনানো ! বিমলের ফেল করা আর ছেলের পাস করা
ব্যাপারটাই যেন বিশেষ কোনো মূল্য নেই প্রাণেশের কাছে।

অথচ তাকে পাস করানোর জন্য সে গায়ের রক্ত জল করেছে।

সুজনের কাছে পেলোও বাপের কাছে ঠিকমতো অভিনন্দন না পেয়ে নীরেন একটু ক্ষুব্ধ হয়েই
ভিতরে যায়। সেখানে অবশ্য ৩'৭ অভ্যর্থনা জোটে দিগ্বিজয়ীর মতোই—ছোটো ভাইবোনদের
কাছে।

সকলে তারা হইহই চোঁচামেচি শুরু করে দেয়। তেরো বছরের বোন রেখা উঠানে গিয়ে চোঁচয়ে
উপর তলায় খবর পাঠিয়ে দেয়, বকুলদি ! ও বকুলদি ! দাদা পাস করেছে !

এক মিনিটের মধ্যে উপরতলার ভাড়াটে দীনেশের মেয়ে বকুল নেমে আসে। এবার সে ম্যাট্রিক
দিয়েছে।

হাসিমুখে হাতটা নীরেনের দিকে বাড়িয়ে বলে, ছুঁয়ে দাও, পাসের ছোঁয়াচ লাগিয়ে দাও। হেঁয়া
লেগে আমিও যদি উত্তরে যাই।

মা এতক্ষণ কথা বলেনি ! তার মুখের হাসি আর চোখের গর্ভভরা চাউনিতেই নীবেনের প্রাণ
ভরে গিয়েছিল। তবু সে অনুযোগ দিয়ে বলে, তুমি তো কিছু বললে না মা ?

কী আবার বলব ? আমি জানতাম তুই পাস করবি। আমার গয়না ধার নিয়েছিস, পাস করে
শোধ দিবি না !

সকলের সামনে তার গয়না বিক্রির কথা বলায় নীরেন ক্ষুব্ধ হয়। সত্য সত্যই একদিন সে
কি শোধ দেবে না মায়ের গয়না, নিজের ভবিষ্যৎ গড়ে নিতে পারলে মায়ের সুখের ব্যবস্থা করবে
না সকলের আগে ? আজকের বিশেষ দিনটিতেও গয়না দিতে হওয়ার কথাটা মা পর্যন্ত ভুলতে
পারে না।

যেটুকু আনন্দ আর উন্মেষনা জেগেছিল বাড়িতে তার পাস করার খবরে, এত কষ্টে তাকে পাস
করানোর জন্যে, কত তাড়াতাড়িই সেটা ঝিমিয়ে নিস্তেজ হয়ে এসে একেবারে ফুবিয়ে যায় ! নীরেন
ভেবেছিল, প্রাণেশ ভেতরে এলে তার ভবিষ্যৎ নিয়ে একচেট জল্পনা-কল্পনা চলবে। কিন্তু প্রাণেশ ঘরে
এসে সটান বিছানায় শুয়ে পড়ে, ছেলের সম্পর্কে তার কথা বলবার উৎসাহই আর দেখা যায় না।

তার মা বলে, সুজনবাবু কী বলল ? মাইনে বাড়িয়ে দেবে ?

প্রাণেশ বলে, আজ তো শুধু টোকেন স্ট্রাইক হল। এরপর কী হয় দেখা যাক।

তাই বটে ! পাসফেলের চিন্তায় মশগুল হয়ে থেকে নীরেন ভুলেই গিয়েছিল যে তার রেজাল্ট
জানার আগ্রহে প্রাণেশ আপিস কামাই করেনি, আজ তাদের আপিসে স্ট্রাইক।

কিন্তু তাই বলে তার বিষয়ে কথা বলা কি বারণ ? আজও শুধু দেনা আর সংসারের অভাব
অনটনের কথাই হবে দুজনের মধ্যে ? রেখা আজ সকালেও কান্নাকাটি করেছে, তার একটাও আশ
জামা নেই। মুদি দোকানে কিছু টাকা না দিলে এবার হয়তো গলায় গামছা দিয়ে অপমান করবে,

মাসকাবারে একটা পাঞ্জাবি না করলে আর আপিস করা সম্ভব হবে না প্রাণেশের—আজও চলবে চিরদিনের এই একই কথার পুনরাবৃত্তি ?

নীরেন নিজেই বলে জানো, বাড়িতে একটু হেলপ পেলে আমি হয়তো গ্লেস বাগাতে পারতাম। নিজে নিজে পড়ে হয় না।

প্রাণেশ আর নীরেনের মা কথা বন্ধ করে এক মুহূর্ত ছেলের মুখের দিকে চেয়ে থাকে। দুজনেই নিশ্বাস ফেলে একসঙ্গে।

অভিমান পাক দিয়ে ওঠে নীরেনের মধ্যে। এদের যখন আগ্রহ নেই, থাক। যার আগ্রহ আছে তার সঙ্গেই আলোচনা করা যাক আজ পাস করা যাবে মধ্যে তার কোন ভবিষ্যৎ সূচিত হল।

উপরে গিয়ে সে বকুলের সঙ্গে কথা বলে। বকুল সাগ্রহে তার কথা শোনে। বি এ-তে সে আবও ভালো রেজাল্ট করবে। এবার আগেরকটু শক্ত হবে, লোককে বুঝিয়ে দেবে যে উঁচুদিকের পরীক্ষায় কোনো ছেলে যদি ভালো রেজাল্ট করতে চায় সংসারের দশটা বাজে কাজের ঝামেলা তার ঘাড় চাপলে চলে না।

বকুল বলে সত্যি।

বিকালে নীরেন পাড়ার চেনা লোকের বাড়িতে যায়। যে বাড়ি থেকে কেউ পরীক্ষা দিয়ে ফেল করেছে সে বাড়ি বাদ দিয়ে। পরের দিনটা আত্মীয়স্বজনের বাড়ি ঘুরে কাটিয়ে দেয়। বাড়িতে যে উদাসীনতা তাকে ব্যথিত করেছিল, সেটা কেটে যায় বাইরের মানুষের সাদর অভিনন্দনে।

ট্রান্সবাসেন্স খবর জন্ম একটা টাকা চাওয়ায় প্রাণেশ যে কড়া কথাটা বলেছিল তার দুঃখও তলিয়ে যায় দশজনের প্রশংসা শুনে এবং দশজনকে নিজের ভবিষ্যতের পরিকল্পনা শুনিয়ে।

দিন তিনেক পরে প্রাণেশ তাকে বলে, ভূমি বড়ো হয়েছ, সংসারের কথাটাও এবার তোমার একটু ভাবতে হয়। কী দিনকাল পড়েছে বুঝতেই পাবো।

এটা কীসের ভূমিকা বুঝতে না পেরে নীরেন চুপ করে থাকে।

প্রাণেশ বলে, বিমল চাকরির চেষ্টা করছে। তোমারও এবার রোজগারের চেষ্টা দেখতে হবে, নইলে আব চলে না।

আর পড়াবে না আমায় ?—আর্তনাদেব মতো শোনায় নীরেনের কথাটা।

কোথেকে পড়াবে ? আই এ পড়াতেই দেনা করেছে, তোমার মান্যর গয়না বেচেছি। বি এ পড়াবার ক্ষমতা কী আছে আমার ?

মাথায় যেন বজ্রাঘাত হয় নীরেনের। জগৎ হয়ে যায় অন্ধকার, ভবিষ্যৎ জীবন হয়ে যায় অর্থহীন।

ঘরের কোণে তার পড়ার টেবিলটির সামনে চুপচাপ বসে সে কাটিয়ে দেয়।

বিকলে বকুল এসে সব শুনে বলে, সর্বনাশ। তবে কী হবে ?

তার প্রশ্নের জবাব দিতেই যেন রাত্রে নীরেন বিষ খায়।

নীরেনের আত্মহত্যার জন্য বিষ খেয়ে হাসপাতাল যাওয়ার খবরটাই খবরের কাগজে বেরিয়েছে। পরীক্ষার ফল বার হবার তিনদিন পরে যে সে বিষ খায় তারও উল্লেখ আছে খবরে। কিন্তু নীরেন যে ফেল করেনি, পরীক্ষায় খুব ভালোভাবে পাস করেছিল—এটা খবরে লেখা ছিল না !

কলহান্তরিত

একটা মেয়েলি কলহের পরিণামে এমন সংকট সৃষ্টি হতে পারে ? তিনশো লোকের ভাগ্য পরিবর্তনের চেষ্টা ভেঙ্গে যেতে বসে ? এ যেন কল্পনা করা যায় না।

তিনশো মানুষ আজ কতকাল ভাগ হয়ে আছে তিন ভাগে, তিনটি ইউনিয়নে। এতকাল পরে যদিও বা দেখা দিয়েছে তিনটে ইউনিয়ন একটা হয়ে যাবার সম্ভাবনা, দুজন স্ত্রীলোকের ঝগড়া আবার সব নষ্ট করে দিতে বসেছে।

গোকুলের সাথিরা হাসবে না কাঁদবে ভেবে না পেয়ে শুধু বলে, কী আপশোশ ! কী আপশোশ ! মালিকপক্ষ আর দীনেশেরা কয়েকজন হাঁপ ছেড়ে বলে, বাঁচা গেল। লাগ বাবা রাবণ বিভীষণ, আরও জোরসে লাগ !

গোকুলদের এবং দীনেশদের ইউনিয়ন দুটি বেসরকারি। এ দুটি ইউনিয়নের জন্যই অবশ্য সম্ভব হয়েছে এবং টিকে আছে মালিকপক্ষের নিয়ন্ত্রিত আইনসম্মত তৃতীয় ইউনিয়নটি। সকলেই জানে যে বেসরকারি ইউনিয়ন দুটি কোনো রকমে মিলে গেলেই ইউনিয়ন দাঁড়িয়ে যায় একটা—কর্তাদের গড়া লোক দেখানো ফাঁকির বদলে কর্মীদের নিজেদের আইনসম্মত ইউনিয়ন।

দীনেশ মিল চাইত কিন্তু মিলতে রাজি হত না। সে বলত, বেশ তো তোমাদের ইউনিয়নটা ভেঙে দাও। আমাদের সঙ্গে ভিড়ে পড়ো।

কিন্তু এ তো জানাই আছে যে এটা বাজে কথা। এভাবে ত্রিভুজ ভেঙে সরলরেখা করা গেলে অবশ্য গোকুলদের কোনো আপত্তি ছিল না। দীনেশরা ইউনিয়ন চালাবে মানেই সেটা হবে কর্তাদেরই বশব্দ ইউনিয়ন, এখনকার মতো সোজাসুজি আইনসম্মত ইউনিয়নটা দখল করে থাকার বদলে ওভাবে বশে রাখতে পেলে কর্তারা খুশিই হবে।

তবু, তাতেও আপত্তি ছিল না, কর্মীরা যদি একসাথে দাবিদাওয়া নিয়ে লড়াই করার সুযোগ পেত। যতই পিছিয়ে থাক সে রকম অচেতন তো আর নয় মানুষগুণি আজ।

কিন্তু সে সুযোগ জুটবে না।

তেমন দেখলে দীনেশরা ফাটল ধরিয়ে দেবে, আরেকটা বেসরকারি ইউনিয়ন গড়ে আসল ইউনিয়ন ফিরিয়ে দেবে কর্তাদের দখলে।

সার হবে শুধু গোকুলদের ইউনিয়নটা ভেঙে দেওয়া ! দীনেশ কাঁচা-পাকা চূলে হাত বুলোতে বুলোতে মুচকি হেসে হরেনকে বলত, গোকুল শালারা বোঝে ছাই। এ দেশটা কি সোভিয়েট হয়ে গেছে, ঝাওয়া-পরার ভাবনা নেই ? এ দেশে যে করে খেতে হবে ব্যাটারা তাই ভুলে মেরে দিয়েছে। তুই নিজে যদি নাই বাঁচলি তোর বাপের নাম কীসে থাকে রে বাবা !

হরেন জোয়ান মানুষ, একটু গম্ভীর আর বড়েই মেজাজি। সব কথায় সায় দিতে পারত না, মুচকি হাসিতেও নয়। গভীর আপশোশের সঙ্গে বলত, সত্যি বড়ো অভাগা দেশটা।

তার মানে দীনেশ বুঝত অন্য রকম।

একটু গোঁয়ার একটু ভোঁতা কিন্তু সাদাসিখে সরল মানুষটা। ঘোরপ্যাঁচ সে তলিয়ে বুঝত না, মাথাও ঘামাত না। ইউনিয়নের প্রতি তার সহজ আনুগত্য ছিল মস্তবড়ো অবলম্বন।

নিজের মতো করে বললেও সে প্রায় দীনেশের কথারই প্রতিধ্বনির মতো বলত, ইস! আমাদের ইউনিয়ন ভেঙে দেব—অত খায় না! আরও জোরদার করব আমাদের ইউনিয়ন, পরেশবাবুদের হাট্টয়ে দিয়ে আমরা মেজরিটি হব।

দীনেশ বলত, তা না তো কী? তুমি আমি আছি কী করতে?

দীনেশ পাকা ঝানু লোক, কাজের লোক—কিন্তু শুধু তাই দিয়েই কি লাগাম ধরে রাখা যায় আজকালকার দিনে। হরেনকে সকলে বিশ্বাস করে, ভালোবাসে। সে নিজেও জানে না ইউনিয়নে তার কতখানি প্রভাব, তার কথাকে সকলে কতটা মূল্য দেয়।

দীনেশ ভাবে, ভাগ্যে জানে না!

ভাগ্যের কথা কিনা তাই ভয়ও বেশি। গোকুলের সঙ্গে হরেনকে অনেকক্ষণ কথা কইতে দেখে আতঙ্ক হয়!

ওর সাথে তোমার অত গুজগাজ কীসের?

একটা ঘর খালি আছে বলছিল। ঘর বদলাও ঘর বদলাও করে বউটা পাগল করে দিলে দীনেশদা।

ঘর? আমি তোমায় ভালো ঘর খুঁজে দেব।

কিন্তু সে তুমি কে বসে থাকবে? ঘর একটা খালি হয়েছে, নগদ নগদ দখল করাই ভালো। তার তো আর নিজের জন্য গোকুলের সঙ্গে ভয় করার কারণ নেই দীনেশের মতো যে ঘরের খবরটা গোকুল দিয়েছে বলে আর ও বাড়িতে গোকুলও আরেকটা ঘরে থাকে বলে সুযোগটা বাতিল করে দেবে।

রত্না কেবল বলে, তুমি তো বাইরে দিন কাটাও, দম আটকে আমি যে মরলাম?

শুধু ছোটো নয়, সীতাসূর্য্যতে অন্ধকার ঘর। অন্য ঘরে আরশোলা না তাড়ালে এই ঘরের কোণে এসে আশ্রয় নেয়। দুবেলা পৃথিবীর সব উনুন আর চিমনির ধোঁয়া যেন এই ঘরে ঢুকতে ভালোবাসে! সম্ভা ছিল। ভালো ঘরে টাকা বেশি লাগবে। কিন্তু উপায় কী? মাসে দু-চারদিন যে মাছ খেতে সেটা নয় বাদ যাবে। আরও দু-চারটে প্রয়োজন নয় ছাঁচিই হবে জীবন; থেকে।

একবাড়িতে কাছাকাছি দুখানা ঘরে গোকুল আর হরেনেব ভাব ঠিক সময় লাগে। গোকুল তাকে কথা বলে বাগিয়ে নেবে এ ভয় কিছুমাত্র না থাকলেও গোকুল যে বিরোধী ইউনিয়নের লোক, এটা হরেন ভুলতে পারে না।

বাড়ির অন্য ভাড়াটীদের সঙ্গে আলাপ করে, দু-একটা গা-ছাড়া কথা বলে সে গোকুলকে এড়িয়ে যায়। তার সঙ্গে ঘনিষ্ঠতা করার চেষ্টা গোকুলেরও কিছুমাত্র দেখা যায় না। হরেনকে সে খাতির করে খালি ঘরখানায় ঢোকায়নি। অন্যের কাছে খবর পেয়ে হরেন শুধু ঘরটা সম্পর্কে তার কাছে খবরাখবর জেনে নিয়েছিল।

দুপক্ষের তাগিদ থাকে সে আলাদা কথা, কাছাকাছি এসে বাস করছে বলেই নতুন নতুন মানুষের সঙ্গে ঘনিষ্ঠতা গড়ে তোলার সময়ই বা কই মানুষের, সে রকম মনে অবস্থাই বা কই! তাদের মতো মানুষের বইবার সাধা ছাড়িয়ে অনেক বোশ ভারী হয়ে উঠেছে জীবনযাত্রার বোঝা—খাদ্য বস্ত্র আনন্দ অবসর সব কিছু ছেঁটে প্রায় সাফ করে আনার পরেও! একদিকে এই অসম্ভব বাঁচার লড়াই, অন্যদিকে এমন করে বাঁচার অভিশাপ শেষ করার লড়াই। সময় কই মানুষের!

গোকুলের বউ রাণীর সঙ্গে রত্নার ভাব কিন্তু জমে ওঠে খুব তাড়াতাড়ি। আবার অল্পদিনেই তাতে ফাটল ধরে যায়।

রাণীর চেহারা ভালো। গড়নটি তার সেই ধরনের যা চোখ টেনে এনে নিজেকে দেখায়। স্বাস্থ্য ভালো, পেট ভরে না, তাই ভালো তরকারির বদলে বেশি করে সস্তা শাকপাতা আব বুটি খেয়ে খেয়ে রোগা হবার বদলে তার দেহে একটা বিপরীত প্রক্রিয়া ঘটেছে। ভিতরে দুর্বলবোধ কবে অথচ দেহটি বেশ সবল এবং পুষ্ট—আসলে সেটা খাঁটি পুষ্টির ধাম্মামাত্র—একটু ফেঁপে ওঠা।

রত্না কাঠির মতো রোগা। রাণীকে দেখেই মনে মনে সে মুখ বাঁকিয়েছিল।

হরেনকে বলেছিল, কী বেশ্যাটে বেশ্যাটে চেহারা, মাগো !

হরেন বলেছিল, সে কী ? বেশ্যারা ও রকম ছেঁড়া ময়লা কাপড় পরে নাকি ?

খুঁটিয়ে খুঁটিয়ে তাও দেখেছ ?

রত্না একটু হিংসুটে আব স্বার্থপর। জীবনে সুখশান্তি স্বচ্ছলতা থাকলে হয়তো স্বভাবের এ সব খুঁত চাপা পড়ে থাকত, দুঃখদুর্দশার চাপ মনটাকে আরও বাঁকিয়ে দিয়েছে। এ তো ত্যাগ নয়। ইঞ্জিত করলে লাখপতিরা বুলি ভরে দিতে ছুটে আসবে যে ত্যাগের মাহাত্ম্যে, এ শ্রেফ কদর্য বাস্তব দাবিদ্র্য। এ দাবিদ্র্য হয় মানুষকে বীর লড়ায়ে করে তোলে নয় মনুষ্যত্ব নষ্ট করে দেয়। দারিদ্র্যই মানুষের সেরা শত্রু।

গরিবের খাঁটি বন্ধুও অনেক সময় ভুল করে দারিদ্র্যকে তুলে ধরে। শোষণ ধনী অমানুষ বলেই যেন শোষিত গরিবেরা মানুষ হয় শুধু তারা গরিব বলেই !

কত দরদিই যে ভুলে যায়, লড়াই মনুষ্যত্ব দেশ গরিবকে, তার দারিদ্র্যটা নয়।

অভাব স্বভাবকে নষ্ট করবেই। মানুষের যে সদগুণ নিছক কুসংস্কার আব ফাঁকি শুধু সেগুলি ব গোড়া খোঁড়ে না—সেটা তো মঙ্গলের কথাই—মনুষ্যত্বও কুরেকুরে খায়। এটা ঠেকানোও আবেকটা লড়াই গরিবের।

রত্না নিজেই ভাব করে। ভাব করতে হয়। শুধু যে একটা কলে জল নেওয়া বাসন মাজা থেকে সব কাজ সারতে হয় দুজনকে এমন তো নয়, একই ঘুপটির মধ্যে দুজনকে পাশাপাশি—প্রায় ঘেঁষাঘেঁষি করে—রীধতেও হয়।

দুখানা ঘরের এটাই রান্নার ঠাই। এখানে না পোষায় নিজের ঘবেব মধ্যে বামা কব।

রত্না বলে, তোমার উনানে ভাতটা একটু চাপাই ভাই ? তবকাবি হবে না, কিছু ভেজে দি চটপট। কাজে যাবে কী খেয়ে ?

রাণী বলে, চাপাও।

সে বিরক্ত হয়। তার লোকটাও যে একই সময় একই জায়গাতে কাজে যাবে, এটা বন্ধার খেয়াল নেই ? শুধু নিজের সুবিধা খোঁজে ! কিন্তু তাই বলে ঠিক শোধ নিতে নয়, প্রয়োজন বলেই বাণী তাকে দুফালি বেগুন দিয়ে বলে, তোমার সাথে ভেজে দিযো ভাই।

রত্না বিরক্ত হয়। দু-দশ উনানটা চেয়েছে বলে যেন পেয়ে বেসেছে। বেগুন ভাজতে তেল লাগে না ?

দুজনের ভাব একটু গড়ে উঠতে না উঠতে এমনি কত যে খুঁটিনাটি ঘা লাগতে শুরু হয় !

তা হোক, ছোটো ছোটো বিরোধ নিয়ে শুরু হোক, পরে একদিন ভেঙে পড়বে জানা থাক। তাদের ভাব করা থেকেই গোবুল আর হবেনের মধ্যে দূরত্ব ঘুচে যাবার সূচনা হয়।

যে যার স্বামীর কাছে গল্প করে অপরজনের দোষগুণ মতিগতি আর ঘরসংসারের কথা। শনতে শনতে দুজনেই তারা অনুভব করে যে স্ত্রীরা তাদের খুব ঘনিষ্ঠ হয়েছে, পবস্পরকে দুজন তারা খুব বেশি পছন্দ করুক আর না করুক !

দেখা হলে ঘরসংসারের ব্যাপার নিয়ে কথা বলার তাগিদও অনুভব করে দুজনে।

হরেন বলে, জল নিয়ে তো বিষম ব্যাপার হল ! আপনার স্ত্রীরও নাকি মশাই নাইবার জল জ্বাটেনি শুনলাম ?

গোকুল বলে, আর বলেন কেন। কোনটা জুটছে উচিতমতো ? এতদিন খেঁচাখোঁচ করে পাঁচটা টাকা আদায় কবতে পারলেন ?

এটা সাম্প্রতিক ব্যাপার। ঘটনাটা হরেনকে পীড়ন করছিল। গোকুলেরা অনেক বেশি দাবি তোলে, দীনেশের চেষ্টায় দাবিটা শেষ পর্যন্ত সন্তায় রেশনের কাপড় অথবা পাঁচ টাকা মাগগি ভাতা বেশি দেবার দাবিতে দাঁড় করানো হয়।

বাইরে রেশনের কাপড় দেওয়া হচ্ছে এই যুক্তিতে যেন ফুতকারে উড়িয়ে দেওয়া হয় দাবিটা। হরেন বলে, কী করে হবে ? শুধু অমিল আর মিলেমিশে কী করা যায় সে বিষয়ে বড়ো বড়ো বুলি কপচানো।

গোকুল মন্তব্য করে, তোমরা মেয়েমানুষেবই বাড়ি বুঝলে ? তোমাদের মতো দশা হলে সতীনেবা এ ঝগড়া ভুলে যায়।

হরেন হেসে বলে, আমাদের কোনো ঝগড়া নেই।

এমনিভাবে আরম্ভ হয় গোকুল আর হরেনের কথার আদানপ্রদান, ক্রমে ক্রমে স্পষ্ট আর সুনির্দিষ্ট হয়ে আসে তাদের কথা। দুদিন আগে যে বিষয়ে আলাপ শুরু হলে হয়তো দুজনে ঝগড়া বেঁধে যেত, দুদিন পরে সেই বিষয়েই তারা প্রাণ খুলে আলাপ করে।

আলাপ থেকে তর্কও বেধে যায়। বোঝাপড়ার যে সব সূতো টানতে গেলেই ছিঁড়ে যেত, নতুন নতুন সূতো জড়িয়ে পাকিয়ে সেটা শক্ত হয় দিন দিন।

ওই যে পাঁচ টাকা ফসকে গেছে, তোমায় আমায় আদায় করতে পারব ?

শুধু ওটা ? আবও আদায় করতে পারব।

হরেন ভাবনায় পড়ে যায়, দিন দিন সে যেন বীতিমতো ভাবক হয়ে ওঠে। দেখে বড়োই ঘাবড়ে যায় রত্না। তার কাছে মানুষটা মুখ গোমড়া করে কী যেন ভেবেই চলে শুধু, ওদিকে রাণীর সাথে দিবিয়া হেসে কথা কয়।

গা-জ্বালা কবে রত্নার।

হবেনের মনস্থির করাটা যেন আচমকা ঘটে যায়। হঠাৎ একদিন যেন ঝোঁকের মাথায় সে ঠিক কবে ফেলে যে দীনেশকে ছেড়ে গোকুলদের সঙ্গে ভিড়ে যাবে। সকলের জন্য একটা জোরালো ইউনিয়ন গড়ে তোলাই উচিত।

আসলে তার প্রকৃতিটাই এ রকম। একগুণে সোজা মানুষ, একটা কাজ উচিত ভাবে তাই নিয়ে টালবাহানা করা একেবারেই তার ধাতে নেই।

দীনেশ প্রায় খেপে গিয়ে বলে, আগেই বলিনি তোকে ও শালার সাথে অত মিশিস না, তোকে বিগড়ে দেবে, তোর সর্বনাশ করে ছাড়বে।

হরেন চোখ পাকিয়ে বলে, নেশা কবেছ নাকি দীনেশদা ? তুই তোকোরি শুরু করে দিলে ?

নিজের পায়ে কুড়ুল মারছ, তাই বলছি। ওদের সাথে ভিড়লে আখেরে মঞ্জল নেই জেনে রেখো। এ সব বুদ্ধি ছাড়া, আমি বরং চেষ্টা করে আনো ফটা প্রমোশন বাগিয়ে দিচ্ছি।

তুমি বড়ো ইয়ে মানুষ দীনেশদা !

মউচাকে ঢিল পড়ার মতো কর্মীদের মধ্যে সাড়া পড়ে যায়। উত্তেজিত জটলা আর পরামর্শের অন্ত থাকে না। বহুদিন ধরে মনেপ্রাণে সকলেই যা চেয়ে আসছে, এতদিন পরে এবার কি সম্ভব হবে সেটা ?

নিরাশাবাদী বিপিন বলে, আরে খেত ! তেলেজলে কখনও মিশ খায় ? সব ভেসে যাবে দেখিস।

কিন্তু মুখে হতাশার কথা বললে কী হবে। বিপিনেরও উৎসাহ জেগেছে। সে যেতে গিয়ে হরেনকে বলে আসে, আমি তোমার সাথে আছি ভাই।

ইউনিয়নের সভায় সরাসরি তাদের ইউনিয়ন ভেঙে দিয়ে গোকুলদের ইউনিয়নে যোগ দেবার প্রস্তাবটা দীনেশ ঠেকাতে পারে কিন্তু হরেনের সংশোধিত প্রস্তাবটা ঠেকাবার ক্ষমতা তার হয় না।

সংশোধিত প্রস্তাবে বলা হয় যে তাদের দুটি বেসরকারি ইউনিয়ন একসাথে পাঁচশো কর্মীর সভা ডেকে নতুন ইউনিয়ন গড়বে যে ইউনিয়ন বর্তমান আইনসম্মত ইউনিয়নের স্থান দাবি করবে এবং দাবি নিয়ে লড়াই চালাবে।

এ প্রচেষ্টাকে নষ্ট করার অপচেষ্টা যথাসাধ্য চলতে থাকে। সে তো চলবেই। কিছু গড়তে গেলে লড়তে হবেই। ভেঙে দেবার এই প্রাণপণ চেষ্টার ফলে যদি শেষ পর্যন্ত ভেঙেও যায় গড়ে তোলার চেষ্টা, সে হবে আলাদা কথা। লড়ায়ে হারজিত আছে।

কিন্তু বিপদ যে এল সম্পূর্ণ অনাদিক থেকে ! একটা মেয়েলি কৌদল খাটুয়েদের নিজস্ব নতুন ইউনিয়ন গড়ার আশা নির্মূল করে দিল—দিল একেবারে শেষ মুহুর্তে।

সকালবেলাই রাঁধতে রাঁধতে প্রচণ্ড ঝগড়া বেঁধে গেল রত্না আর রাণীর মধ্যে—অসাবধানে রাণীর গরম হাতায় রত্নার গায়ে ছেঁকা লেগে যাবার ফলে।

কুৎসিত গালাগালি করেই গায়ের জ্বালা মিটল না রত্নার—তার তো শুধু গরম হাতা থেকে গায়ে একটু ছাঁকা লাগার জ্বালা নয় ! পেটের ছেলের বোঝাটাও দিন দিন তার ক্ষীণ দুর্বল শরীরটার পক্ষে অসহ্য হয়ে উঠেছিল।

দিশেহারা হয়ে রাণীর উপর ঝাঁপিয়ে পড়ে সে আঁচড়ে তার গায়ে রক্ত বার করে দেয়। রাণী ঠেলে না দিলে বোধ হয় কামড়েও দিত।

রাণীরও ভিতরের দুর্বলতা আর অস্থিরতাবোধ বেড়ে চলেছিল প্রতিদিন। ঠেলাটা সেও একটু দিশেহারা হয়েই দিয়ে বসে।

উনানে ডালের কড়াইয়ের উপর পড়ে যায় রত্না, গরম ফুটন্ত ডালে গায়ের অনেকটা জায়গা তার ঝলসে পড়ে যায়।

তাদের চেষ্টামেচি শুনে দু-চারজন ব্যাপার দেখতে এসেছিল, রত্নার আর্তনাদ শুনে আরও কয়েকজন ছুটে আসে। ধরাধরি করে রত্নাকে তারা তার ঘরে নিয়ে যায়।

রাণী ঘরে গিয়ে শুয়ে পড়ে। কোনোদিকে তাকাবার বা কী ঘটেছে দাঁড়িয়ে দেখবার সাধ্য তার ছিল না। বৃকের মধ্যে ধড়ফড়ানির সঙ্গে মাথার মধ্যে বিম্বিম্ব করে জগৎটা অন্ধকার হয়ে আসছিল।

ব্যাপারটা শুধু এ পর্যন্ত গড়ালে ভাবনা ছিল না। কিন্তু বাজার করে ফিরে রত্নার অবস্থা দেখে আর তার মুখে ব্যাপার শুনেই মাথায় যেন আগুন ধরে যায় রগচটা হরেনের। প্রচণ্ড আক্রোশে গোকুলের ঘরে গিয়ে গলা ফাটিয়ে সে গালাগালি দিতে আরম্ভ করে রাণীকে।

রত্নাকে দেখতে যাবে বলেই রাণী প্রাণপণ চেষ্টায় কোনো রকমে উঠে বসেছিল। কিন্তু উঠে দাঁড়াবার জোর পায়নি। হঠাৎ ভয় পেয়ে অজ্ঞান হয়ে পড়ে।

গোকুল যখন ফিরে এল, ডাঙার তাকে পরীক্ষা করছে। বাড়ির অন্য ভাড়াটেরা ডাক্তার এনেছিল।

ডাক্তার বিদেয় নেওয়া পর্যন্ত গোকুল চুপ করে রইল। তারপর সোজা গিয়ে হরেনের গালে বসিয়ে দিল এক চড়।

অসভ্য জানোয়ার ! মেয়েদের মধ্যে ঝগড়া হয়েছে, তুই পুরুষ হয়ে মেয়েছেলেকে মারতে যাস ! তোকে আমি খুন করব।

ঘটনাটা মঙ্গলবারের। সভা ডাকা হয়েছিল শনিবার বিকালে।

কিন্তু আর কী লাভ আছে সভা ডেকে ? সমস্ত সম্পর্ক চুকেবুকে গিয়েছে গোকুল আর হবেনের মধ্যে। আক্রোশে ফুঁসছে দুজনে। দেখা হলে রাগে ঘৃণায় মুখ ফিরিয়ে নেয়।

বোঝা যায়, এ ভাঙন আর জোড়া লাগার নয়। হবেনের নাম করলে গোকুল বলে, ও বজ্জাতটার নাম কোরো না আমার কাছে। জানোয়ারটাকে খুন কবে আমার ফাঁসি যাওয়া উচিত ছিল।

গোকুলের নাম শুনলে হরেন কটমট করে তাকায়। দাঁতে দাঁতে ঘষে একটা অকথ্য শব্দ উচ্চারণ করে।

শুধু বন্ধুত্ব ভেঙে গেলেও কথা ছিল। দুজনে একেবাবে শত্রু হয়ে দাঁড়িয়েছে পবস্পবের !

শনিবার বিকালে মিটিং বসে বটে কিন্তু কারও মধ্যে উৎসাহ জাগে না। দীনেশ শুধু মহোৎসাহে সিগারেট টানে আব তার নিজের লোকেদের সঙ্গে ফিসফাস গুজগাজ পবামর্শ চালায়।

কিন্তু বেশিক্ষণ নয়। মুখ তাব হাঁ হয়ে যায় এক অদ্ভুত ব্যাপাব দেখে।

গোকুল আব হরেন কথা কইতে কইতে হলে ঢুকছে ! বিবাদ কি ওদের মিটে গেল ? দশ মিনিট আগেও যারা পবস্পবকে দেখে মুখ ফিরিয়ে নিয়েছিল ?

এ কি ম্যাজিক ?

মিটিং শেষ হলে উচ্ছসিত আনন্দ কোলাহলের মধ্যে গোকুল আব হবেন বাইবে আসে। মুখ ফিরিয়ে নিয়ে দুজনে দুদিকে সরে যায়।

আনন্দে উচ্ছসিত হয়ে বিপিন হরেনকে বলে, গোকুলকে ডাকো, চা-টা খাওয়া যাক।

হবেন বলে, ও শালাব নাম কোরো না আমার কাছে।

গোকুলও তার বন্ধুকে বলে, ও বজ্জাতটার নাম কোবো না আমার কাছে। ওকে খুন কবিনি—
আমাব এ আপশোশ যাবাব নয়।

গুড়া

গুড়া সুশীলের বৈঠকখানা।

ঘরখানায় আসবাবপত্রের সমাবেশে যেমন সাজানো-গোছানোর কায়দায় তেমনি নানা বিচিত্র বৃচির অদ্ভুত মিলন ঘটেছে। বৃচির এই ঝাপছাড়া বিকারটাই চোখে পড়ে সকলের আগে। কল্পনা নেই, নানাবৃচির সস্তা খিচুড়ি।

দেয়ালে বহু ছবি—শিবাজী, পরমহংস থেকে গান্ধী, রবীন্দ্রনাথ, জহরলাল, সুভাষচন্দ্র, রাণি ভিক্টোরিয়া থেকে ম্যাউন্টব্যাটেন দাম্পতি, চার্চিল থেকে হলিউডের প্রায় ন্যাংটো স্টার বেনামি এবং জটাধারী সন্ন্যাসী থেকে বাসুকীনাগের দড়ি দিয়ে দেবতা ও দানবের সমুদ্রমস্থান। এ সব হল কাগজে ছাপা ছবি। এ সব ছাড়াও কার্পেটে রঙিন সুতো আর উলে তোলা হরিণ ও বাজের মাথা আছে, ‘পিতা ধর্ম পিতা স্বর্গ’, ‘অহিংসা পরম ধর্ম’, ‘পতিই সতী সব’ ইত্যাদি নানারকম বচন আছে। একদিকে জোড়াখাটে ফরাশ পাতা, তাকিয়াগুলিতে ঝালর দেওয়া ; অপর দিকে স্টিল প্লেটে ও ফ্রেমে গড়া অতি আধুনিক সোফা চেয়ার কিন্তু এ পাশের দেয়াল ঘেঁষে আবার নিছক একটা সাদাসিদে কাঠের বেঞ্চি, কয়েকটা সস্তা হাটবাড়ার বেতের মোড়া। একটা সাধারণ আলমারি আর দামি বুকশেলফে বিচিত্র মলাটের শ-তিনেক বই ! এইগুলিতেই ধুলো জমেছে বেশি। রকমারি মলাটের শোভা ছাড়া বইগুলির সমাবেশ ঘটার মানে বোঝা অসম্ভব। শ্রীমতী সুশীলা দেবী নামে কোনো এক অজানা মেয়েকবির স্বামীর পয়সায় সোনার্লি জ্যোতির চমক লাগানো হরফে ছাপানো ‘চাঁদ ছিল’ কাব্যটির পাশেই আমেরিকায় প্রকাশিত জুতাব ব্যবসা সম্পর্কে মোটা একখানা ইংবাজি বই।

মেঝের খানিক অংশ জুড়ে দামি কার্পেট, পুকুরের মিহি পাঁকের মতো কোমলভ্রম আধ-হাত পা ডুবে যায়। কার্পেটের পাশেই একটি সাধারণ মাদুর, তাতে গোটা দুই ওয়াড়হীন তেলচিটে তাকিয়া। দরজার কাছে পা মোছার জন্য বিছানো আছে—দুটি ছেঁড়া নোংরা বস্তা !

সকাল এখন সাড়ে সাতটা। ঘরে এত আসবাব থাকতে সুশীল একটা সাধারণ সস্তা ক্যাম্বিসের ক্যাম্প চেয়ারে বসে আছে। তার হাতে একটি ছোটো সাইজের দু-পৃষ্ঠা বাংলা সংবাদপত্র—ছাপার হরফগুলি বেশ বড়ো বড়ো।

সুশীলের বয়স হবে চল্লিশ—সবল স্থূল জবরদস্ত চেহারা, চর্বিতে মেটে রং। দাড়ি কামানো, ফড়িংয়ের ডানার মতো একজোড়া সুন্দর গৌফ আছে—সুশীলের কাছে যা যমজ ছেলের চেয়ে প্রিয়।

সুশীলের যমজ ছেলে ছিল। বিয়েকরা বউয়ের সন্তান !

দেয়ালের ছবিগুলির মধ্যে সে ইতিহাস রক্ষিত আছে। শুকনো মালা জড়ানো বিবর্ণ অস্পষ্ট দুটি ফটো সুশীলের অতীত দাম্পত্য জীবনের স্মৃতি হিসাবে দেয়ালে ঠাই পেয়েছে। অস্পষ্ট হলেও বউয়ের ফটোটি দেখে বোঝা যায় শাড়ি গয়না সিন্দুর চন্দনে জবুথবু একটি বালিকা চেয়ে আছে ড্যাবড্যাবে চোখে। বউকে সুশীল বড়ো ভালোবাসত ! বাসর-রাত্রে ভয়ে সুশীলের বৃকে একেবারে অজ্ঞান হয়ে গিয়ে সুশীলকে সে মনেপ্রাণে বশ করে ফেলেছিল !

যমজ ছেলে দুটি বিয়োগে তার প্রাণ যায়।

ছেলে দুটি বেঁচেছিল প্রায় আট বছর। একসঙ্গে একদিনে দুজনে তারা কলেরায় মারা যায়। তাদের ঝাপসা ফটোয় কলকে ফুলের মালা জড়ানো আছে।

সম্পূর্ণে পা ফেলে মৃগালিনী এসে দাঁড়ায়। সে চাকরানি না আশ্রিতা না আত্মীয়া অথবা নিছক বেশ্যা চেহারা দেখে বুঝবার উপায় নেই। পরনে চওড়া লালপাড় ধোপদুরন্ত মিলের শাড়ি কিন্তু বহবে বেশ খানিকটা খাটো, হাঁটু পেরিয়ে গোড়ালি অবধি যেতে যেতে মাঝপথে হাল ছেড়েছে। মুখখানা শুকনো, বক্ষনা লাঞ্ছনার ছাপমারা বিবর্ণতা,—প্রাণপণ ধৈর্যের চেষ্টায় কালিমারা মুখের সে চামড়ায় বয়সের চিহ্নটা কিন্তু কুড়ি-বাইশের বেশি উতরাতে পারেনি। হাজার অত্যাচারও যে মানুষের মুখে বার্ষিক আনতে পারে না, তার মুখটি যেন তার চরম সাক্ষ্য।

মৃগালিনী। (মুদূষরে) কী বলছেন ?

সুশীল। এককাপ চা দাও।

মৃগালিনী। কড়া করব না নরম করব ?

সুশীল। মাঝারি রকম করো।

মৃগালিনী। (পাংশুমুখে ভীতস্বরে) মাঝারি রকম চা তৈরি করা আছে।

সুশীল। (উদার উদাস কণ্ঠে) মাঝারি রকম চায়ের নামে সেও এমনি ভড়কে যেত। একটু এদিক-ওদিক হলে কড়া নয় নরম হয়ে যায়। তোমারও ভাবনা হচ্ছে, না ? ভাবনা কী, ভাবনা কী ! মন-টন কী আর ভালো আছে সকালবেলা ? যেমন হোক করে দাও। সংসারে আর মন নেই, বুঝলে ? সংসার আব ভালো লাগে না।

মৃগালিনী। (সুশীলের বউয়ের ফটোর দিকে চেয়ে) কী কচি ছিল মুখখানা। ছবিতো যেন ঢল-ঢল করছে।

সুশীল। (দীর্ঘনিশ্বাস ফেলে) পাপে ভরা সংসার, ও সব মানুষ বাঁচতে আসে না। দুদিন জড়িয়ে জড়িয়ে বেঁধে নিজে চলে যায়। চিহ্ন দুটোকে পর্যন্ত থাকতে দিল না, কাছে টেনে নিল।

মৃগালিনী। (ধরা গলায়) সত্যি, ভাবলেও কান্না পায়।

সুশীল। কাঁদছ ? কাঁদলে তো তোমায বেশ দেখায়।

মৃগালিনী। চা আনি।

মৃগালিনী ভিতরে যায়। বাইরে থেকে ঘরে ঢোকে বেলা। মোটাসোটা ফরসা ও সুন্দরী, সাজসজ্জায় ঝলমল, গায়ে হিরার নমুনাও আছে। চেহারা প্রসাধন ও সাজসজ্জা সহজেই চিনিতে দেয় সে সমাজের কোন স্তরের কী ধরনের মানুষ।

বেলা। জিঁচ্ছ ! এই নাকি তোমার নতুন পিরিত ? কী পছন্দ, বলিহারি যাই !

সুশীল। বড়ো ভালো মেয়েটি। সাত চড়ে মুখে রা নেই।

বেলা। তবে তো ভালো হবেই। চড় খেয়ে রা না কাড়লে আমিও ভালো মেয়ে হতাম। পাটবানি করেছ নাকি শুনলাম ?

সুশীল। কাঁসের পাটরানি, একটু মায়া পড়ে গেছে, বাস্। চালান কবেই দিতাম, গৌসায়ের সাথে দরদস্তুর হয়ে গিয়েছিল। দুদিন বেঁধেবেড়ে খাওয়াল, বেশ রাঁধে। ভাবলাম, আছে থাক। তাছাড়া, বড়ো নিরীহ গোবেচারার স্বভাব, কে বলবে স্কুলে পড়েছে। গৌসায়ের কাজে নাগবে না, শেষকালে গাল দেবে আমায়।

বেলা। এ তো ভালো কথা নয় ! এই বয়সে তুমি শেষকালে প্রেমের ফাঁদে আটক পড়লে ? খবর শুনে আমরা তো থ বনে গেছি বাবা। মেজাজ-টেজাজ পর্যন্ত নাকি তোমার শূধরে গেছে !

সুশীল। শূধরে গেছে মানে ?

বেলা। একেবারে নাকি দয়ামায়ার অবতার হয়ে দাঁড়িয়েছ। মিষ্টি মিষ্টি কথা কও, উঠতে-বসতে দরদ জানাও। মাইরি বলছি, সবাই বলাবলি করছে, তুমি নাকি শান্তশিষ্ট ভদ্রলোকটি বনে গেছ।

সুশীল। ভদ্রলোক ছিলাম না ?

বেলা। তাই বলেছি আমি ? কৌদল করছ কেন গো ? এ আবার শিখলে কোথা ? একটা ছিঁচকাঁদুনে মেয়ে শেষে এমন দশা করলে তোমার !

সুশীল। হিংসা হচ্ছে নাকি ?

বেলা। (নিজের গালে চড় মেরে মুখ বাঁকিয়ে) মরণ আমার, হিংসা হবে ! তোমার ও দরদের মুখে নুড়ো জ্বলে দি।

সুশীল। তবে দোষটা কী হল ? একজনকে করলাম বা একটু দরদ আহ্লাদ। বউটাকেও তো একদিন করেছি, সম্পর্ক তো তুলে দিইনি তোমাদের সঙ্গে তখন।

বেলা। (গালে হাত দিয়ে) ওমা, তাই নাকি ব্যাপার ! বউটার মতো লাগছে ছুঁড়টাকে ? তেমনি কথায় কথায় ভয়ে মুচ্ছে যায়, না ?

মৃগালিনী এক হাতে চায়ের কাপ অন্য হাতে চিনির পাত্র নিয়ে ঘরে আসে। বেলা একান্ত দৃষ্টিতে তাকে লক্ষ করে। সুশীল মুচকে হেসে আড়চোখে তার দিকে তাকায়।

মৃগালিনী। আপনার চা এনেছি।

সুশীল। চা এনেছ ? লক্ষ্মী মেয়ে। আজ চা ভালো হলে তোমায় সোনার দুল গড়িয়ে দেব।

মৃগালিনী। চিনি কম দিয়েছি।

সুশীল। (চায়ের কাপ হাতে নিয়ে) কেন ?

মৃগালিনী। চিনি আর চামচ এনেছি, একটু একটু মিশিয়ে দেব। রাগ করবেন না—

বেলা মুচকে হাসে। সুশীল চোখ পাকিয়ে চেয়ে কাপে চুমুক দিয়ে মুখ বাঁকায়।

সুশীল। একেবারে চিনি দাওনি।

মৃগালিনী। একটু দিয়েছি, কম দিয়েছি। চিনি বেশি হয়ে গেলে মারবেন।

সুশীল। কী !

মৃগালিনী। (একটু পিছিয়ে গিয়ে) মারবেন না কিন্তু ! চিনি মিশিয়ে ঠিক করে দিচ্ছি।

সুশীল। (গর্জন করে) মারব ? বহুজাত হারামজাদি মাগি, সকালবেলা তুই এমন কুথা বলছিস আমাকে ! আমি মেয়েমানুষকে মারি ? মেয়েমানুষের গায়ে আমি হাত তুলি ? এক চাপড়ে গাল ফাটিয়ে দেব না তোর ! আমি কী অসভ্য চাষা না মজুর যে মেয়েমানুষকে মারব ? এমন কথা বলিস তুই, তোর এত বড়ো স্পর্ধা ! (বলতে বলতে রাগ চড়ছে, মুখ চোখ বিকৃত হয়ে গেছে) নে হারামজাদি নে ! (পায়ের চটি খুলে মারল) আমি মেয়েলোককে মারি !

বেলা। (হেসে গড়িয়ে পড়ে) চিনির কৌটা আমাকে দাও। আমি চিনি মিশিয়ে ঠিক করে দিচ্ছি।

সুশীল। (গজরাতে গজরাতে) না খেয়ে শুকিয়ে মরছিল, কুড়িয়ে এনে সুখে রেখেছি, তার মুখে কথা কী !

বেলা। (হাত বাড়িয়ে চিনির কৌটা আর চামচ নিয়ে) আমার জন্য এক কাপ চা করে আনো তো লক্ষ্মী মেয়ে !

মৃগালিনী ভিতরে যায়। সুশীলের চায়ের কাপে চিনি নাড়তে নাড়তে বেলা খিলখিল করে হাসে।

বাহিরে ঘরে

সকালবেলা সদানন্দ রেশন আনতে বেরিয়েছে। গোমড়া মুখটা যেন রাগে আর গায়ের জ্বালায় থমথম করছে। একটা ব্যাঙাচিকে ছেঁড়া চটি-পরা পায়ে খেঁতলে খেঁতলে এমন করে মারে যেন লাথি মেরে মাথা ভাঙছে কোনো অসহায় বিপন্ন শত্রুর।

রোয়াকে উবু হয়ে বসে গায়ের জ্বালায় জ্বারে জ্বারে বিড়িতে টান দিয়ে কাশছিল লক্ষ্মীপতি। সে কাশতে কাশতে প্রশ্ন করে, নতুন কোনো আইডিয়া নাকি আনন্দদা ?

রাস্তার কল থেকে জল-ভরা বালতি দুটো দুহাতে বুলিয়ে আসতে আসতে হাঁপ ছাড়বার জন্য বালতি দুটো রাস্তায় নামিয়ে হাঁপাচ্ছিল রোগা বুগুণ মাঝবয়সি রমানাথ। হাঁপাতে হাঁপাতে সে বলে, নতুন রকম কিছু নাকি ? হাসতে হাসতে পেটটা ফাটাবেন না যেন বলে রাখছি আনন্দদা।

রাত তিনটেয় উঠে পড়ছিল গোপাল। পরীক্ষায় পাস করবে না জেনেও পড়ছিল। উনানের ছাই কর্পুর আর পটাশ পারম্যাঙ্গানেটের ঘন রঙিন জলে গুলে কাদা করা খড়ি মাটির ঘরোয়া সত্তা খাঁটি স্বদেশি পেস্ট দিয়ে বিলাতি ব্রাশের সাহায্যে দাঁত মাজতে মাজতে সে সামনে এসে পথ আটকে দাঁড়ায়। বলে, সকালবেলাই নতুন আইডিয়া মাথায় এসেছে ? ইউ আর এ বেটার ভাঁড় দ্যান গোপালভাঁড় আনন্দদা !

তার গালে একটা চাপড় কষিয়ে দেওয়া উচিত ছিল সদানন্দের।

কিন্তু চটবার উপায় তো তার নেই। সে কখনও চটে না বলে, সব সময় হালকা হাসি তামাশা নিয়ে সকলের সঙ্গে ইয়ার্কি ফাজলামি করে জীবনের দুঃখদুর্দশার দিকটা ভুড়ি মেরে উড়িয়ে দেয় বলে অনেকে তাকে রীতিমতো হিংসা করে। এ তো সহজ ক্ষমতা নয় আজকের দিনে একটা সংসারী মানুষের পক্ষে !

সে তাই ভাঁড়ামির সুরেই বলে, সহজে কী হতে পেরেছি রে ভাই ! ভাঁড়ামির পরীক্ষায় ফেল করতে করতে বেটার ভাঁড় হয়েছি !

গোপালের মুখ লাল হয়ে যায় কিন্তু অন্য সকলে হাসে।

লোকে সতাই আশ্চর্য হয়ে যায়। যে দিনকাল, যে অবস্থা মানুষের, সামান্য উপার্জনে সংসার চালিয়েও কী করে সদানন্দ জীবনটা এমন হালকাভাবে নিতে পারে !

কেউ কেউ বলে, গায়ে একদিন ছুঁচ ফুটিয়ে দেখলে হত ব্যথাই মুখ বাঁকায় কি না !

বুদ্ধিমানেরা বলে, কী বুদ্ধি তোমাদের ! মনটা হাসিখুশি রাখার সঙ্গে শরীরের কী সম্পর্ক ? যোগী সাধক মানুষ—সর্বদা আনন্দে থাকে। তাই বলে দেহে যন্ত্রণা হলে কাতরাবে না ?

এই নিয়েও মতবিরোধ আছে। কেউ তাকে বলে যোগী সাধক, কেউ বলে ভাঁড়।

দু-চারজনে পাগলও বলে থাকে !

রেশনের দোকানে দাঁড়িয়ে সে ভয়ার্ত সুরে সকলকে জিজ্ঞাসা করে, হ্যাঁ মশায়, আপনারা আমাকে দেখতে পাচ্ছেন তো ? আমি আছি তো ?

এ যে তার নতুন তামাশার ভূমিকা সবাই তা জানে। সকলে মুচকে হাসে।

সকালবেলা ঈশ্বরের নাম করতে গিয়ে বড়োই খটকা লেগেছে মনে। ঈশ্বর আছেন কী নেই আমি তা নিয়ে মাথা ঘামাই না মশায় ! মুশকিল হল, আমি আছি কী নেই সেটা যে শুধু ঈশ্বর জানান ! আমি তবে জানব কী করে ? মহা ভাবনায় পড়ে গেছি তাই।

একজন বলে, নাই বা রইলেন, অত ভাবনা কী ?

ওরে বাপরে ! ভূয়ো রেশনকার্ডের দায়ে ধরা পড়ব না ? বলতে বলতে একগাল হাসে।

এবার ধরেছি হিসেবটা। ঈশ্বর আছেন আমি যে এটা জানি, সেটাই প্রমাণ যে ঈশ্বরও জানেন আমি আছি। আমি যদি না থাকব তবে কী করে জানব একমাত্র ঈশ্বরই জানেন আমি আছি কী নেই ? কাজেই আমি আছি। সত্যি আছি তো ?

কয়েক মুহূর্ত ভয়ার্ত দিশেহারা মানুষের মুখভঙ্গি অপূর্ব অভিনয়ে ফুটিয়ে তুলে, বিহ্বল নেশাখোরের মতো উপস্থিত সকলের মুখ, রাস্তা, সামনের বাগানবাড়ি আর আকাশের দৃশ্যমান অংশটুকুতে চোখ ঘুরিয়ে এনে নিজের পেট চাপড়ে হোহো শব্দে সে হেসে ওঠে।

আছি আছি, আমি আছি ! রেশন নিতে এসেছিলাম আমি ভুলেই গেছিলাম বাবা ! পেটে খিদেটা ছোবল মারছে সাতাশ কোটি সাপের মতো ! আমিই যদি না থাকব, তবে কীসের রেশন, কীসের খিদে !

হাসতে হাসতে সেনেদের পাঁচ বছরের মেয়েটাকে কোলে তুলে নিয়ে বলে, তুইও রেশন নিবি বউ ? একলা এসেছিস ? মোটে শ-খানেক বছর আগে তোকে যে অসতী বলে ডুবিয়ে মারত বউমণি, ভুলে গেছিস ? কুলীন বামুন আমি, তোকে টাকা নিয়ে বিয়ে করে বলে যেতাম, খবরদার, বাকি জীবন সতী থাকবি। পাঁচ-ছবছর বয়স হয়েছে, বাকি মোটে আর তিবিশ-চল্লিশটা বছর। আমাকে ধ্যান কবে এ ক-টা দিন কাটিয়ে দিবি, বুঝলি ?

সকলে আবার হাসে। রেশনের দোকানে রেশন নিতে এসে হত্যা দিয়ে দাঁড়িয়েছে বলেই হাসতে তো তারা ভুলে যায়নি।

ছোটো মেয়েটির মাথায় পিঠে বাপের মতো হাত বুলোতে বুলোতে সে একেবারে যাত্রাদলেব ভাঁড়ের মতো ভঙ্গি করে বলে, আপনারা তো জানেন না, আপনাদের কী বলব ! সেদিন একটা মেয়ে আমায় বিয়ে করতে এসেছিল !

সে মুচকে মুচকে হাসে। সকলে উৎসুক আগ্রহে তার রসিকতার আসল কথাটুকুর জন্য প্রতীক্ষা করে। হাসবার জন্য প্রস্তুত হয়েই সাগ্রহে প্রতীক্ষ্য করে। তারা জানে যে রসিকতার ভূমিকা শুধু তাদের মনোযোগ আকর্ষণ করার জন্য—এবার সে যা বলবে তাতে না হেসে উপায় থাকবে না তাদের।

পরপর সাজানো রেশনকার্ডগুলি নিয়ে যে বেচারা এ খাতায় ও খাতায় সে খাতায় এটা-ওটা সেটা টুকে নিয়মরক্ষা করছিল—সে পর্যন্ত কলমটা উঁচিয়ে ধরে অপেক্ষা কবে।

সেও তো পাড়ারই ছেলে।

সে হাসির গাঙ্গীর্ষ দিয়ে মুখটা হাস্যকরভাবে গাঙ্গীর করে বলে, ভারী সুন্দরী মেয়ে। কম খেয়ে ক্ষীণাঙ্গী হয়েছে। শাড়িখানা পরেছে এমন কায়দা করে যেন সিনেমায় চাকরি খুঁজতে বেরিয়েছে। আমাকে সোজাসৃজি বললে, দ্যাখো, তুমি বাপের সম্পত্তিও ভোগ করবে আবার মাসে মাসে চাকরি করে সে টাকাও মাসে মাসে খরচ করবে, অথচ ব্যাচেলার হয়ে থাকবে—এটা বেআইনি কাজ। তোমাকে এভাবে সমাজের সর্বনাশ করতে দেওয়া যায় না। আমাকে বিয়ে করতে হবে। নইলে তোমার নামে কেস করব।

একটু থেমে মুখ গাঙ্গীর করে বলে, সে কী বিপদ ভাই ! গলা জড়িয়ে ধরে আর কী ! কী করি ? শেষকালে গলা চড়িয়ে গিল্লিকেই ডাকলাম—ওগো বাঁচাও, শিগগির এসো—সর্বনাশ হল।

সশব্দে হাসিতে ফেটে পড়ে রেশনার্থী বালক যুবক বৃদ্ধের।

খন্দরের শায়া ব্লাউজের উপর রেশন-বিগর্হিত সুপারফাইন শাড়ি গায়ে জড়ানো মোটাসোটা মহিলাটি বলে, আপনাকে থামে বেঁধে চাবকানো উচিত !

সে বলে, কেন ? আমি তো মন্ত্রীদেব গাল দিইনি।

সকলে আরেকবার হাসে।

মহিলাটি আরও চটে বলে, আপনি মেয়েদের অপমান করেছেন।

সে যেন আঁতকে ওঠে। মুখে ভয় 'আব হতাশাব ভাবটা হাস্যকর রকম প্রকট হয়ে পড়ে।

এ কী বলছেন ? কী সর্বনাশ ! মেয়েরা যে আমার মা !

এবার কেউ হাসে না। ভদ্রমহিলা মুখ ফিরিয়ে ঝামটা দিয়ে বলে, তাঁড় !

বরুণ বলে, মিসেস দাস, আপনি গুঁকে চেনেন ?

মিসেস রেণুকা দাস শুধু মুখ ঝাঁকায়।

বরুণ বলে, উনিই আমাদের সদানন্দবাবু।

তাতে কী হয়েছে ?

রাগ করবেন না, ইনি অতি সদাশিব লোক। কাউকে ইনি খোঁচা দেন না—এমনিই হাসান ! আজকালকার দিনে পাড়ায় একজন হাসাবার মতো লোক থাকা কী সহজ ভাগ্যের কথা !

লোকে না খেয়ে মরছে, ন্যাংটো হয়ে থাকছে, তখন ভাঁড়ামি সয় মানুষের ? তাও আবার মেয়েদের নিয়ে ইয়াকি !

সদানন্দ গম্ভীর হয়ে বলে, এখানে আরও মহিলা উপস্থিত আছেন, তারা কিন্তু রাগ করেননি। রেণুকা ছাড়া যে পাঁচজন স্ত্রীলোক উপস্থিত ছিল তাদের কেউ মহিলা বলে না। দুজন হিন্দুস্থানি স্ত্রীলোকের কাপড়ে স্পষ্ট ছাপ লাগানো আছে যে তারা নতুন বাড়ি তুলবার সময় চুন-বালি বয়, অন্য তিনজন বাঙালি স্ত্রীলোককে দেখেই বোঝা যায় পেট চালাবার জন্য তারা ঝি-গিরি ধরনের কাজ করে।

এবার কেউ শব্দ করে হাসে না, নীরব হাসিই সকলের মুখে খেলে যায়। রেণুকার মুখ হয়ে যায় আরও বেশি লাল।

বেশন-ক্লার্ক বরুণ তাড়াতাড়ি রেণুকার কার্ড কখনা আগে লিখে কেপ্টকে বলে, আগে ঐরটা মেপে দাও—হাত চালাও একটু।

সদানন্দ দুহাতে নিজের কান মলে বলে, নাঃ, আর ভাঁড়ামি নয়। এবার থেকে বেশন নিতে এসে চেটপাট কবতে হবে—তাড়াতাড়ি পেয়ে যাব, সকলের আগে।

রেণুকা তীব্রদৃষ্টিতে তার দিকে তাকায়।

গায়ে পড়ে সে সদানন্দকে শাসন করতে গিয়েছিল বলে কারও সহানুভূতি জাগে না। কেবল মাঝবয়সি আদিভোব ক্রিষ্ট মুখটা অত্যন্ত ক্রুদ্ধ দেখায়।

সে বলে, আমাদের রুচি বড়ো নেমে গেছে। সস্তা নোংরামি আর ভাঁড়ামি ছাড়া পছন্দ হয় না। সিনেমাগুলি তো নিয়ম করে বিষ খাওয়াচ্ছে দেশের লোককে !

কলেজের ছাত্র রঞ্জন বলে, পয়সা দিয়েও বিষ খায় কেন দেশের লোক ?

সদানন্দ বলে, ও বিষ খেলে যে মজার নেশা হয় রে দাদা ! পা টলে না, খানায় পড়তে হয় না, দিবিা মজার নেশা জমে।

সকলে হাসে। আদিত্য নামকরা মাতাল। আর কোনো দোষ নেই, বাড়িতেই মদ খায়। যে আনন্দ জীবনে নেই সন্ধ্যা হলে সেই আনন্দের সন্ধানে মদ গিলতে শুরু করে। নেশা বেড়ে গেলে প্রায়ই সে বাড়িতে একটা হইচই হট্টগোল সৃষ্টি করে।

সদানন্দ নিজের মুখে হাত চাপা দেবার ভঙ্গি করে বলে, আর না, এবার এই মুখ বন্ধ করলাম। একেবারে বাড়ি গিয়ে খুলব। আর একটি কথা নয়। একটা শব্দ যদি আর উচ্চারণ করি, নিজের মাথা খাব।

একটু পরেই বলে, দেখলেন তো মশাইরা, ভদ্রলোকের এক কথা। বলেছি মুখ বন্ধ, আর কী আমি কথা কই !

মুখ থেকে হাত সরিয়ে কাঁদো কাঁদো হয়ে বলে, দুস্তোর ! কত কথা বলে ফেললাম। ভদ্রলোকের এক কথা, নিজের মাথাটা এখন আমি খাই কী করে ? নাগাল পাব না যে !

হাতে থলি ঝুলিয়ে চেনা লোকের সঙ্গে ঠাট্টাতামাশা করতে করতে হাসিমুখে সদানন্দ বাড়ি ফেরে। সদর দরজার চৌকাঠ ডিঙিয়েই হাসিটা তার মিলিয়ে যায়।

নির্মলা কুমড়ো কুটছিল, রেশনের চাল আর গম-ভরা থলি দুটো প্রায় তার গায়ের উপর ধপাস করে নামিয়ে দিয়ে মুখ বিকৃত করে বলে, নাও পিন্ডি গেলো সবাই।

নির্মলা বাঁটটা সরিয়ে রেখে ঝংকার দিয়ে বলে, হাত কেটে যেত না ?

সদানন্দ ঝাঁঝের সঙ্গে বলে, কাটে তো না কোনোদিন ? একটু রক্ত বেরিয়ে তেজ কমত।

নির্মলার গলা চড়ে যায়।—কী তেজ আমার তুমি দেখলে শুনি ? সকালবেলা গায়ে পড়ে ঝগড়া শুরু করেছ ?

সকালবেলা এককাপ চা জোটে না আমার। রেশনের দোকানে ধন্য দাও, বাজারে যাও—
ওই তো চা করা রয়েছে, খেলেই হয় !

সদানন্দ গর্জন করে বলে, ঠান্ডা চা খাব নাকি ?

নির্মলাও গর্জে ওঠে, চেষ্টা না ঝাঁড়ের মতো। গরম করে দেব না বলেছি ?

আধভিজা কাপড়ে ষোলো বছরের মেয়ে মায়া এসে দাঁড়ায়।

একটা কাপড়-কাচা সাবান এনে দাও বাবা।

সদানন্দ তীব্রদৃষ্টিতে তার দিকে তাকায়।

এখনও সাবান দিসনি কাপড়টাতে ? কখন শুকোবে ? কী পরে আপিস যাব ?

সাবান নেই তো আমি কী করব ?

ভোরবেলা সে কথা বলতে পারনি হারামজাদি ?

সদানন্দ মেয়ের গালে ঠাস করে চড় বসিয়ে দেয়।

মায়া চেষ্টা করে কাঁদে।

নির্মলা তর্জন করে।

সদানন্দ গজরায়। তখন নড়ে ওঠে বাইরের কড়া।

দরজা খুলে সদানন্দ দ্যাখে, হাসিমুখে দাঁড়িয়ে আছে রেশনের দোকানের সেই রেণুকা দাস।

একটু দরকার ছিল। আপনি তখন রাগ করেননি তো সদানন্দবাবু ?

সদানন্দবাবু অমায়িকভাবে হেসে বলে, রাগ তো আপনার করার কথা।

না না, আমি রাগ করিনি।

ঘরে এসে রেণুকা বসে।

একটা খবর পেয়ে এলাম। আপনি নাকি ঘর দুখানা ছেড়ে দিচ্ছেন ? খোলাখুলি কথা বলি, কেমন ? শুনলাম দু-মাসের ভাড়াটা দিয়ে আমি ঘর দুটো নিতে পারি।

সদানন্দ বিমর্ষ চিন্তিত মুখে বলে, ঘর দুটো ঠিক ছেড়ে দেবার কথা ভাবিনি, একখানা ঘর সাবলেট করব ভাবছিলাম। তা, আপনি যখন বলছেন—

চিকিৎসা

ফুটপাথের ধার ঘেঁষে মেয়েটি দাঁড়িয়েছিল। দেখেই টের পাওয়া যায় শহুরে মেয়ে। অর্থাৎ মফস্বল থেকে শহুরে নতুন আমদানি নয়। রাজপথে চলার তার অভ্যাস নেই, খুব অন্যান্যমনস্ক হয়ে থাকলেও অবচেতনতা তাকে আপনা থেকে কতকগুলি সতর্কতা পালন করায় না, এটা বিশ্বাস কবাও কঠিন।

অথচ বেশ খানিকক্ষণ চুপচাপ দাঁড়িয়ে থেকে সে কোনোদিকে না তাকিয়ে হঠাৎ রাস্তায় নেমে কয়েক পা এগিয়ে যায়।

স্কুল-কলেজ আপিস যাবার সময় রাজপথে দ্রুতগামী গাড়ির যে দুমুখী স্রোত চলছিল। একেবারে তারই একটা ধারার মধ্যে !

মস্ত সেলুন গাড়িটা তাকে চাপা দিয়ে আহত বা নিহত করলে কারও কিছু বলার থাকত না। এমনভাবে যে চলন্ত গাড়ির সামনে এসে পড়ে, প্রাণপণে ব্রেক কষেও বাঁচাবার সময় বা ফাঁক রাখে না, সোজাসুজি তাকে চাপা দেবার অধিকার নিশ্চয় সে গাড়ির চালকের আছে।

কিন্তু গাড়িও মানুষ চালায় কিনা এবং জগতে এত সমারোহের সঙ্গে ছোটো ও বিরাট স্কেলে মানুষ মারা হতে থাকলেও মানুষকে বাঁচাতে চাওয়াটাই মানুষের ধাত কিনা, দুর্ঘটনাটা তাই হয়ে যায় একটু অন্য রকম।

ভাবনা-চিন্তার তো সময় ছিল না, সেলুন গাড়ির মোটাসোটা বেঁটে ড্রাইভারটি যা করে তার পিছনে নিজেকে বিপন্ন কবেও মানুষকে বাঁচাবার প্রকৃতিগত বৌকটাই ছিল বলতে হবে।

তাছাড়া আর কোনো ব্যাখ্যাই হয় না তার কাজের। দাঁতে দাঁত চেপে ব্রেক কষার সঙ্গে সে ডাইনে হুইল ঘুরিয়ে দেয়। বাঁয়ে ফুটপাতে মানুষের ভিড়। একজনকে বাঁচাতে গিয়ে দশজনকে মাঝা বা জখম করার মানে হয় না। মেয়েটি ধাক্কা লেগে ছিটকে পড়ে। গাড়িটা ধাক্কা দেয় চলন্ত ট্রামটাব গায়ে।

অদ্ভুত একটা আর্চনাদের মতো আওয়াজ ওঠে একসঙ্গে অনেকগুলি গাড়ির ব্রেক কষায়।

সেলুন গাড়িটার পিছনে আসছিল লম্বাটে পুরানো বড়ো একটা গাড়ি। ব্রেক কষেও সেটা এসে হুমড়ি খেয়ে পড়ে সেলুনটাব উপরে।

পিছনের সিটের এক দিকের কোণে যে প্রৌঢ়বয়সি ভদ্রলোকটি বসেছিল, চোট লেগে সে অজ্ঞান হয়ে পাশের সুন্দরী মেয়েটির কোলে ঢলে পড়ে—সিনেমার চমকপ্রদ ঘটনার মধ্যে আসল রসালো দৃশ্যটির মতোই !

কী বিরাট ছন্দে কী গতিতে শহরের এই রাজপথে জীবনের স্রোত বয়ে চলেছিল, কী বিচিত্র অদ্ভুত ছিল হেঁটে চলা ট্রামে-বাসে গাদাগাদি করা নানাআকারের নানাধরনের ছোটোবড়ো নতুন পুরানো মোটর গাড়িতে চাপা রিকশা-সাইকেলে বসা মানুষগুলির বিভেদ আর সামঞ্জস্য—ব্যঘাত ঘটে থেমে যেতেই যেন সেটা স্পষ্ট হয়ে ওঠে। ট্র্যাফিক বন্ধ।

পুলিশ আসেনি, অ্যাম্বুলেন্স আসেনি কিন্তু লোকসংরক্ষণ সৃষ্টি হয়ে গেছে। সে অরণ্য ভেদ করে সাইকেলটিরও এগিয়ে যাবার সাধ্য নেই।

বাসের ড্রাইভার কন্ডাক্টর নিতাই দেখছে এ রকম দুর্ঘটনা। একটা ফাঁক পেলেই হুস করে বেরিয়ে যেত ঘটনাস্থল পিছনে ফেলে। তাদের টাইমের সার্ভিস। দেরি হলে জরিমানা—কিন্তু সেটা বড়ো কথা নয়। আপিস টাইমে আধঘণ্টা রোজগার বন্ধ থাকলে মালিক বড়ো চটে যায়। বলে, চোখ-কান নেই ? সেঙ্গ নেই ? অ্যাকসিডেন্ট ঘটলে ট্র্যাফিক বন্ধ হলে আধঘণ্টা এক ঘণ্টা কাবার হয়ে যাবে

খেয়াল নেই ? হুস করে বেরিয়ে যেতে পারলে না ? পাশের রাস্তায় ঢুকে একটু ঘুবে আসতে পারলে না ? বাস কিনে হয়েছে ঝকঝক। তোমাদের পেটেই সব যায় !

বোঝাই বাস, মাল বোঝাই লরি, মাল বোঝাই নিতে যাবার খালি লরি, উগ্র অসহিষ্ণু হয়ে ওঠে। পারলে যেন জনতাকে পিষে বেরিয়ে চলে যাবে।

পুলিশ না এলে তো আর সে সাহস সম্ভব নয়। শুধু ফাঁসে আর গর্জায়।

জনতা রাস্তা ছাড়ে না।

তারপর পুলিশ আসে। অ্যান্ডুলেস আসে।

সামান্য ব্যাপার। শুধু একটু ঠোকাঠকি হয়েছে চলতি কয়েকটা গাড়ির।

কেউ মরেনি।

দুর্ঘটনার কারণ সেই মেয়েটার বাঁ হাতটা শুধু গুঁড়ো হয়ে গেছে আর ভেঙেছে দুটো-একটা পাজরার হাড়। সেলুন গাড়ির মোটাসোটা বেঁটে ড্রাইভারের ঘাড়টা শুধু একটু মচকে গেছে। বেশি রকম মুচড়ে গেছে বলেই জ্ঞান হারিয়েছে, নইলে আঘাত তার তেমন মারাত্মক কিছু লাগেনি। কোথাও কাটেনি, রক্তপাত ঘটেনি।

প্রৌঢ় ভদ্রলোকটি কেন জ্ঞান হারিয়েছে বোঝাই যায় না। বোধ হয় দেহযন্ত্রে কোনো বিকৃতি আছে। হঠাৎ আঁতকে উঠলেই অজ্ঞান হয়ে যায়। নইলে এত সামান্য একটু ঝাঁকানিতে কেউ এভাবে অচেতন হয় না।

ওই গাড়ির ড্রাইভারের চোট লেগেছে বরং অনেক বেশি। কপালের পাশেব দিকটা অবশ্য দেখতে দেখতে ফুলে ঢোল হয়ে গেছে ভদ্রলোকের। কিন্তু একফোঁটা রক্তপাত যার ঘটেনি তাকে আহত বলা যায় কোন যুক্তিতে !

কেউ মরেনি, রক্তপাত হয়নি, সুতরাং সামান্য দুর্ঘটনাই বলতে হবে।

মিনিট কুড়িও লাগে না রাজপথটির ধাতস্থ হতে।

তারপর ঠিক আগের মতোই অবিরাম গতিতে-মানুষ ও গাড়ির চলাচল দেখে মনে হয়, দুর্ঘটনার চিহ্ন কেন, স্মৃতি পর্যন্ত যেন উপে গিয়েছে।

সামনে খানিকটা ফাঁক পাওয়ায় পিছনের যে গাড়িটা ব্রেক কষে থামবাব সুযোগ পেয়েছিল, কারও এতটুকু চোট লাগেনি, তার ড্রাইভার জীবন ফুটপাথে চুপচাপ দাঁড়িয়ে বিড়ি টানে।

একটার পর একটা।

ভূপেশ বলে, দাঁড়িয়ে বইলে যে জীবন ? গাড়িতে স্টার্ট দাও, দেরি হয়ে যাচ্ছে।

জীবন একটা টোক গেলে।

সন্ধ্যা তীক্ষ্ণদৃষ্টিতে তার মুখের দিকে চেয়ে জিজ্ঞাসা করে, তোমার মুখ এ রকম শূন্য দেখাচ্ছে কেন ?

প্রাণপণ চেষ্টায় মুখের ভাব স্বাভাবিক রাখবার চেষ্টা করতে করতে জীবন বলে, ও কিছু নয়। শরীরটা আজ ভালো নেই।

ধীরে ধীরে এগিয়ে সে গাড়িতে ওঠে। ভেতরে তার যে কী ব্যাপার চলেছে, মাথা ঘুরছে বুক ধড়ফড় করছে, সর্বাঙ্গ কাঁপছে এটা ওদের জানতে দেওয়া যায় না।

একটা দুর্ঘটনা ঘটবার এতক্ষণ পরেও যার ভেতরে এমন ব্যাপার চলে, তাকে গাড়ি চালাবার ভার দিয়ে নিজেদের জীবন বিপন্ন করতে ওরা সাহস পাবে না, আজকেই মাইনে হাতে দিয়ে বলবে, ভালোয় ভালোয় বিদেয় হও !

এমনি ওরা তাকে পছন্দই করে ড্রাইভার হিসাবে, তার সাধারণ কথাবার্তা চালচলনও অপছন্দ নয় ; কিন্তু সে জানে মাঝে মাঝে তার মুখ যে খুব শুকনো আর বিষণ্ণ দেখায়, অত্যন্ত অন্যান্দনক হয়ে থাকে, ডাকলে কখনও চমকে উঠে খানিকক্ষণ শূন্যদৃষ্টিতে চেয়ে থাকে—এ সব লক্ষ করে ওদের মনে একটা খটকা লেগেছে।

একবার যদি টের পায় তার সত্যিকারের অবস্থা আর একদিনও ওরা তাকে বাখবে না।

ভূপেশ আর সন্ধ্যাকে আপিসে পৌঁছে দিয়ে ভূপেশ বলে, আজ আর আমাদের গাড়ির দরকার নেই। বাড়িতে ওরা কোথায় যাবে বলছিল, গাড়ি নিয়ে যাও।

গাড়ি নিয়ে ফিরে গিয়ে জীবন অনেকক্ষণ শুয়ে থাকে। খেয়ে দেখে আবাব বিছানা নেয়, কিছুক্ষণের জন্য একটু তন্দ্রাও আসে, তবু বাড়ির মেয়েদের সিনেমায় নেবার জন্য গাড়ি বার কবার সময় তার বুক কঁপে কঁপে ওঠে, সর্বাঙ্গ কেমন অবশ হয়ে আসে। দাঁতে দাঁত লাগিয়ে গ্যারেজে গিয়ে গাড়িতে উঠতে হয়।

সন্ধ্যায় বাড়িতে আসে অতিথি, হাসি-গল্প-গানে ড্রয়িংরুমটা যেন আনন্দে মুখরিত হয়ে ওঠে। বাইরে বাগানে দাঁড়িয়ে জীবন ভাবে, চোরাবাজারে টাকা করেও জীবনটা ওরা হাসি-আনন্দে ভরে তুলতে পারে, কারণ কিছু চুরি না করেও তার জীবনটা এমন দুঃখময় কেন ?

শাড়ি-গয়নায় চোখে ধাঁধা লাগিয়ে মেয়েরা বেরিয়ে আসে। ভূপেশের স্ত্রী প্রৌঢ়া সুপ্রিয়াও যেন নিজের মেয়েদের সঙ্গে পাল্লা দিয়ে সেজেছে।

তার দিকে চেয়ে জীবন কিছুক্ষণের জন্য তার নিজের চিন্তা ভুলে যায়। ভাবে, ভূপেশ যে সন্ধ্যাকে শুধু তাব বাড়ি থেকে তুলে নিজের আপিসে নিয়ে যায় না, সিনেমা-হোটেলও নিয়ে যায়, ফিরিঙ্গি পাড়ায় ঘণ্টা হিসাবে ভাড়া করা সাজানো ঘরেও নিয়ে যায়, এটা জানলেও কি তুমি এ রকম সেজেগুজে হাসিমুখে সিনেমায় যেতে পারতে ?

জীবনের মাথা ঘোবে।

বৃক্কের মধ্যে ঢিপঢিপ করে। হঠাৎ ধড়াস কবে ওঠে হাত-পা কাঁপে। গলাটা শুকিয়ে কাঠ হয়ে থাকে। জল খেয়ে লাভ হয় না। জলে গলাও ভেজে না, তুষণও মেটে না।

বেশি জল খাওয়ার দরুন শুধু আরেকটা অস্বস্তি বাড়ে।

খিদে পায় এলোমেলোভাবে। কখনও অসহ্য চনচনে খিদে পায়, কখনও ভোঁতা হয়ে যায়। ভালো হজম হয় না। আর হয় না ঘুম।

নিয়মিতভাবে নয় কিন্তু পালা করেই তার দুঃখের দিনগুলি আসে।

ক-দিন ভালোই আছে, শরীরটা তাজা বোধ করছে, মনে অনুভব করেছে ফুর্তির ভাব, জগৎটাকে মনে হচ্ছে খাসা জায়গা, জীবনটা মনে হচ্ছে আনন্দময়—২-প্লের মতোই যেন কেটে যায় এ অবস্থাটা, দুঃস্বপ্নের মতোই যেন শুবু হয় অস্বস্তি যাতনাবোধ অনিদ্রা আর আতঙ্কের দিনগুলি।

চেনা ডাক্তারকে দিয়ে তন্নতন্ন করে পরীক্ষা করানো হয়েছে দেহটা এবং বক্ত থুথু ইত্যাদি সব কিছু।

কোনো খুঁত পাওয়া যায়নি।

রোগটা বোধ হয় আপনার মানসিক।

মানসিক কী রোগ ?

সেটা স্পেশালিস্ট বলতে পারবেন। আমার মনে হয় আপনি খুব দুশ্চিন্তা করেন।

শরীরটা বিগড়ে যায় কেন এছাড়া আমার কোনো দুশ্চিন্তা নেই। কোনো ঝঞ্জাট নেই।

আপনি একবার কুমুদবাবুকে কনসাল্ট করুন।

কুমুদের ফি ভীষণ মোটা। তবে ডাক্তারি বিদ্যায় বা যত্ন নিয়ে চিকিৎসা করায় তার ফাঁকি নেই। প্রথম দিন প্রায় ঘণ্টা দেড়েক ধরে কুমুদ নানাভাবে এই কথাটাই তাকে বুঝিয়ে দেবার চেষ্টা করেছিল যে কারণ না জেনে বোগের চিকিৎসা করার সাধ্য ভগবানের থাকতে পারে কিন্তু রক্তমাংসের মানুষ ডাক্তারের নেই এবং কোনো কথা গোপন করলে রোগের কাবণ খুঁজে বার করবার সাধ্য ডাক্তারের হয় না।

কোনো কথাই সে গোপন কবেনি কুমুদের কাছে। বলেছে, আমার জীবনে কিছুই গোপন করার নেই। অল্পবয়সে দু-একটা ছেলেমানুষি হয়তো করেছি, তারপর ভুলটুলও হয়তো কবেছি দু-একটা। কিন্তু সে সব এমন ব্যাপার নয় যে আপনাকে বলতে পাবব না।

কুমুদ প্রশ্ন করেছে, সে জবাব দিয়ে গেছে। ছেলেবেলা থেকে তার নিজের জীবনের কথা, বাড়ির লোকের কথা বন্ধুবান্ধবের কথা সব বিষয়ে খুটিয়ে খুটিয়ে প্রশ্ন।

একদিনে হয়নি, অনেক দিন যেতে হয়েছে কুমুদের কাছে।

এটা সম্ভব হয়েছে কুমুদের কাছে তাকে যে পাঠিয়েছে তারই মধ্যস্থতায়।

শংকর ডাক্তার কুমুদের পরিচিত, তারই অনুরোধে কুমুদ তার পাওনাটা জীবনের কাছ থেকে মাসে মাসে কিছু কিছু করে নিতে রাজি হয়েছে।

শংকর জোর দিয়ে কুমুদকে বলেছে, একবারে সব টাকা দিতে হলে সে চিকিৎসা চালাতে পারবে না। ওকে আমি অনেক দিন থেকে জানি, মানুষটা সত্যি অনেস্ট। আপনার পাওনা এক পয়সা মারা যাবে না।

প্রথমে একটু উদাসীনভাবে আরম্ভ করলেও কয়েক দিন জিজ্ঞাসাবাদের পর তার অসুখটা চিকিৎসা করতে কুমুদের যেন বিশেষ আগ্রহ দেখা দিয়েছে।

প্রশ্নগুলি অবশ্যই চিকিৎসার পদ্ধতি অনুসারে সাজানো কিন্তু জীবনের কাছ ভাবী এলোমেলো ঠেকে। কিন্তু ভালো করে তার রোগটা বুঝবার জন্য কুমুদের আগ্রহ সে টের পায়।

আশা জাগে জীবনের। কুমুদের মতো ডাক্তার এতখানি আগ্রহের সঙ্গে এত যত্ন নিয়ে যখন তার চিকিৎসা করছে, হয়তো সেরে যাবে তার দুর্বোধ্য অসুখ—ভিতরে আড়াল-করা অসুখ।

দু-তিন রকম ওষুধের ব্যবস্থাও করেছে কুমুদ। একটু খিদে বেড়েছে, মোটামুটি ঘুমও হয়।

সে রকম কষ্টকর হয়ে ওঠে না মাথা ঘোবা, বুক ধড়ফড় করা, গলা শুকিয়ে যাওয়া।

এইখানেই কিন্তু থেমে গেছে উন্নতি। আগের মতো কষ্টকর না হলেও অসুখটা তার রয়ে গেছে।

কেমন বিচলিত মনে হয়েছে কুমুদকে।

একদিন সে স্থিরদৃষ্টিতে তার দিকে চেয়ে থেকে বলে, তুমি নিশ্চয় আমার কাছে কোনো গুরুতর কথা গোপন করছ।

গুরুতর কথা ডাক্তারবাবু ? কোনো সামান্য তুচ্ছ কথাও গোপন করিনি।

কুমুদ মাথা নাড়ে।

আমি স্পষ্ট ধরতে পেরেছি তোমার মধ্যে একটা কঠিন অশান্তি আছে, জোরালো সংঘাত চলছে। ব্যাপারটা না জানালে তো তোমায় সারাতে পারব না।

সে তো এই অসুখটার জন্য। আগে অশান্তি ছিল, কোনো কাজ ছিল না বলে, বড়ো দুরবস্থা হয়েছিল। ক-বছর ভালো মাইনের কাজ কবছি, এক রকম চলে যায়। এখন এই রোগটা ছাড়া আমার কোনো দৃষ্টিশক্তি নেই।

কুমুদ বলে, না। অসুখের জন্য তোমার আসল অশান্তিটা নয়—ওই অশান্তিটার জনাই তোমার অসুখ। এতে কোনো ভুল নেই, এটা ধরতেও আমার অসুবিধা হয়নি। এটার রকমটাও আমি ধরতে

পেরেছি ঠিক। গোপনে মানুষ খুন করার মতো খুব বড়ো রকম একটা পাপ করলে যেমন প্রতিক্রিয়া হয়, সেই ধরনের ব্যাপার। তোমার জীবনে নিশ্চয় একটা বড়ো রকম গোপন দিক আছে, নইলে এ রকম হতেই পারে না। আমাদের বিজ্ঞানের হিসাব ভুল হবার নয়। তোমার জীবনে গোপন দিক আছে এটা আমার আন্দাজ নয়। ডাক্তার যেমন স্পষ্ট লক্ষণ পেলে বলে দিতে পারে বোগীর শরীরে কী অসুখ, তেমনি স্পষ্ট লক্ষণ থেকে আমি তোমার ভেতরের ব্যাপারটা ধরেছি, এতে ভুল হওয়া অসম্ভব।

জীবন হাঁ করে চেয়ে থাকে। তার জীবনের একটা বড়ো গোপন দিক আছে, মানুষ খুন করার মতো সাংঘাতিক দিক, অথচ সে নিজেই তার কোনো খবর রাখে না !

কুমুদ বলেছে, এভাবে গোপন করলে তো চিকিৎসা সম্ভব নয়। গুরুতর ব্যাপার একটা আছে, ভেতর থেকে চাপ দিচ্ছে, তার লক্ষণগুলি দেখতে পাচ্ছি কিন্তু ব্যাপারটা কী না জানলে তো চিকিৎসা করতে পারব না, তোমার রোগও সারবে না !

জীবন ব্যাকুলভাবে বলে, বিশ্বাস করুন, আমি কোনো কথা গোপন করিনি।

কুমুদ অনেকক্ষণ চূপ করে থাকে। তারপর ধীরে ধীরে বলে, যদি ক্রিমিনাল কিছু হয়, বিপদে পড়ার ভয়ে বলতে বাধ্য, তাহলে তোমায় আবার বলছি যে তুমি মস্ত ভুল করছ। তোমাকে বিপদে ফেলা যায় এমন কিছুই আমি জানতে চাই না। কারও নামধাম, কোথায় কবে ব্যাপারটা ঘটেছিল, এ সব আমার জানবাব দরকার নেই। এ সব পয়েন্ট তুমি গোপন রাখতে পারো, বানিয়ে বলতে পারো। আমি শুধু জানতে চাই ব্যাপারটা কী ধরনের আর কীভাবে তার জের চলছে।

একটু থেমে কুমুদ আবার বলে, যেমন ধবো তুমি একটা খুন করেছিলে। কবে কাকে কীভাবে খুন করেছিলে তোমায় বলতে হবে না। আমায় শুধু জানাবে কেন খুনটা করতে হয়েছিল, এখনও তার জেরটা চলছে কেন। তুমি সত্যি খুন করেছ বলছি না কিন্তু। আমি তোমায় শুধু এটুকু বোঝাতে চাইছি যে খুন করে থাকলেও আমায় যেটুকু জানালে আমি তোমার কোনো ক্ষতি করতে পারব না—আমায় সেইটুকু শুধু জানাও। যদি অন্যায় প্রেমের ব্যাপার হয়, আমাকে শুধু এইটুকু বলবে, আর কয়েকটা প্রশ্নের জবাব দেবে যা থেকে আমার জানার সাধাও হবে না কাব সঙ্গে তোমার অন্যায় প্রেম চলছে।

জীবন ক্ষুব্ধস্বরে বলে, আপনি যেন ধরেই নিয়েছেন আমি মস্ত একটা পাপ করেছি, এখনও তার জের টানছি।

আমাকে সেটা ধরে নিতেই হবে। নইলে চিকিৎসা শাস্ত্রটা মিথ্যা হয়ে যায়। আমার হিসাবে পাপ নয়, তোমার কাছে পাপ। এই বিকারটা তোমার মধ্যে আছে। তা না হলে এ রকম অসুখ তোমার হতেই পারে না। ওটার চিকিৎসাই আমাকে কবতে হবে।

জীবন হতাশ হয়ে বলে, আপনি কিছুতেই বিশ্বাস করবেন না, কী বলব বলুন। ছোটোখাটো পাপকর্ম করেছি বা করছি বলে তো আমার জানা নেই !

কুমুদ গম্ভীর গলায় বলে, তাহলে তার টেনে কাজ নেই। তোমার কাছে আমার যা পাওনা আছে সেটা আর তোমাকে দিতে হবে না।

তাকি হয় ডাক্তারবাবু ! অ্যাডিন চিকিৎসা করলেন, আপনার পাওনা টাকা আপনাকে দেব বইকী !

এ জীবনে আর অসুখটা সারবার আশা সে রাখে না।

কুমুদের মতো ডাক্তার যদি রোগ ধরতে না পেরে এমন আবোল-তাবোল কথা বলে, জীবনে বিশেষ কোনো অন্যায় কোনো দিন না করে থাকলেও গায়ের জোরে দাঁড় করায় যে কোনো গুরুতর

অন্যায় করার জন্যই তার এই রোগ, তাহলে আর সে কার কাছে যাবে, রোগ সারবার আশা করবে ?

শংকর ডাক্তার দেহটা সব রকমে পরীক্ষা করেও কোনো কারণ খুঁজে পায়নি। কুমুদ ডাক্তার তার মনকে পরীক্ষা করে বার করল এক কল্পিত কারণ। তার দেহ খুঁজে মন খুঁজে যদি সঠিক কারণটা না পাওয়া যায়, তবে আর আশা করা যায় কী করে ?

এটা তাহলে কোনো রোগ নয়। এ রকম যে তার হয় এটাই তার ধাত।

এই অস্থিরতা, কষ্টবোধ, অনিদ্রা অবুচি এ সমস্তের যে আক্রমণ হয় সেটা তার রক্তমাংসে জড়িয়ে আছে। চিকিৎসায় এর আর কোনো প্রতিকার নেই।

বড়ো একটা দাঁও মেরে মোটা টাকা লাভ করে ভূপেশ একটা ঝকঝকে নতুন গাড়ি কেনে। কিন্তু এমন সুন্দর দামি নতুন গাড়ি চালাবার আরাম, অন্য অনেক খ্যাড়খেড়ে গাড়ির ড্রাইভারদের ঈর্ষাতুর দৃষ্টি, দশ টাকা বেতন বৃদ্ধি, কিছুই যেন খুশি করে না জীবনকে। কলকাতার রাস্তায় নতুন গাড়ি চালাতে তার যেন আরও বেশি ভয় করে, অস্থস্থিবোধ হয়।

সন্ধ্যা উজ্জ্বলিত হয়ে গাড়ির এবং ভূপেশের রুটির প্রশংসা করে। এই গাড়ি চেপে আপিসে যাওয়া-আসার আনন্দে আরামে ও গর্বে যেন প্রকাশ্য পথেই নেতিয়ে পড়তে চায় ভূপেশের গায়ে।

বোধ হয় এই জন্যই অথবা পুরানো হয়ে যাওয়ায় তাকে আর ভালো লাগছিল না বলে অথবা অন্য একজনকে পছন্দ হয়েছে বলে, কাজের চাপ আর সময়ের অভাবের অজুহাতে ভূপেশ সন্ধ্যাকে বাড়ি থেকে তুলে নিয়ে আপিস যাওয়া আর তাকে বাড়ি পৌঁছে দেওয়া বন্ধ করে দেয়।

নলিনীকে আপিসে চাকরি না দিয়েই বিকালের দিকে বাড়ি থেকে তুলে নিয়ে সিনেমায় হোটেলেরে যায়।

সুপ্রিয়া আর তার ছেলেমেয়েদের সাজসজ্জার চাকচিক্য, সিনেমা দেখা, বন্ধুদের বাড়িতে এনে হইচই করা বেড়ে গেছে।

সকলেই ফুর্তিতে ডগমগ—অস্তত বাইরে থেকে দেখলে তাই মনে হয়। মুখ শুধু শুকনো আর ক্লিষ্ট জীবনের।

বাড়ির সবাই নতুন গাড়ি চেপে মজা করতে যেতে চায়।

বড়োছেলে মোহিত আর মেজোমেয়ে নলিনী দুজনেই সেদিন সকালে ভূপেশের কাছে প্রায় একসঙ্গে দরবার করতে যায় যে দুপুরবেলা দুঘণ্টার জন্য গাড়িটা চাই।

ভূপেশের বড়োমেয়ে মোহিনী বিধবা।

ভূপেশের কাছে প্রথমে গিয়েছিল নলিনী। টের পেয়েই মোহিত তাড়াতাড়ি গিয়ে হাজির হয়। বলে, আমার আজকে গাড়ি চাইই বাবা।

নলিনী হেসে বলে, আমি আগেই বাগিয়ে নিয়েছি।

দুজনে বেধে যায় প্রচণ্ড কলহ। যেন আঁচড়াআঁচড়ি কামড়াকামড়ি হয়ে যাবে !

ভূপেশ এক ধমকে তাদের ঠান্ডা করে দিয়ে বলে, আজ একজন কাল একজন নাও না ? গাড়ি কিনে ঝকঝকি হয়েছে। এমন কী জ্বরুরি কাজ তোমাদের যে আজ গাড়ি না হলেই চলবে না ! তুই তো বন্ধুদের নিয়ে বেড়াতে যাবি, মোহিত যখন বলেছে ওর জ্বরুরি কাজ আছে, আজ ওই গাড়ি নিক। তুই কাল বেরোস।

ভূপেশ ধমক দিয়ে কথা কইলে ছেলেমেয়েরা আর মুখ খুলতে সাহস পায় না। সেকালের রাজার হুকুমের মতোই তার কথা সকলে নীরবে মেনে নেয়।

তখন ধীরে ধীরে আসে মোহিনী। বিধবার সাদা বেশেও যে এমন চাকচিক্য আনা যায় তাকে না দেখলে ধারণা করা কঠিন।

সে স্নানমুখে বলে, বাবা, আমি আজ নতুন গাড়িটা নিয়ে একটু বেরোব। আজ ওনার মৃত্যুদিন। ওঁর মা-ভাইবোনদের সঙ্গে দেখা করে আসব।

ভূপেশ বলে, ট্যান্ডিতে গেলে হয় না ?

না আমার গাড়িটা চাই।

তবে আর কথা কী।

ভূপেশ মোহিত আর নলিনীকে বলে, তোমরা কাল-পরশু গাড়ি পাবে। এ রকম সিরিয়াস ব্যাপারে আমি তো মোহিনীকে না বলতে পারি না।

মোহিনী উদাসীনার মতো বলে, আমায় একশোটা টাকা দিয়ে বাবা।

বাপের একশো টাকা নিয়ে বাপের নতুন গাড়িতে চড়ে মোহিনী বার হয়।

এ রাস্তাটা চওড়া এবং এটার নাম রোড, দেশের একজন নমস্য ব্যক্তির নামে। কিন্তু একটা দিক বন্ধ এ রাস্তাটার।

বড়ো রাস্তার মোড়ে পৌঁছবার আগেই জীবন জিজ্ঞাসা করে গাড়ি কোন দিকে যাবে।

মোহিনী মুগ্ধ হেসে বলে, যেদিকে তোমার খুশি।

জীবন বলে, কোথায় যাবেন না বললে—

মোহিনী বলে, বললাম তো, তুমি যেখানে নিয়ে যাবে আমি সেইখানেই যাব। সোজা কথা বুঝতে শেখো। এখানে গাড়ি থামিয়ে রেখো না, পাড়ার লোক দেখছে।

পিছনের সিট থেকে সামনে ঝুঁকে একশো টাকার নোট সে জীবনের বুক পকেটে গুঁজে দেয়।

নিশ্চিত মনে সিটে বসে বলে, রাত দশটা হোক এগারোটা হোক, গাড়ি নিয়ে ফেরবার জন্য ভেবো না। আমি সামলে দেব, তোমার কোনো দোষ হবে না। বলব যে একটু সভা-টভা হয়েছিল, স্মৃতিপূজা হয়েছিল তাই ফিরতে পারিনি।

বুকপকেট থেকে নোটগুলি বার করে জীবন মোহিনীর কোলে ছুঁতে দেয়। বলে, আমার মাথা ঘুরছে, গা গুলোচ্ছে, চোখে ভালো দেখতে পাচ্ছি না। চালাতে পারব না। আজ গাড়ি চালাতে গেলেই অ্যাকসিডেন্ট হয়ে যাবে।

গাড়ি ঘুরিয়ে আনার জন্য বড়ো রাস্তায় তাকে যেতে হয়। বড়ো রাস্তায় গাড়ির মুখ ঘুরিয়ে সে মোহিনীকে নামিয়ে দিয়ে গ্যারেজে গাড়ি ঢুকিয়ে দিয়ে বিছানায় শুয়ে পড়ে !

গায়ের জ্বালায় বানিয়ে বানিয়ে মোহিনী কী বলে সেই জানে, খানিক পরেই ভূপেশ জীবনকে ডেকে পাঠায়। জীবন গিয়ে দ্যাখে রেগে একেবারে আগুন হয়ে আছে ভূপেশ।

সে গিয়ে দাঁড়াতেই যা-তা গালাগালি করে পায়ের চটি খুলে হাতে নেয়।

কিন্তু জীবনের মুখ আর হাত থেমেও যায় আচমকা। সে বোধ হয় কল্পন'ও করেনি যে নিরীহ শাস্ত প্রকৃতির জীবন এমনভাবে বুখে উঠতে পারে।

মাথা উঁচু করে জীবন বলে, আমারও মুখ আছে, পায়ে জ্বুতো আছে, সেটা ভুলবেন না।

কী স্পর্ধা মানুষটার !

কিন্তু আর গালাগালি দিতে সাহস হয় না ভূপেশের। তার বড়োছেলে বলে, তোমায় আমরা পুলিশে দেব।

জীবন বলে, তা দিতে পারেন। একটা কিছু মিথ্যা দাঁড় করালেই হল। সেটা আপনাদের জানা আছে।

ভূপেশ বলে, তুমি এই দণ্ডে বেরিয়ে যাও।

আমার মাইনে চুকিয়ে দিন।

মাইনে পাবে না।

জীবন ধীরে ধীরে বলে, দেখুন, একটা কথা ভুলবেন না। গাড়ির ড্রাইভার অনেক ভিতরের কথা জেনে যায়। আমি অনেক ব্যাপার জানি, ফাঁস করে দিলে বেশ মুশকিলে পড়বেন।

মাইনে নিয়ে ছোট্ট স্টকেশ আর বিছানার বাডিল হাতে জীবন রাস্তায় বেরিয়ে যায়।

কোথায় যাবে ঠিক নেই, আরেকটা চাকরি জুটিয়ে নিতে কতকাল লাগবে জানা নেই, কিন্তু রাস্তায় নেমে দাঁড়িয়ে জীবন মনেপ্রাণে একটা অজুত রকম স্বস্তি অনুভব করে।

ভিতরে একটা বিস্তীর্ণ কষ্টকণ্ঠ চাপ যেন হঠাৎ কমে গেছে, একেবারে হালকা হয়ে গেছে দেহমন !

এত স্পষ্ট হয় অস্বস্তি কেটে গিয়ে স্বস্তিবোধ করাটা, একটা দুঃসহ বন্ধন থেকে মুক্তিলাভের আনন্দ, যে জীবন সত্যিই আশ্চর্য হয়ে যায়।

একটা সস্তা হোট্টেলে গিয়ে ওঠে। তক্তপোশে বিছানাটা পেতে ঠিকঠাক করে নিতে নিতে ওই আরামটাই যেন গাঢ় ঘুম হয়ে তার চোখে ঘনিয়ে আসে।

বিছানায় শোয়ামাত্র গভীর ঘুমে সে অচেতন হয়ে যায়। সন্ধ্যাবেলা ঘুম ভাঙতে মনে হয় শুধু স্বস্তি নয়, একবেলা ঘুমিয়ে শরীর মন যেন আশ্চর্য রকম তাজা হয়ে উঠেছে।

পরদিন সে কুমুদেব কাছে যায়।

বলে, ডাক্তারবাবু, আপনি ঠিক বলেছিলেন। আপনাদের কী ভুল হতে পারে ! আমি সত্যি একটা মস্ত পাপ করছিলাম কিন্তু নিজেকে অন্য রকম বুঝিয়েছিলাম বলে ধবতে পাবিনি পাপ করছি।

কুমুদ বলে, এখন ধরতে পেরেছ ?

জীবন সায় দেয়।

পেরেছি বইকী। প্রায় চার বছর ধবে আমি একটা মহাপাপী বদলোকের কাছে চাকরি করছিলাম। প্রথমে তবু পদ ছিল, তারপর কঁত রকম অকাজ কুকাজ যে করেছে, কত লোকের ঘাড় যে ভেঙেছে ! বাড়ির ছেলেমেয়েগুলি পর্যন্ত ক্রমে ক্রমে বজ্জাত হয়ে দাঁড়িয়েছে। আমি সব জেনেও নিজেকে কী বোঝাতাম জানেন আমি ড্রাইভার, আমি খেটে পয়সা রোজগার করছি, ও লোকটা কী কবছে না করছে আমার তা দেখবার দরকার কী ! কাল একটা ব্যাপার ঘটায় আমাকে কাজ থেকে তাড়িয়ে দিয়েছে। কী উপকাবটাই যে করেছে তাড়িয়ে দিয়ে। এখন বুঝতে পারছি ওদের অত বজ্জাতি আমার সেইছিল না। গাড়িতে চেপে হাজার হাজার লোকের ঘাড় ভাঙার ব্যবস্থা করতে যাবে, গরিব নিরুপায় মেয়ের সর্বনাশ করতে যাবে—গাড়ি চালাব আমি কিন্তু ভাবব যে আমি তো কিছু করছি না—সে হয় না।

কুমুদ একটু হাসে।

জীবন বলে, আর চিকিৎসার দবকার হবে না। আমার রোগ আরাম হয়ে গেছে।

মীমাংসা

রাত নটার সময় গম্ভীর চিন্তিত মুখে পঙ্কজ বাড়ি ফেরে।

আজ আর কাগজের আপিসে বসে থাকতে ইচ্ছা হল না। এত আশা করে বেরিয়েছিল যে টাকার ব্যবস্থা বোধ হয় হয়ে যাবে, সম্ভব হবে সংকট কাটিয়ে উঠে কাগজটা চালু রাখা।

ভূদেবের মুখ দেখেই সে অনুমান করেছিল, আশা তার পূর্ণ হবে না। টাকার জন্য ভূদেবের যে চেষ্টা সফল হবে মনে হচ্ছিল, সেটা নিশ্চয় ভেঙে গেছে !

ভূদেব অবশ্য প্রথমেই বলেছিল, এ পাঁচ টাকা দিতে রাজি আছে। ভূদেবের মুখ আর বলার ভঙ্গি দেখে তবু পঙ্কজ আশা করতে ভরসা পায়নি।

ভূদেবের পরের কথায় জানা গেল যে তার আশঙ্কাই সত্য। ঈশ্বরলাল টাকা দিতে রাজি আছে, কিন্তু কেবল তাদের শর্তে নয় আবও একটা শর্ত সে চাপাতে চায়। কাগজের পলিসি সে খানিকটা নিয়ন্ত্রণ করবে।

এই শর্তে তার টাকা নেওয়া যায় কী করে। আজ তিন বছর যে নীতি অনুসরণ করে, তারা দুই বন্ধু প্রাণপণ চেষ্টায় কাগজটা চালিয়ে এসেছে, সেই নীতিই যদি বদল করতে হয়, তার চেয়ে কাগজ বন্ধ করে দেওয়াই ভালো।

তাব মুখ দেখে ছোটোবোন কল্যাণী একটু ভয়ে ভয়ে জিজ্ঞাসা করে, টাকার ব্যবস্থা হল না দাদা ?

না। দেশের স্বার্থের বদলে ওদের স্বার্থ দেখবার পলিসি নিলে টাকা দেবে।

জামাকাপড় ছেড়ে স্নান করে পঙ্কজ সবে বাথরুম থেকে বেরিয়েছে, কল্যাণী বলে, বিভাদি একটা চিঠি দিয়ে গাড়ি পাঠিয়েছে দাদা।

পঙ্কজ খাম খুলে চিঠি পড়ে। দুলাইন চিঠি—বিভার বড়ো বিপদ পঙ্কজ যেন এখন একবার যায়।

বিভাদি কী লিখেছে ?

পঙ্কজ চিঠিখানা তার হাতে দেয়। চিঠি পড়ে কল্যাণী বলে, নিশ্চয় গুরুতর কিছু ঘটেছে। নইলে এমনভাবে ডেকে পাঠায় ? খোঁড়া মেয়েটার কথা ভাবলে এমন কষ্ট হয় !

পঙ্কজ বাইরের ঘরে গিয়ে বিভার বাবা নগেনের ড্রাইভারকে জিজ্ঞাসা করে, কী হয়েছে ? বিপিন বলে, কিছু তো হয়নি। আমায় চিঠি দিয়ে আপনার কাছে আসতে বললেন। আমি কাগজের আপিস হয়ে আসছি। দিদিমণি আপনাকে নিয়ে যেতে বলেছেন।

পঙ্কজ বলে, আজ আমি যেতে পারছি না। দিদিমণিকে গিয়ে বোলো, কাল সময় করে যাব। কল্যাণী যেন সন্তুষ্ট হয়ে যায়।

একটা খোঁড়া মেয়ে এমন করে বিপদের কথা লিখে যেতে বলেছে, তুমি যাবে না দাদা ?

কাল গেলেও চলবে। তেমন জরুরি ব্যাপার হলে কী বিপদ, সেটা খুলে লিখত।

চিঠিতে লেখা যায় না, এমন হতে পারে তো ! মেয়েদের কত কী হয়।

পঙ্কজ বোনের মুখের ভাব দেখে একটু হেসে বলে, মেয়েরা আবার সামান্য কারণে পাগলও

হয়।

যেয়ে উঠে পঙ্কজ সিগারেট টানে, তাদের কাগজটা বাঁচিয়ে রাখার উপায়ের কথা ভাবে। ভূদেবও টাকা দিয়েছে, খেটেছে কাগজটার পেছনে, কিন্তু তার মতো প্রাণপাত করেনি। কাগজটা তুলে দেবার কথা ভাবলে জীবনটা যেন শূন্য হয়ে যাবে মনে হয়।

কত মানুষের কত টাকা অকেজো হয়ে পড়ে আছে কিন্তু তার কাগজটা চালু রাখার জন্য কিছু টাকা লাগাতে সবাই নারাজ। বিভার বাবা নগেনেরও কত টাকা, খোঁড়া কুৎসিত একটা মেয়ে ছাড়া তার কেউ নেই, কিন্তু কাগজটার জন্য টাকা ধার চাইলে বা কাগজের অংশ কিনে নিতে বললে সে ঘাড় নাড়বে।

ঘুম আসবে না, তবু শূয়ে পড়ার কথা ভাবছে এমন সময় তাকে আশ্চর্য করে দিয়ে বিভা নিজেই এসে হাজির হয়। কষ্টে গাড়ি থেকে নেমে লাঠি ধরে খুঁড়িয়ে খুঁড়িয়ে ভেতরে আসে।

আপনি তো গেলেন না, আমি নিজেই এলাম !

বয়স হবে তেইশ-চব্বিশ, দুটি পায়ের পাতাই তার দুমড়ানো। মুখখানা লাভণ্যে কমনীয় মনে হতে পারত, কিন্তু অতিরিক্ত কালো রোমের জন্য সব লাভণ্য মাটি হয়ে গেছে।

পঙ্কজ বলে, এতই জবুরি ব্যাপার ?

বিপদে পড়েছি, জবুরি নয় ?

কল্যাণী জিজ্ঞাসা করে, কী হয়েছে বিভাদি ?

বিভা বলে, তুই পরে শুনিস ভাই। পঙ্কজদার সঙ্গে আমি একটু পরামর্শ করে নিই।

কল্যাণী ভিতরে চলে গেলে বিভা কোনো রকম ভূমিকা না করেই সোজাসুজি তার বিপদেব কথা পাড়ে। বলে, বাবা আবার আমার বিয়ের ব্যবস্থা করছে। বাবার আপিসেই কাজ করে, আপনি বোধ হয় চেনেন—নাম হল রমেশ সরকার।

পঙ্কজ বলে, চিনি। ছেলেটির স্বভাব ভালো।

বিভা ফুঁসে ওঠে, ছাই ভালো। টাকার লোভে বড়োলোকের খোঁড়া কুৎসিত মেয়েকে বিয়ে করতে রাজি হয়েছে, সে আবার ভালো ! এদের চেয়ে হীন অমানুষ আর হয় ?

রাগ সামলে বিভা কাঁদো কাঁদো হয়ে বলে, আপনি আমায় বাঁচান পঙ্কজদা। কার্লকেই বোধ হয় আশীর্বাদ করতে আসবে।

নগেনবাবুকে জোর করে বলে না তোমার অনিচ্ছার কথা ?

বিভা একটু হতাশার হাসি হাসে।

বলতে বাকি বেখেছি নাকি ? রেগে কেঁদে কতরকমভাবে কতবার বলেছি। বাবা আমার সব কথা শোনে, বিয়ের ব্যাপারে শনুবে না। আপনিই তো বলেন ছেলেটার স্বভাব ভালো, স্বাস্থ্য ভালো, দেখতে শুনতে ভালো—এ সুযোগ বাবা কিছুতেই ছাড়বে না।

একটু খেমে বিভা মুখ বাঁকিয়ে বলে, বাবার কী হয়েছে আমি জানি। বাবার মনে ভয়ানক আতঙ্ক—বয়স হয়েছে, আমি পাছে কিছু করে বসি। বিয়ে হলে আমার স্বাদ-আহ্লাদ মিটবে, আবার কিছু যদি করেও বসি আসবে যাবে না।

বিভা তীব্র জ্বালাভরা হাসি হাসে।

ভালো ছেলে কিনে আনবে তবু আমি বিয়ে করতে চাই না, এতে আরও বেশি ভয় হয়েছে বাবার। নিশ্চয় কিছু গোলমাল আছে ভেতরে। আমায় যে বিয়ে করবে সে টাকার জন্যই করবে, এ রকম লোকের কথা ভাবলেও যে আমার ঘেন্না হয়, গা ঘিনঘিন করে, বাবা এটা বুঝবে না।

পঙ্কজ বলে, কী করে বুঝবেন ? উনি তো জানেন টাকার জন্যই মানুষ সব করে। তুমিও বুঝতে না, কেনা বর পেয়ে খুশিই হতে, কলেজে পড়ে পাঁচজনের সঙ্গে মিলেমিশে তোমার মাথাটা বিগড়ে গেছে।

শুধু সে জন্য নয়। আপনার কাছে পড়ার জন্যেও। আপনার কাছেই শিখেছি, খোঁড়া হলে কুৎসিত হলেই কারও জীবন ব্যর্থ হয় না, জীবনটা সার্থক করার, সুখী হবার অনেক উপায় আছে।

পঙ্কজ খানিকক্ষণ তার মুখের দিকে চেয়ে থেকে বলে, শিখেছ অনেক কিছু, শুধু মনের জোরটা শিখতে পারোনি। পারলে এ রকম পাগলের মতো ছুটে আসতে হত না।

বিভা নীরবে চেয়ে থাকে।

পঙ্কজ বলে, এই বয়সে তোমার মতো মেয়ের বিয়ে জোর করে কোনো বাবা দিতে পারে ? এ দিকে বিয়েটাকে বলছ ভয়ানক বিপদ, বিয়ে হলে তোমার সর্বনাশ হয়ে যাবে—অথচ সেটা ঠেকাবার জন্য একটু কাঁদাকাটার বেশি কিছু করতে পারো না। বিপদ কঠিন হলে কঠিন ব্যবস্থা করতে হবে না ?

বিভা চেয়েই থাকে।

পঙ্কজ সিগারেট ধরায়। বিভা লক্ষ করছিল আজ সে ঘনঘন সিগারেট ধরছে।

বাবাকে জানিয়ে দাও, বুঝিয়ে দাও যে বিয়ে তুমি কিছুতেই করবে না, মরে গেলেও নয়। সে জন্য যা করা দরকার করতে প্রস্তুত হও।

কী করব ?

পঙ্কজ এবার হাসে।

এখনও জিজ্ঞেস করছ কী করবে ? কত কী করার আছে। কিছুদিনের জন্য বাড়ি ছেড়ে চলে যাবে, আত্মীয় বা বন্ধুর বাড়ি কিংবা হোটেলে গিয়ে থাকবে। নগেনবাবু যতক্ষণ না কথা দেবেন যে, তোমার বিয়ের চেষ্টা কববেন না, বাড়ি ফিরতে রাজি হবে না।

ও !

তুমি সত্যি বিয়ে করবে না, এটা টের পেলে কি আর নগেনবাবু চেষ্টা কববেন ? কিন্তু তোমাকেই শক্ত হয়ে সেটা বুঝিয়ে দিতে হবে তো ওঁকে ?

বিভা বলে, বুঝেছি। ভাগে আপনার কাছে এসেছিলাম।

ভিতরে গিয়ে বিভা মেয়েদের সঙ্গে কথা বলে। পঙ্কজের মা-র প্রশ্নের জবাবে জানায় সে খেয়ে এসেছে।

কল্যাণীর কাছে পঙ্কজের কাগজের সমস্যার কথা শুনে আপশোশ করে বলে, ইস ! বাবা যদি একটু কম কৃপণ হত ! কাগজ-টাগজের ব্যাপার বোঝে না কিনা, এ দিকে টাকা লাগাতে তাই ভয় পায়। একটু আনমনা মনে হয় বিভাকে। মেয়েদের খাওয়া হয়ে যাবার পনেও সে উঠবার নাম করে না।

খুঁড়িয়ে খুঁড়িয়ে বাথরুম থেকে ঘুরে এসে কল্যাণী বলে, তুই কোন বিছানায় ঘুমাস ভাই ?

কল্যাণী তার বিছানা দেখিয়ে দিলে, সে একেবারে শুয়ে পড়ে।

বলে, আমি আজ তোর কাছে ঘুমাবো। ড্রাইভারকে বলে আয় তো গাড়ি নিয়ে চলে যাক।

বলিস কালকেও গাড়ি নিয়ে আসবার দরকার নেই।

কল্যাণী খুশি হয়ে বলে, তুমি থাকবে আমাদের বাড়ি ? কী ভাগ্যি !

কার ভাগ্যি সে তুই বুঝি না !

ঘণ্টাখানেক পরে অবশ্য গাড়ি আবার ফিরে আসে, নগেনকে নিয়ে।

অন্য ঘরের আলো নিভে গিয়েছিল, আলো জ্বলছিল শুধু পঙ্কজের ঘরে। সে বাইরে গিয়ে দরজা খুলে নগেনকে ভিতরে আনতে আনতে অন্য ঘরের আলোও জ্বলে ওঠে।

নগেন রেগেছে টের পাওয়া যায়।

পঙ্কজকে সে বলে, কী বুদ্ধি মেয়েটার ! কাল সকালে আশীর্বাদ করতে আসবে, আজ রাতে ও এখানে থেকে গেল, আবার বলে দিয়েছে, কালকেও গাড়ি আনবার দরকার নেই।

পঙ্কজ বলে, বিভা কল্যাণীর সঙ্গে শূয়েছে। আপনি ও ঘরেই চলুন।

কল্যাণী আর বিভা দুজনেই উঠে বসেছিল।

নগেন ভূমিকা না করেই বলে, কাল সকালে আশীর্বাদ হবে, তুই এখানে থেকে গেলি কী রকম ?

বিভা বলে, কাল আশীর্বাদ বলেই থেকে গেলাম।

নগেন প্রাণপণে নিজেকে সংযত রেখে বলে, পাগলামি কোরো না। আমার সঙ্গে ফিরে চলো। তোমার মা ওদিকে উতলা হয়ে আছেন।

বিভা বলে, আমি যাব না। তুমি বুঝতে পারছ না। আমি ছেলেমানুষ নই, ছেলেমানুষি করেও তোমায় বারণ করিনি। বলছি আমার বিয়ে-টিয়ে হতে পারে না, আমি মরে গেলেও হতে দেব না, তুমি কিছুতেই শুনবে না আমার কথা। অগত্যা কী করি, বাড়িই ছাড়তে হল আমাকে।

নগেন বাক্যহারা হয়ে থাকে।

বিভা বলে, তুমি যদি রাগ করে আমায় ত্যাগ করো, করবে। আমি নিজের ব্যবস্থা করে নেব। আমি গায়ে বিষ্ঠা মাখতে পারব, কিন্তু তোমার কেনা মানুষকে বিয়ে করতে পারব না।

নগেন রাগে কাঁপতে কাঁপতে বলে, তোর মাথা খারাপ হয়ে গেছে।

বিভা বলে, হলে কী করব ? আমার মাথা নিয়েই চলতে হবে তো আমাকে।

রাগরাগি করে নরম হয়ে বুঝিয়ে অনেকক্ষণ মেয়ের সঙ্গে ধস্তাধস্তি করে নগেনকে অগত্যা ফিরেই যেতে হয়।

বিভার ঘুম আসে না। কল্যাণীরও নয়।

বিভা বলে, আমার নয় মাথা গরম হয়েছে বুক ধড়ফড় করছে, ঘুম আসছে না, তোর কী হল ? কল্যাণী কাতরভাবে বলে, মাঝরাতে দাদা ছাদে পায়চারি করছে। কী না করেছে দাদা কাগজটার জন্য। এমন একটা খাঁটি কাগজ, টাকার অভাবে তুলে দিতে হবে।

বিভা বলে, সত্যি। ভাবলেও কষ্ট হয়।

সকালে চা খাবার সময় পঙ্কজের মুখে রাত জাগার ছাপটা স্পষ্টই দেখা যায় কিন্তু দৃষ্টিস্তার ছাপটা যেন কম মনে হয়।

চা খাওয়া হলে পঙ্কজ বলে, কল্যাণী, তুই একটু ও ঘরে যা তো, বিভার সঙ্গে আমার একটু দরকারি কথা আছে।

কল্যাণী চলে গেলে পঙ্কজ বলে, আমিও এক বিপদে পড়েছি জানো তো ? কাগজটা নিয়ে ?

বিভা বলে, শুনলাম। ঠিক এই সময়টা বাবার সঙ্গে ঝগড়া হয়ে গেল, নইলে অন্তত চেষ্টা করে দেখতাম !

পঙ্কজ শান্তভাবে বলে, তুমি আমার কাগজটাকে বাঁচাতে পার।

বিভা আশ্চর্য হয়ে চেয়ে থাকে।

পঙ্কজ বলে, টাকার জন্যে তোমায় যদি বিয়ে করতে দাও।

বিভার মুখ হাঁ হয়ে যায়। সে কথা বলতে পারে না।

পঙ্কজ বলে তোমার জন্য ঠিক প্রেম হয়তো আমার নেই, কোনোদিন কোনো মেয়ের জন্য থাকবে বলেও মনে হয় না। তবে তোমাকে আমি স্নেহ করি। এই মমতা তুমি পাবে।

বিভা কাতরভাবে বলে, আপনি আমায় বিয়ে করবেন ?

দোষ কী ? তোমার বাবাও খুশি হবেন।

কিন্তু আপনার যে খোঁড়া কুচ্ছিত বউ হবে !

পঙ্কজ বলে, তা হোক না। কাগজটা বাঁচাতে পারলে খোঁড়া বউয়ে আমার আপত্তি নেই।

বিভা মাথা নত করে থাকে।

পঙ্কজ ধীরে ধীরে বলে, তবে একটা খুব গুরুতব কথা আছে। আমার ওপর তোমার যেমনা জন্মাবে কি না।

বিভা মাথা তুলে বলে, না। টাকার লোভ তো আপনার নয়, কাগজটার জন্য, আদর্শের জন্য।

আমার বরণ—

কথাটা তার গলায় আটকে যায়।

তোমার বরণ ?

আমার বরণ ভস্মিই বেড়ে যাবে।

বিভা একটু হাসে।

সুবালা

ভোরে অঘোরদের বাড়ি দুধ আনতে গিয়ে রোজই পঙ্কজ বউটিকে দেখতে পায়। অঘোরদের বাড়তি ফেলনা ছোটো চালাঘরটা কিছুদিন হল ভাড়া নিয়েছে—দুমাসের ভাড়া আগাম দিয়ে। কোলে একটি বছরখানেকের ছেলে। সঙ্গে থাকে কেবল বুড়ি দিদিমা।

বুড়িকে প্রথম দিন দেখে পঙ্কজ শিউরে উঠেছিল। খড়িতোলা কালচে লোল চামড়ায় ঢাকা একটা যেন কঙ্কাল, বয়সের ভারে সে জীবন্ত কঙ্কালটা আবার বাঁকা হয়ে গেছে। মাথায় ধোঁয়াটে রংয়ের জুট, ছানি-পড়া চোখ। এই বয়সে এই দেহের ভার বয়ে সে উদ্ভাস্ত হয়ে এসেছে নতুন আস্তানার খোঁজে! হয়তো এই যুবতি নাতনিটার জন্য অথবা যে ক-টা দিন বেঁচে থাকবে সেখানে তাকে দেখবার কেউ নেই বলে।

সুবালা সায় দিলে বলে, হ। আত্মীয়কুটুম যাগো ভরসায় ছিলাম, তারা পলাইয়া আইবো, আমরাও লগে আইলাম। করুম কী।

নদীর দেশের মেয়ে, সুবালার গায়ের মেটে রংটা যেন পলি-পড়া নদীর বৃকের ভিজা চরের মতো সরস আর মসৃণ। লাবণ্য যেন চোখ জুড়িয়ে দেয়। গরিবের মেয়ে গরিবের বউয়ের দেহে এ লাবণ্য কোথা থেকে আসে, কীসে সম্ভব হয়, পঙ্কজ তা জানে। সেও ওই নদীর দেশেরই মানুষ।

সারাবছর ভাত হয়তো জুটত না পেট ভরে। কিন্তু পাড় ঘেঁষা নদীর জলে খালে ডোবায় মেয়েরাও কুঁড়ো জালে ধরতে পারত কুচোমাছ, অনেক রকম জলচর জীবের ছানা আর কাউটা-কাছিমের ডিম। বিষহীন মোটা মোটা জলের সাপ একটা দুটো। পেঁয়াজ আর খানিকটা লংকাবাটা দিয়ে রাঁধলে মাছ মাংসের শোক ভোলা যেত। কলমি পলাশ কচু ইত্যাদি অনেক রকম শাকপাতা যত খুশি কুড়িয়ে আনলেই চলত। ঘরের চালায় ফলত লাউকুমড়া। বিনা পয়সায় কিংবা সামান্য দামে মিলত কয়েক রকম ফল।

দু-একমুঠো চাল জোগাড় হলেই চালিয়ে নেওয়া যেত পুরানো আদিম উপায়ে শরীর পোষণ।

একখানা পুরানো শাড়ি আলগা করে গায়ে জড়ানো থাকে। ছেলেকে মাই নিয়ে দাওয়ায় শুইয়ে ঘর বাঁট দেয়, গামছা পরে বাসন নিয়ে ঘাটে যায়, গা ধুয়ে বালতি আর মেটে কলসিতে জল আনে দু-তিন দফায়।

একটু কম মনে হয় তার লজ্জাবোধ।

দু-তিনজন মানুষ দুধ নিতে এসে দাঁড়িয়েছে, দুধ দুইতে দুইতে অঘোর তার দিকে তাকাচ্ছে, এটা যেন সে খেয়ালও করে না। খেয়াল করলেও বোধ হয় গ্রাহ্য করে না।

পঙ্কজ জানে, গ্রাম কেন, শহরতলিতেও যে সব এলাকায় মেয়েদের খোলা ডোবা পুকুরই একমাত্র অবলম্বন, শহরের মেয়েদের মতো স্নীলতা বজায় রেখে চলা তাদের পক্ষে সম্ভবও নয়, এটা নিয়মও নয়। অবস্থার সঙ্গে মানিয়েই তো চালচলন হবে মানুষের। কিন্তু এই বয়সে এতটা শিথিলতাও আবার নিয়ম নয়। ডুমুরের মতো দু-তিনটি ছেলেমেয়ে হলে, বয়স আর একটু বেশি হলে, আশেপাশে চালাঘরগুলির পুরানো বাসিন্দা ও উদ্ভাস্তদের সঙ্গে সুবালার চালচলনও চমৎকার মানিয়ে যেত।

ছেলে কোলে সুবালা দাওয়ায় বসলে তার পাকা গিমি পাকা মায়ের মতো বসার ভঙ্গি দেখে দেখে, মুখের উদাস নির্বিকারভাব দেখে, পঙ্কজের অবস্থি কেটে যায়।

অঘোরের দুধ দোয়া আর ডুমুরের পোয়া পোয়া দুধ মেপে দেওয়া দেখতে দেখতে সে হয়তো জগৎসংসার ভুলে গিয়ে ভাবছে, ছেলেটার জন্য এক ফোঁটা দুধ কিনতে পারলে ভালো হত।

দুধ দোয় অঘোর, দুধ মেপে দেয় তার বউ ডুমুর।

অঘোরকে সে একবোরেই বিশ্বাস করে না। এক টাকা সের সামনে দোয়া দুধ, শ্যামবাবুর সঙ্গে বন্দোবস্ত করে সে মাপার কায়দায় তাকে একপো দেড়পো করে দুধ বেশি দিয়ে দিত। মাসে দশ-বারো টাকার দুধ বেশি দিয়ে খুশি থাকত চার-পাঁচটা টাকা পেয়ে। যা পায় তাই তার লাভ !

কে জানে অন্য বাবুদের সঙ্গেও এ রকম বন্দোবস্ত ছিল কি না। টের পাবার পর ডুমুর আজকাল দুধ দোয়ার সময় ঠায় দাঁড়িয়ে থাকে, নিজে দুধ মাপে। যে মন্দ মানুষ বউয়ের ঘাড়ে খায় আর চোরাবাজারি একটা বজ্জাত লোকের ফুটফরমাস খেটে হাতখরচার পয়সা কামায়, এমনি নেমকহারামই সে বোধ হয় হয়।

ভদ্রলোকদেরও বলিহারি যাই, ডুমুর বলে ঝংকার দিয়ে, সোয়ামিকে দিয়ে ইস্তিরির ঘরে চুরি করতে পিবিপ্তিও হয়।

অঘোরের সামনেই সে বলে।

অঘোর কখনও মুখ বাঁকায়, কখনও মুচকে একটু হাসে।

তাড়াতাড়ি ঘবের কাজ আর রাঁধাবাড়া সেরে মুখে দুটি গুঁজে ছেলে কোলে কোথায় যেন চলে যায় সুবালা সারাদিনের মতো। বুড়ি দিদিমা একলাই ঘরে পড়ে থাকে।

পঙ্কজ আজ তাড়াতাড়ি বার হয়েছিল, পথে একটা কাজ সেরে আপিস যাবে।

সুবালাও ছেলে কোলে বাসের জন্য কাছে এসে দাঁড়ায়।

কই যাইবা ?

কামে যাবু। কাম না করলে খামু কী ?

সেই শাড়িখানাই তেমনি আলগা করে পরা, বোধ হয় আর কাপড় নেই। পথে বার হবার জন্য সিঁথিতে সে বেশি করে সিঁদুর দিয়েছে, কপালে স্পষ্ট করে বড়ো ফোঁটা ঐকেছে।

পঙ্কজ সহানুভূতির সঙ্গে সায় দিয়ে বলে, তা তো বটেই। তোমার সোয়ামি কই ?

সুবালা মুখ বাঁকিয়ে বলে, কে জানে উপায়ের ধাক্কাই কোন চুলায় গেছে।

খানিক চূপ করে থেকে বাস আসছে দেখে পঙ্কজ হঠাৎ প্রশ্ন করে তুমি কী কাম করো ?

সুবালা বলে, করি এটা-ওটা যা পাই।

টের পাওয়া যায়, কী কাজ করে স্পষ্ট জানাতে সে নাবাজ।

পুরো আপিস টাইমের মতো ভিড় না হলেও বাসে কিছু লোক দাঁড়িয়ে আছে। পঙ্কজকেও দাঁড়াতে হয়। সুবালা বসে লেডিজ সিটে।

বসে পঙ্কজকে চমৎকৃত করে দিয়ে বৃকের কাপড় সরিয়ে ছেলের মুখে মাই গুঁজে দেয়। গাড়ি বোঝাই পুরুষের মধ্যে নয়, সে যেন বসে আছে নির্জন সড়কের কোণে, এমনি সহজ নির্বিকারভাবে মুখ তুলে শান্তদৃষ্টিতে চেয়ে থাকে।

পঙ্কজ বুঝতে পারে এটা তার পুরুষদের তুচ্ছ করা, অবজ্ঞা করা নয়। এতগুলি পুরুষের দৃষ্টিপাত তার কাছে অতি সহজ স্বাভাবিক ব্যাপার, সূর্য যেমন বাসের জানালা দিয়ে তার গায়ে রোদ ফেলছে আলো ফেলছে, তেমনি সাধারণ ব্যাপার—এ জন্য বিব্রত বা বিচলিত হবার কোনো কারণ তার নেই।

বুক ফুলে ওঠে পঙ্কজের। এ তো গোঁয়ামি, অসভ্যতা বা অশ্লীলতা নয়, এ যে বিদ্রোহ ! তার দেশের এই কচিমাটি যেন ইংরেজি মার্কিনি নোংরামি ও অশ্লীলতা প্রচারের বিরুদ্ধে বাস্তব কার্যকরী প্রতিবাদ—বিদ্রোহের একটি জীবন্ত প্রতীক।

তোমরা সিনেমায় পার, রং-বেরং শখের পত্রিকায় পার, গোপন পুস্তিকা, গোপন ফটোতে পার—দাম নিতে পার, স্বার্থের খাতিরে পার।

আমি মা এই চিন্তায় নিজের যৌবন ভুলে গিয়ে সন্তান গায়ের রক্ত জল করা মধু পান করানোর প্রয়োজনে পার কি, এমন সহজ স্বাভাবিক জোরের সঙ্গে তেজের সঙ্গে ?

সুবালা কী কাজ করে সেদিনই যে নিজের চোখে দেখে জেনে যাবে পঙ্কজ কল্পনাও করেনি।

নিজের কাজে সে নেমে যায় আগেই। কাজ সেরে আবার বাসে উঠে যেতে যেতে বড়ো একটা চৌমাথার কাছে বাস দাঁড়ালে সে দেখতে পায় পাশের রাস্তায় চৌমাথার কিছু তফাতে ফুটপাতে বসে গামছা বিছিয়ে ছেলেকে সামনে ধরে সুবালা ভিক্ষা করছে।

পথেঘাটে দেখা হলে বাড়িতে এলে আশেপাশের মেয়েরাও জানতে চায় সারাদিন সুবালা কোথায় থাকে, কী করে। কীভাবে সে দিন চালাচ্ছে জানবার জন্য উদ্ভাস্তু অসহায় মেয়েদের দেখা যায় আরও বেশি কৌতূহল।

বুগুণ স্বামী আর তিনটি বাচ্চা নিয়ে বিব্রত ইছামতী প্রায় ধম্মা দেয় তার কাছে।

বলে, চাউল অইনা বেইচা পারি না আর টানতে। আনার খরচ, ঘুম—মাঝে মাঝে চাউল কাইড়াও লয়। আমারে কইয়া দে—তুই যা করস আমিও তাই করবুম।

সুবালা বলে, তুমি পারবা না দিদি, তাছাড়া আমার কামে লাভও বেশি নাই।

ইছামতী বাঁকা চোখে তাকায়।—পারবুম না ক্যান ? লাভ হইব না ক্যান ? বয়স নাই চেহারা নাই বইলা ?

সুবালা দুঃখের হাসি হাসে।—দ্যাখো না সারাডা দিন বাঁরে কাটাই ? সোয়ামিরে ফেইলা পোলাপালগো ফেইলা তুমি পারবা ? আমি ভিক্ষা করি, গতর খাটাই, যেমন সুবিধা। তুমি যা নিয়া আছ তাই নিয়া থাকো।

ডুমুরও কৌতূহল প্রকাশ করে। বলে, সত্যি, কোথায় যাও, কী কর সারাটা দিন ? আমায় বললে দোষ নেই। মেয়েছেলে বিপাকে পড়েছ, যেভাবে পার রোজগার করবে—বাছবিচার থাকলে চলবে কেন ? তুমি বদ কাজ করো জানলেও আমি তোমার নিন্দা করব না ভাই।

বলে, বেরোজগারে পুরুষগুলি পাজির একশেষ। নইলে এমনভাবে তোমার দায় এড়িয়ে পালায় !

সুবালা বলে, সে ক্যান পলাইবো ? পলাইয়া আইছি তো আমি ! কাম নাই উপায় নাই, মাথা গেছে খারাপ হইয়া—যত চোট আমার উপরে। তুমি তো দিদি সুখেই আছ, সোয়ামি কত খাতির কইরা মন জোগাইয়া চলে।

ডুমুর বলে, খেতে-পরতে দিচ্ছি, খাতির করবে না, মন জোগাবে না ?

সুবালা মাথা নাড়ে। আমিও খাওয়াইতাম ভিক্ষা কইরা। জ্বালা যান বেশি হইত, পুরুষ হইয়া আমার রোজগার খাইব ! আরও বেশি ঝাল ঝাড়ত আমার উপরে।

ডুমুর একটু আশ্চর্য হয়ে খানিকক্ষণ তার মুখের দিকে চেয়ে থাকে। বলে, অ ! মানুষটা তবে অভিমানী ? সেটা খারাপ নয়। অবস্থা পালটালে এ সব মানুষের মাথা আবার ঠিক হয়ে যায়।

মুখ বাঁকিয়ে বলে, পা-চাটা নরম চোর ছাঁচোরের চেয়ে তো ভালো !

তারপর একদিন যথারীতি সকালবেলা ছেলে নিয়ে বেরিয়ে গিয়ে সুবালা অসময়ে দুপুরবেলা ফিরে আসে। দেখা যায়, কোলে তার ছেলে নেই, মুখ থমথম করছে।

ডুমুর ভয়ে ভয়ে জিজ্ঞাসা করে, কী হল ? ছেলে কই ?

নিয়া গেছে।

নিয়া গেছে ? কে নিয়ে গেল ?

যার ছেলে সেই নিছে।

না, হরেন গায়ের জোরে ছিনিয়ে নিয়ে যায়নি। সুবালা কি তাহলে ছেড়ে কথা কইত ? এতদিন শহরের পথে পথে ঘুরছে সে কি আর জানে না মেয়েদের জোর কীসে ? চাঁচিয়ে লোক জড়ো করল ছেলে কেড়ে নিয়ে পালাবার সাধ্য আর হত না হরেনের। হয়তো থানা পুলিশ হত, সে তো পরের কথা।

বেলা প্রায় বারোটা নাগাদ হঠাৎ কোথা থেকে হরেন এসে হাজির। শান্তভাবে নরমভাবে কথা বলছিল, ছেলেকে কোলে নিয়ে আদর করছিল। তারপর বলছিল যে এই দুপুররোদে ছেলেটা ফুটপাতেই পড়ে রয়েছে, ওর গলা শুকিয়ে গেছে বোধ হয়। কাছের ওই খাবারের দোকান থেকে একটু দুধ খাইয়ে আনবে।

ডুমুর বলে, বোকা মেয়ে, সঙ্গে গেলে না ?

সুবালা বলে, গেলাম না ?

সুবালা বলে, গেলাম তো।

দুধ খাওয়ান বলেই ছেলেকে নিয়ে হরেন চলতে আরম্ভ করেছিল, কাপড়টা গুটিয়ে পয়সাগুলি আঁচলে বেঁধে নিতে একটু পিছিয়ে পড়েছিল সুবালা। তার কি ধারণা ছিল হরেনের কী মতলব।

কোন গলিতে ঢুকে কোন দিক দিয়ে কোথায় যে চলে গেল হরেন ! পাগলিনির মতো চারিদিকে ছুটাছুটি করে লোককে জিজ্ঞাসা করে কোনো আর হৃদিস পেল না সুবালা।

বুড়ি ক্ষীগন্ধরে জিজ্ঞাসা করে, পোলারে কই থুইয়া আইলি ?

কানের কাছে মুখ নিয়ে চাঁচিয়ে কথা না কইলে সে বুঝতে পারে না। সুবালা ছেলের খবর জানাতেই সে বিনিয়ে বিনিয়ে কাঁদতে শুরু করে।

সুবালা আবার তার কানের কাছে মুখ নিয়ে চাঁচিয়ে ধমক দিয়ে বলে, পোলা মরছে নাকি যে কাঁদ ? বাপের লগে পোলা গেছে, কাঁদনের কী ? অমঙ্গল ডাইকা আইনো না কইলাম !

দেখা যায়, সুবালা আজ কাঁধে ফেলে রাখার বদলে আঁচল গায়ে জড়িয়েছে। বোধ হয় শূন্য বুক ঢাকবার জন্য।

কয়েকটা দিন আশায় আশায় সুবালা বার হয়, সেইখানে গিয়ে ফুটপাতে কাপড় বিছিয়ে বসে থাকে—যদি মানুষটা ফিরিয়ে এনে দেয় ছেলেকে।

এখনও মাই খায় ছেলে। আজ পর্যন্ত একদিন মাকে ছেড়ে থাকেনি। মা-র জন্য নিশ্চয় সে কঁকিয়ে কঁকিয়ে কাঁদবে ! এতটুকু শিশুর কান্না, নিজের ছেলের কান্না কি সহ্য হবে হরেনের ?

সহ্য হবে কি অতটুকু বাচ্চাকে সারাদিন সামলে চলার ঝঞ্জাট ?

ডুমুর বলে, পাগল হয়েছ ? তাই কখনও পারে ? বড়োজোর এক দিন কি দুদিন। বাপ বাপ বলে তোমার কাছে ফিরিয়ে এনে দেবে।

সারাদিন রাস্তায় অসংখ্য মানুষ চলাচল করে হরেনের জন্য চোখ-কান পেতে রাখে সুবালা। দু-একপয়সা ভিক্ষে তাকে কে দিচ্ছে না দিচ্ছে, গায়ে পড়ে ভাব করতে চেয়ে কে কী বলছে না বলছে, কোনো দিকেই তার মন যায় না।

দিন দশেক পরে হতাশ হয়ে সে বেরোনো বন্ধ করে।

বলে, তবে আর ক্যান ভিক্ষা করুম ? এবার থনে গতির খাটাই।

পঙ্কজের স্ত্রীর ছেলেপিলে হবে। আর দু-একমাস পরে সে একটি রাঁধুনি রাখার কথা ভাবছিল। সুবালা কাজ খুঁজছে শুনে সে তাকে অবিলম্বে বহাল করতে চায়।

সুবালা বলে, আপনারা বেরাশ্তন, নীচ জাতের রান্না খাইবেন ?

পঙ্কজ বলে, রাখো তোমার জাত। কত সুখে আছি, তার আবার জাতবিচার !

সুবালা দুবেলা পঙ্কজের বাড়ি বেঁধে দিয়ে আসে, নিজে ওখানেই খায়। বুড়ি দিদিমার বয়সের কঠিন রোগ, বয়স ঠেকিয়ে ওর বেঁচে থাকার পথ্য তৈরি করে দেওয়ার কোনো হাঙ্গামাই নেই। জল ছাড়া প্রায় কিছুই সহ্য হয় না বুড়ির।

সুবালা ডুমুরকে বলে, আমি ঠিক শোধ নিমু। অন্যেরে দিয়া এই প্যাটে পোলা জমাইয়া কোলে করুম।

ডুমুর বলে, একশোবার—করিস না কেন ? কারও সঙ্গে থাক না—সতীশ, নকুল আরও ক-টা মানুষ তো ওত পেতে বসে আছে। একজনের সঙ্গে ভিড়ে যা, খেটে খেতে হবে না তোকে।

সুবালা বলে, থাকুম—বুড়িটা মরুক ? আরও কাহিল হইয়া পড়ছে, এই জলহাওয়া সয় না। আর কমদিন ? বুড়ি চোখ বুজলেই পুরুষ নিয়া থাকুম।

তারপর আবার একদিন আচমকা হরেন এসে হাজির হয় ডুমুরের বাড়িতে। ছেলেকে উঠানে নামিয়ে দিয়ে বলে, সুবালা নাই ?

না।

গেছে কই ?

তার গায়ের নতুন শার্ট, পরনের ফরসা ধুতি দেখে ডুমুর হেসে ফেলে। অজানা অচেনা মানুষটা সম্পর্কে তার ভবিষ্যৎবাণী মিথ্যা হয়নি। অবস্থা একটু বদলাতেই, কোনো রকমে দুটো পয়সা উপায়ের ব্যবস্থা হতেই, মনমেজাজ বদলে গেছে মানুষটার। বউয়ের আশ্তানা খুঁজে বার করে, নিজেই হাজির হয়েছে ছেলেকে কোলে নিয়ে !

তার হাসি দেখে ভড়কে গিয়ে হরেন শুধায়, সুবালা থাকে না এখানে ?

ডুমুর বলে, না। সুবালা ওদিকে সতীশ দাসের ঘরে থাকে।

হরেন মাথায় হাত দিয়ে বসে পড়ে।

ছেলেটাকে কোলে তুলে নিয়ে ডুমুর জিজ্ঞাসা করে, আপনি কে হন সুবালার ?

হরেন জবাব দেয় না।

তখন ডুমুর বলে, আপনাকে চিনেছি, তাই একটু তামাশা করলাম। সুবালা আছে।

দাওয়ায় পিড়ি পেতে দিয়ে বলে, বসুন, সুবালাকে ডেকে আনছি। সুবালা এক ভদ্রলোকের বাড়ি রান্না করে।

বাচ্চাটাকে কোলে নিয়েই ডুমুর সুবালাকে ডাকতে যায়।

একলা ফিরে এসে বলে, সুবালা আসছে।

বেলা তখন প্রায় ন-টা। সুবালা আসে না কিন্তু ঘরে যেন বোনের জামাই এসেছে এমনভাবে হরেনকে ডুমুর সমাদর করে—অঘোরকে দিয়ে খাবার আনিয় চা আনিয় খাওয়ায়।

বলে, আপনাকে ঠেকানো উচিত কিন্তু কী করি। মায়া পড়ে গেছে মেয়েটার ওপরে।

দুঘণ্টা পরে পঙ্কজের বাড়ি রান্না খাওয়ার পাট সাঙ্গ করে সুবালা ফিরে আসে।

অঘোর বেরিয়ে গিয়েছিল। ডুমুর বলে, আমিও একটু পাড়া বেড়িয়ে আসি ! তোমাদের বোঝাপড়া হোক।

শেমিজের ওপর ডুমুর কোরা শাড়ি পড়েছে। সিঁথিতে বা কপালে তার সিঁদুর নেই।

ছেলেকে কোলে নিয়ে সে চুপচাপ সামনে বসে থাকে।

হরেন কাঁতরভাবে বলে, ওকে একটু মাই দাও।

ধীরে ধীরে শেমিজের বোতাম খুলে সুবালা ছেলের মুখে মাই তুলে দেয়। মাই টানবার চেষ্টা করতে করতে মুখ ঝাঁকিয়ে বাচ্চাটা একবার কেঁদে ওঠে, তারপর আবার মাই খাবার চেষ্টা করতে গিয়ে কচি দাঁতে প্রাণপণে কামড় বসিয়ে দেয়।

সুবালা বলে, উঃ !

আবার সে ধীরে ধীরে শেমিজের বোতাম এঁটে দেয়।

তার স্তনের দুধ শুকিয়ে গেছে।

হবেন নিজে থেকেই তাব কৈফিয়ৎ দেয়, বলে, পোলাবে নিয়া তুমি ভিখ মাগবা আমি সহিতে পারি নাই।

সুবালা ধীরে ধীরে বলে, ভিখ না মাগলে পোলারে বা আমারে বাঁচা দেখতা না।

হরেন বলে, তা বুঝি না ? তবু গাও য্যান জুইলা যাইত। কিন্তু পোলারে নিয়া গিয়া কী ফ্যাসাদে পড়লাম কী কমু তোমাবে। রাঙামাসি মাই দিল কয়দিন—

অ ! বাঙামাসি মাই দিছে !

কয়দিন মাই দিয়া কয় কী, আমি পাবুম না। আমার মাইয়ারে মাইরা তোমারে পোলারে দুধ দিতে পাবুম না। অমানে, নাহ ভাত খাওয়া পেট ভইরা তবে পাবুম। আমি মানুষ না ছালি, খইয়া দুইটারে মাই দিমু ? তারপর সেইখানে তোমারে খুঁজতে গেছিলাম।

গেছিলো ?

হ। দিন পনের বাদে রাঙামাসি যখন বিগড়াইয়া গেল। তোমারে পাই না। কী বিপদ। মরিয়া হইয়া কিছু পয়সা বোজগারের ব্যবস্থা কবলাম।

তার শাট আর ধুতির দিকে চেয়ে সুবালা জিজ্ঞাসা করে, কী ব্যবস্থা করলা ?

হরেন বলে, কইলকাতায় কত উপায় পয়সা বোজগারের। আমরা কান যে বোকার মতো ভিক্ষা করছি আর খয়রাত চাইছি।

ওইটুকু চালাব মধ্যেই দীর্ঘকাল পাবে ছেলেকে পাশে নিয়ে তারা পশপাশি শোয়। বুড়ির ঘরের কোণে পড়ে থাকা না থাকা সমান কথা, চোখেও দ্যাখে না, কানেও শোনে না।

মাঝরাতে পুলিশ হানা দিয়ে হরেনকে ধরে নিয়ে যায়। শহরে অল্প সম্পদ থাক, অন্যের টাকা ছিনিয়ে নিয়ে নতুন শাট আর ফবসা ধুতি পরতে চাইলে চলবে কেন !

অনেক খোজাখুঁজি এবং হরেনকে মারপিট কবেও টাকাগুলি কিন্তু পুলিশ পায় না।

পুলিশ হাওকড়া দিয়ে তাকে নিয়ে যায়। যাবার সময় মুখ ফিরিয়ে হরেন বলে, ভিখ মাইগো না। আমাগো অপরাধ নাই, ভিখ মাইগা অপরাধী মাইজো না। তার চেয়ে মবণ ভালো।

অসহযোগী

রমেনের বাবা হর্ষনাথ ধনেশগঞ্জের মস্ত আড়তদার।

বছরখানেক আগে রমেনকে সে তার পিসতুতো ভগিনীপতি সূর্যপদর কাছে পাঠিয়ে দিয়েছিল—ছেলেটাকে একটু শান্তশিষ্ট ভদ্র বানাবাব আশায়। রমেন একেবারে মারাত্মক বকম দুবস্ত হয়ে উঠেছিল, কিছুতেই সে তার সঙ্গে এঁটে উঠতে পারছিল না। দু-তিনবার কোর্টে পর্যন্ত তাকে দৌড়তে হয়েছিল ছেলের জন্য। শেষে রমেন যখন একদিন ম্যাজিস্ট্রেট মি. বসুব ছেলেকে মেরে রক্তারক্তি করে দিল, তখন সে পরিষ্কার বুঝতে পারল যে এ ছেলেকে সামলে চলা তার সামর্থ্য নয়। এ ছেলে তার সর্বনাশ করবে। যুদ্ধের বাজারে কতভাবে কত কামাচ্ছে, ম্যাজিস্ট্রেট সাহেবকে চটালে রক্ষা আছে !

দামি দামি ভেট নিয়ে তিনি সটান গিয়ে হাজিরা হল একেবারে ম্যাজিস্ট্রেট সাহেবের বাড়িতে, মার-খাওয়া ছেলেটির জন্যই উপহার রইল দুশো টাকা। লুটিয়ে পড়ল মিসেস বসুব পায়েব তলে, প্রার্থনা করল রমেনের নিস্তার। ছেলের সম্বন্ধে কী ব্যবস্থা করবে আগেই ভেবে ঠিক করে ফেলেছিল। তাই বিনা দ্বিধায় জানিয়ে দিল যে, ভয় পেয়ে রমেন কোথায় পালিয়ে গেছে, ফিরে এলে খুটিতে বেঁধে তাকে চাবকে লাল কবে দেবে।

সেই দিনই রমেনকে নিয়ে সে কলকাতা রওনা হয়ে গেল, ছেলেকে সূর্যপদর জিম্মা কবে দেবাব জন্য।

রমেনের মা একটু আপত্তি করেছিল !

উনি স্বদেশি-টদেশি করেন শূনেছি, খোকাকে আবাব না বিগড়ে দেন।

হর্ষনাথ বলেছিল, স্বদেশি না ছাই ! জেলে যেত না স্বদেশি করলে ? ও সব টাকা উপায়ের ফিকির। ছেলেদের নিয়ে দলটল সমিতি-টর্মিতি করে চাঁদা তুলবার জন্য। মাস্টারবতে কি কারও পেট চলে ?

শহরতলিতে সূর্যপদর বাড়ি। এক রাত্রের বেশি হর্ষনাথ থাকতে পারেনি। তার কত কাজ ধনেশগঞ্জে। সূর্যপদকে সব জানিয়ে অনুরোধ করেছিল, ছেলেটাকে তোমায় মানুষ করে দিতে হবে ভাই। শূধরে দিতে হবে।

সূর্যপদ হেসে বলেছিলেন, দেবে। ছেলেকে তোমার মানুষ করে দেব।

একটা শর্ত করেছিল সূর্যপদ যে এক বছরের মধ্যে রমেনকে ধনেশগঞ্জে নেওয়া চলবে না আর সোজাসুজি রমেনকে টাকা পাঠানো চলবে না। হর্ষনাথ রাজি হয়ে ফিরে গিয়েছিলেন।

রমেনের খবচের জন্য পঞ্চাশ টাকা দিতে চাইলে সূর্যপদ মোটে পঁচিশ টাকা নিয়েছিল।

বলেছিল, আমি গরিব মাস্টার, তোমার ছেলের খরচ চালাবার ক্ষমতা আমার নেই। কিন্তু পঁচিশ টাকার বেশি খরচ ওর লাগবে না।

পরের মাসে হর্ষনাথ পঞ্চাশ টাকা পাঠিয়েছিল। কয়েক দিন পরে পঁচিশ টাকা ফেরত আসায় খুশি হয়ে রমেনের মাকে বলেছিল, না, লোকটা সত্যি ভালো। ছেলেটাকে শূধবে দিতে পারবে বলে মনে হয়।

এক বছর পরে পুজোর ছুটিতে রমেন বাড়ি এল।

তাৰ পৰিবৰ্তন দেখে প্ৰথম ক দিন হৰ্ষনাথ পবন খুশি। যেমন চেহাবাৰ কণথ ব্যবহাবেও তেমনি সে শান্তিশিষ্ট ভদ্ৰ হয়ে এসেছে। উশবোখশকো ঝাঁকডা চুল ছোটো ছোটো ছাঁটা কিন্তু তাও আঁচডানো, জামাকাপড সস্তা দামেৰ কিন্তু দিব্য পৰিষ্কাৰ পৰিচ্ছন্ন—মুখখানা হাসিখুশি, কথা মিষ্টি, চালচলন নস্ত। গুণ্ডাৰ মতো চেহাবা নিয়ে সাৰাদিন সে টোটো বনে ঘূৰে বেডাত, খেলা আৰ মাৰামাৰি নিয়ে মোত থাকত এমনি সে চঞ্চল ছিল এক বছৰ আগে, অকাজেৰ পৰ অকাজ না কবলে তাৰ স্বাস্থ্য ছিল না। একটা কথা কোনোদিন সে কবও শুনত না। সে চাপলা, শয়তানি আৰ অবাধ্যতা কোথায় উড়ে গেছে।

সাৰাদিন বাইবে ঘূৰে বেডায়, এই যা একটু দোষ। কিন্তু কোনো অপকৰ্মেৰ খবৰ না পেয়ে এবং বাঁড় ফিবলে ছেলের দেখে বা কাপড জামায় দুবগুপনাৰ চিহ্ন না দেখে হৰ্ষনাথ নিশ্চিত হয়। ভাবে এতদিন পৰে দেশে এসেছে, পুনানো বন্ধুদেৰ সঙ্গে হয়তো আড্ডা দিচ্ছে সাধ মিটিয়ে। ওতে আৰ কী আসে যায় ?

দিন সাতেক পৰেই কিন্তু মনে তাৰ খটকা লাগে।

আডত থেকে ভাত খেতে বাঁড় যিবে দ্যাখে কী, শ তিনেক দুৰ্ভিক্ষেৰ কাঙালি মেয়েপুবুৰ ছেলবুডো বাঁড়ব পাশে ফাঁকা বটগাছতলায় পাত পেতে ভাত খাচ্ছে। পৰিবেশন কবছে বমেন আৰ তাবই বয়সি পঁচিশ ত্ৰিশটি ছেলে।

দেখে মুখ হাঁ হয়ে যায় হৰ্ষনাথেৰ।

বাঁড়ি কী গিয়ে ধপাস কৰে বসে পড়ে ছেলেকে সে ডেকে পাঠায়।

এ সব কী হচ্ছে ?

বমেন তখন উৎসাহে ফুটছে। ওদেৰ খাওয়ার্ছ বাবা। কত হিসেব কৰে খাওয়াতে হচ্ছে জানো। কাঁদন ধৰে খায় না, বেশি খেলেই মববে। তা কী বেয়ে বাটাৰা ? সবাই চৈচাচ্ছে—আবও দাও, আবও দাও। সামলানা দায়।

চাল ডাল সব পেল কোথা ?

মা দিগেছে।

বমেনেৰ মা ভয়ে ভয়ে বললেন, আহা আবদাৰ ধবেছে, খাওয়াক না। সবাই আশীৰ্বাদ কবছে। ভালো হবে।

ভালো হওয়ার্ছ।

বাঁড়ব ভাড়াবটাই প্ৰায় ছোটোখাটো একটি গুদামঘৰ। আগে হৰ্ষনাথ বমেনেৰ মা ব কাছ থেকে ভাড়াবের চাৰি সংগ্ৰহ কবলেন। তাবপৰ বটতলাৰ খাওয়া শেষ হলে সকলকে হাকিয়ে দিলেন।

আধাৰ নেমে এল বমেনেৰ মুখে। সে বলল, আমি ওদেৰ সাত দিন বোজ খাওয়াৰ কথা বলেছি বাবা। তাবপৰ ওবা গায়ে ফিৰে যাবে।

চপ কব, বেয়াদপ কোথাকাৰ। সাত দিন ধৰে খাওয়াবে। আমাকে ফত্ব কবাব মতলব।

দিন যায়। প্ৰতিদিন চাৰিদিকে অসহায় ক্ষুধিতেৰ বামা হু হু কৰে বেডে যেতে থাকে। বমেন আৰ হাসে না। খেতে বসে ভাত ছড়িয়ে উঠে যায়। দুধ পড়ে থাকে দুধেৰ বাটিতে, সন্দেশ পিপডেয় খায়।

হৰ্ষনাথ বাগ কৰে বলে, কী জ্বালা বাপু। কেন হচ্ছে কী ?

সবাই না খেয়ে মবে যাবে, ভূমি কিছু কববে না বাবা ?

দিলাম যে কুড়ি মন চাল বিলিফে ?

কুড়ি মন। তোমাৰ আডতে হাজাৰ হাজাৰ মন চাল বয়েছে। সবাই ছিছি কবছে বাবা। সবাই আমায় ঘেমা কবছে তোমাৰ ছেলে বলে।

চুপ কর ! বেয়াদব কোথাকার !

দুদিন রমেনকে খুঁজে পাওয়া যায় না। রমেনের মা কেঁদেকেটে অস্থির হয়। মনে মনে যথেষ্ট শঙ্কিত হলেও হর্ষনাথ বাইরে মুখ গভীর করে থাকে। রাগে ভয়ে দুশ্চিন্তায় তাঁর মেজাজটা যায় বিগড়ে। ভাবে, রমেনে ফিরলে মেরে তাকে আস্ত রাখবে না। দুদিন পরে রমেনে ফিরলে তার চোখের চাউনি দেখে দুটো ধমক দিতেও কিন্তু তাঁর সাহস হয় না। কেমন এক খাপছাড়া অদ্ভুত দৃষ্টিতে রমেন আজকাল তাঁর দিকে তাকাতে আরম্ভ করেছিল, দেখে তাঁর কেমন ভয় ভয় করে।

কোথা গিয়েছিলি না বলে ?

অনাথবাবুর সঙ্গে সাতর্গায়ে।

অনাথবাবুর সঙ্গে ! তার পরম শত্রু অনাথবাবু। এই সেদিন যার জন্য প্রায় হাজার মন চাল গুদামে তোলার বদলে বাঁধা দামে বিক্রি করে দিতে হয়েছে তাকে !

রমেন আবেদন আর আশ্বাসের সুরে বলে, কী অবস্থা হয়েছে তুমি ভাবতে পারবে না বাবা। তুমি এক কাজ করো বাবা। যে দামে কিনেছিলে, এক টাকা লাভ রেখে চাল বেচে দাও। তোমার তো লোকসান হবে না, কত লোক বাঁচবে ভাবো দিকি !

লোকসান হবে না, না ? চল্লিশ টাকার জায়গায় চোদ্দো টাকায় বেচলে লোকসান হবে না, কী হিসেব তুই শিখেছিস ? কথটা হর্ষনাথ উড়িয়ে দেবার চেষ্টা করে।

তখন রমেন বলে, তাহলে তোমার সব চাল আমি বিলিয়ে দেব, বাবা। আগে থেকে বলে রাখলাম। তোমায় আমি মানুষ খুন কবতে দেব না।

ছোটো মুখে বড়ো কথা বলিসনি, খাবড়া খাবি।

বলে রাখলাম। দেখো।

ছেলেমানুষের হালকা কথা, কে তা মনে রাখে ? আড়তে তার কত লোকজন, গুদাম তালাবন্ধ, চাইলেই কী আর চাল বিলিয়ে দিতে পারবে রমেন—পঞ্চাশজন বন্ধু আর অনাথবাবুকে সঙ্গে নিয়ে এলেও নয়।

সে জন্য হর্ষনাথের ভাবনা হল না। ছেলের পাগলামি দেখে মনটা শুধু খারাপ হয়ে গেল। কী কুক্ষণেই ছেলেকে মানুষ হতে পাঠিয়েছিল সূর্যপদর কাছে ! এর চেয়ে ছেলেটা শয়তান গুণ্ডা থাকার ভালো ছিল—বয়স বাড়লে আপনি শূধরে যেত।

দিন কতক পরে হর্ষনাথ ব্যাবসার কাজে তিন দিনের জন্য বাইরে গেল। আড়তে বলে গেল, রমেন এসে গোলমাল করলে যেন ভালোভাবে শাসন করে দেওয়া হয় আর অনাথ এসে হাঙ্গামা করলে যেন সোজা পুলিশ ডেকে ধরিয়ে দেওয়া হয়। একবার থানাটাও ঘুরে গেল, অনাথ কীভাবে তার ছেলের মাথা বিগড়ে দেবার চেষ্টা করছে জানিয়ে দেবার জন্য।

পরদিন সকালে আড়তে ও আড়তের সামনে হইহই কাণ্ড শুরু হয়ে গেল। নিতাইচরণ আড়তের প্রধান কর্মচারী, বাবু নেই বলে আড়ত খুলতে লোক পাঠিয়ে দিজে একটু বেলা করে হেলতে দুলতে এসে দ্যাখে কী, প্রায় শ-পাঁচেক লোক জমা হয়েছে আড়তের সামনে। তাড়াতাড়ি ভেতরে ঢুকে নিতাইচরণের চক্ষুস্থির ! আড়তের যে কোণে হাজার টিন তেল ছিল পরশু পর্যন্ত, সেখানে মোঝেতে তেল আর ময়লার পুর পাকের ওপরেই আড়তের সবাই বসে আছে। তফাতে হর্ষনাথের দুললা বন্ধুক হাতে দাঁড়িয়ে রমেন। রমেনের সমবয়সি ছেলেতে আড়ত বোঝাই।

আসুন নিতাই কাকা। গুদামের চাবিটা দিন তো।

চাবি ? চাবি কোথা পাব ? চাবি তোমার বাবার কাছে।

তাহলে ওখানে গিয়ে বসুন। দরজা ভাঙতে হবে।

রমেনের এক বন্ধু তার হাত ধরে নিয়ে গিয়ে তেলের গাদায় ধপ করে বসিয়ে দেয়।

রমেন বলে, এই বন্দুক নিয়ে একজনের ঠ্যাং খোঁড়া করে দিয়েছিলাম মনে আছে তো ? কেউ কোনো ফর্দফিকির চালাকি করবার চেষ্টা করবেন না। সত্যি সত্যি গুলি করব কিন্তু।

সেইখানে দাঁড়িয়ে থেকে রমেন ওদের পাহারা দেয় সকাল থেকে সন্ধ্যা পর্যন্ত। দেড়শো ছেলে গুদাম থেকে চাল বার করে বিতরণ করে। কাছে ও দূরের অনেকগুলি গাঁ থেকে হাজার হাজার লোক আসে চালের জন্য। রমেন গাঁয়ে গাঁয়ে টাঁরা পিটিয়ে দিয়েছিল।

পুলিশ দু চারজন আসে কিন্তু ঢুকবার চেষ্টা করে না বরং ভিড় আর হাঙ্গামা নিয়ন্ত্রণে কিছু কিছু সাহায্যই করে। ভোরে রমেন নিজে গিয়ে থানায় খবর দিয়ে এসেছিল, তার বাবা আজ চাল বিতরণ করবেন ! এই মর্মে বড়ো বড়ো কয়েকটা ইস্তাহারও আড়তের বাহিরে টাঙিয়ে রেখেছিল।

সন্ধ্যার সময় চাল শেষ হল।

খবর পেয়ে পরদিনই হর্ষনাথ ফিরে এল। ছেলেকে সামনে বেখে গুম খেয়ে রইল। তার কান্না পাচ্ছিল !

আপদ

চাল নেই ? বাঃ, বেশ !

সকালবেলা কী শুভ সংবাদ ! স্বাধীনতা পাওয়ার বাসি পচা সংবাদটার মতো। জর্জর প্রাণে আরেক দফা জ্বর এনে দেয়।

রাত্রে নলিনী খবরটা চেপে গিয়েছিল। আপিস ফেরত কেরানি বেচারাকে তখন ও খবরটা আর জানিয়ে লাভ কী। কালোবাজারে ছাড়া চাল নেই। হলই বা সে সরকারি কেরানি, স্বাধীন দেশে স্বাধীন সরকারের বেতনভুক্ত। রাতারাতি চাল-বাড়ন্ত সমস্যার সমাধান করা ব সাধ্য তার নেই। নলিনীর মতে, সরকার স্বাধীন বলেই কেরানিদের দাসত্বের ডিগ্রি চড়েছে। তার যুক্তি আর ব্যাখ্যা একটু তির্যক ও রসালো হয়, কারণ সে কথাগুলি রসিকতা করেই বলে। এত চড়া তার ক্ষোভ যে বেশি তেতে লোহা জ্যোতির্ময় হওয়া ব মতো তা ব প্রশ্নের জ্বালা ব্যঞ্জ হয়ে বিচ্ছুরিত হয় !

আমি কী করব ? নলিনী আলগোছে বাঁকা হাসি হেসে বলে, তোমরা স্বাধীন হয়েছ, আমরা তো হইনি। আমরা ঘরের কোণে হাঁড়িই ঠেলেছি। হাঁড়ি চড়াবার ব্যবস্থা তোমরাই বাদ দিয়েছ, আমবা করব কী ?

কেউ যেন তাকে কিছু করতে বলেছে ! এই বকম ঢং হয়েছে নলিনীর কথাব—শুধু আজকাল নয়, অনেক দিন থেকে। আগে অন্য কথায় ঠোকর দিত, আজকাল কথায় কথায় এই স্বাধীনতার কথা তুলে খোঁচায়। কথা আরম্ভ করে আমি দিয়ে, পবক্ষণে তা দাঁড়ায় আমরা ও তোমার ব্যাপাবে !

সে যেন কণাদ রায়ের বউ নয়, তার ছেলেমেয়ে ব মা নয়, তা ব সংসারের গির্দা নয়, সে ভিন্ন একটা জাতের এবং কণাদ অন্য একটা জাতের প্রতির্দা।

ঘরে চাল নেই এ কি নতুন কিছু ব্যাপাব ? প্রায়ই একবকম চাল থাকে না, প্রায় সকলে ব ঘরেই। নলিনী এমনভাবে খবরটা দেয় যেন তারই পবামর্শে গর্ভর্নমেন্ট ঘরে ঘরে চালের অনটন ঘটিয়েছে, লোভী ব্যবসায়ীদের সঙ্গে চাল, আটা, কাপড়চোপড় শিকেয়, তোমার সরকারি ষড়যন্ত্রে সেও যেন একজন অংশীদার। সেই যেন এই বিশ্বাসঘাতকের জগতে সবাব সেরা বিশ্বাসঘাতক।

ঘরের কোণে হাঁড়ি ঠেলে বলে ? অন্যদের হাতে ব কাছে পায না, একমাত্র পুরষ তাকেই পায বলে ?

কিন্তু তাকে পুরষ মনে করে কি নলিনী ? কথা শুনে সন্দেহ জাগে ! আজকেই চাল ফুরোলো ? বিয্যুদবার পর্যন্ত যেত না ?

পেট বাড়েনি দুটো ?

বাড়িতে লোক বাড়েনি, পেট বেড়েছে দুটো। পেট ? কণাব কী ছিরি নলিনীর। পাকিস্তান থেকে দুজন আত্মীয় এসে ঘাড়ে চেপেছে বটে এবং তাদের পেট ভরাতে হওয়ায় রেশনের আইনি চাল-আটা মঞ্জলবারেই শেষ হয়েছে। রেশন কার্ড সংগ্রহের হাজ্জামা চুকলে আশা করা যায় ভবিষ্যতের সপ্তাহে আবার বিয্যুদবার পর্যন্ত সরকারি বরাদ্দ খাদ্য টানা চলবে। শুক্রবার সকালে নলিনী মনে করিয়ে দেবে ঘরে এক দানা চাল নেই, একগুড়ো আটা নেই—তার আগে নয়। সে চোরাবাজারে যাবে না চালের সন্ধানে। বারবার এই কথা ভেবে বুক ব ল পাওয়া যাবে যে মোটে তিনটি দিন, শুধু আজ কাল পরশু, শুক্র, শনি আর রবিবারটা চোরাচালে কোনো রকমে চালান—হিসবে করে, আরও ক ম খেয়ে, কোনো রকমে।

সোমবারে আবার রেশন মিলবে !

নলিনী মুখ ফিবিয়ৈ তাকিয়েছে ইট সুরকি সিমেন্টের নতুন গাঁথনিটার দিকে। বাড়ির পাশে কী তাড়াতাড়ি যে গড়ে উঠছে সিনেমা হাউসটা। ওম্বরের নেশার মতো সস্তা আনন্দের জালো দুটি ঘণ্টার জন্য বিব্রত আতিষ্ঠ মানুষ পয়সা দিচ্ছে, সে লাভে ভাগ বসাতে এক দিন দেরিও যেন সহিবে না।

তাড়াতাড়ি গড়ে তোলা, রোশনাই জ্বালো, দুয়ার খুলে দাও—কিছু একঘেয়ে ন্যাকামি, কিছু রেডিয়োমার্কা মাছি-ওড়া সুরের ভনভনানি, কিছু দেশপ্রম আর বিপ্লবী নায়ক-নায়িকার বাসরঘরের বিপ্লবে সমাপ্তি, এরই জন্য ভিখারির মতো মেয়েপুত্র্য এসে ভিড় কবুক টিকিটঘরের দরজায়।

নিজের চিন্তায় চমক লাগে কণাদের—এ 'তার স্বকীয় নয়, নলিনীই এমনি করে বলে। চোখে কি জল নলিনীর ! না চকচক করছে মনের জ্বালায় ?

কী ভাবছ জানি, নলিনী ভারী গলায় বলে, নিজের পেটে পুরিনি আমি সব। কাল রাত্রে উপোস গেছে আমার।

আচমকা মুখ ফিবিয়ৈ সে মুচকে হাসে, মেয়েরা উপোস দিলে আগে মাছের একটা আঁশ দাঁতে কাটত। মাসের ন-দশ তারিখ হলে মাছের গন্ধও আসে না বাড়িতে। কী করি বলো ? তোমরা স্বাধীন হয়েছ -

খলি দাও। দুটো দিয়ো, বাজারটাও সেরে আসব।

গলি নিঃস্বাদ পালিয়ে যায়।

কিছুদিন আগেও কণাদ বোঝাত, তর্ক ও রাগারাগি করত। শেষে বলত, তুমি কী বুঝবে, তুমি মেয়েমানুষ, তোমার ত্যাগ নেই, ধৈর্য নেই, তুমি স্বার্থপর !

সম্প্রতি সে আর উৎসাহ পায় না। যত সহজ ভেবেছিল অত সহজ নয় ব্যাপার, না স্বাধীনতার প্রশ্ন, না তার প্রতি নলিনীর অদ্ভুত জ্বালার মানে বোঝা।

ছোটোভাই চৌচিয়ে পড়ছে, এমন চৌচিয়ে সেও একদিন পড়ায় মন বসাত আলস্য কাটাত। পূর্ববাজার পলাতকা আত্মীয়া দুটি, মা ও মেয়ে, সাঁাতসাঁাতে উনানটুকুর কোণে মুখোমুখি দাঁড়িয়ে পরামর্শ করছে—সবাইকে খেতে দিয়ে নলিনী যে কাল না খেয়ে ছিল সেই বিষয়ে কি ? অথবা নিজেদের বর্তমান ও ভবিষ্যৎ নিয়ে ? কাকিমা আর খুকিকে এখানে রেখে রমেশকাকা ছেলেকে নিয়ে হোটোলে উঠে যে সুবিবেচনার পরিচয় দিয়েছে সে জন্য কণাদের কুঃস্বভাবের সীমা ছিল না। তবু কাকিমা আর খুকিকে তার মারতে ইচ্ছা হচ্ছে।

এত সকালেই সিনেমা হাউসটার কাজ শুরূ হয়ে গেছে, সন্ধ্যা পর্যন্ত কাজ চলবে।

মিস্ত্রি আর কুলিরা কী রকম মজুরি পায় ? ভালোই পায় নিশ্চয়, দিন ভালোই চলে নিশ্চয়, নইলে কথায় কথায় স্ট্রাইক করার এত তেজ কোথায় পেত ! হলেদে কার্ডে ওদের রেশন পর্যন্ত বেশি বরাদ্দ করা হয়েছে দেশের এমন সংকটের সময়ে। ভবিষ্যৎ গড়বার বা ভাঙবার এই সন্ধিক্ষণ, ওরা যদি শুরূ আদায় করার ফিকিব ছেড়ে এই দুদিনে---

এ যেন মুখস্থ করা চিন্তা, তোতাপাখির মতো শুরূ আর্বাও করা নিজের মনে, পরের কাছে। নিজের মনও আর সায় দিতে চায় না। ইট গেঁথে গেঁথে নতুন দালান উঠেছে, তার এতদিনের পুরানো বিশ্বাসের ইমারত পড়ছে ভেঙে ভেঙে। ভালোই যদি দিন চলে, সুখস্বাচ্ছন্দ্য আর তেজ যদি বাড়ে, উদয়াস্ত খেটে কেন মরবে মানুষ ?

নিজেই কি সে খাটত ?

এ সব কথা শুনে নলিনী বলে, বোকো না বেশি। এতটুকু আশা-ভরসা থাকলে মানুষ যেন কষ্ট সহিতে নারাজ হয়। ভবিষ্যতের দিকে চেয়ে আধপেটা খেয়ে প্রাণপাত করে না মানুষ একটু সংস্থানের

জন্য ? মানুষ ভূত কিনা সুখে থাকতে নিজেকে কিলোবে। ত্যাগ ভাগ করে তোমরা সবাইকে সন্ন্যাসী বানাতে চাইছ।

তোমরা ! তাকে তোমরা ছাড়া সম্বোধন করতে নলিনী ভুলে গেছে। দেশকে ভালোবাসে বলে নলিনী বড়ো শ্রদ্ধা করত তাকে, নিজেকে উজাড় করে উন্মুখ অতল ভালোবাসায় তার জীবন ভরে রাখত। নলিনী ভুলে গেছে আজও সে দেশকে ভালোবাসে।

কত তাড়াতাড়ি ভুলে গেছে, কত অল্পদিনে !

যুদ্ধ, বোমার ভয়, দুর্ভিক্ষ হাসিমুখে হেলায় পিছনে ঠেলে দিয়েছে, কীসের সমস্যা কীসের কী, তুমি আছ আমি আছি ! একটি মেয়েকে জন্ম দিতে সব ভুলে গেছে নলিনী।

তবু তাকে এতভাবে বাঁচিয়ে চলে কেন নলিনী ? রাত্রি কেন তাকে জানায় না ঘরে চাল নেই, সে না খেয়ে পেটের জ্বালায় জ্বলতে জ্বলতে পাশে এসে শুয়েছে ? আদর করতে চেয়ে কাছে টানায় খানিকক্ষণ সে কাঠ হয়ে শুয়েছিল। হাত সরিয়ে দিয়েছিল। কত দুঃখ আর ক্ষোভের সঙ্গে নলিনীকে তখন তার মনে হয়েছিল স্বার্থপর, এখন নিজের সেই জ্বালার কথা ভেবে লজ্জায় কণাদের মরে শুকিয়ে কাঠ হয়ে যেতে সাধ যায়। সারাদিন খেটে মেয়েকে মাই খাইয়ে ঘুম পাড়িয়ে নলিনী শুয়েছিল অন্য দিনের মতোই, সে টেরও পায়নি, যে তার একমুঠো ভাত জোটেনি। তারপর নিজেই নলিনী পাশ ফিরে তার গলা জড়িয়েছিল। এটাও তার নলিনীর স্বার্থপরতাই মনে হয়েছিল।

সকালে এখন আকাশে সূর্য উঠেছে, নোংরা রাস্তায় মানুষের ঠাসাঠাসি ভিড়, বাজারে তার পাশে দাঁড়িয়ে নলিনীর মতোই রোগা ফোলা চোখ মুখ, আলুথালু কুৎসিত শিথিল ভঙ্গিতে শাড়ি জড়ানো বস্তির একটি সস্তা বেশ্যা আধপোয়া কুচোটিংড়ি কিনছে। ভগবান আছেন বলে আর ভরসা নেই কণাদের, সত্য আর আদর্শও হয়তো নেই, তবু কণাদ নিজের কাছে স্বীকার করে যে এখনও নলিনীকে সে স্বার্থপর বলেই ভাবছে। নলিনী জানে তার জন্যই তার সব, বর্তমানের খাওয়া-পরা ও ভবিষ্যতেব সুখস্বাস্থ্য আরামবিরাম। তাকে শুধু বাঁচিয়ে রাখতে নলিনী তাকে রাত্রি চালের কথা না বলে তাকে ঘুমোতে দেয়, তাকে বেশি চটান উচিত নয় ভেবেই উপোসি অবশ দেহটাকে পাশ ফিরিয়ে শীর্ণ হাত দুটিকে তার গলায় জড়িয়ে দেয় ! সে বাঁচলে, সে খুশি থাকলে তবেই নলিনীর স্বার্থ বজায় থাকবে।

নিজের এ চিন্তায় সে কোনো গলদ খুঁজে পায় না। কিন্তু নলিনী স্বার্থপর—এই সত্যটা নিজের অপরাধের মতো তাকে পীড়ন করে। এ স্বার্থপরতায় দোষ কোথায় নলিনীর ?

এটাই তো নিয়ম সংসারের, বাস্তব জগতের ! ঘরে ঘরে সব নলিনীদের বেলাতেও তো একই হিসাব। স্বামীর কাছে ভাতকাপড় আর আশ্রয় চাইবে, স্বামীকে স্নেহযত্ন করবে—এর মধ্যে অনিয়মটা কী ?

গলদ কি তারই মূল্যবোধে ?

নলিনী তাকে উপলক্ষ করে তার মন সকলকে আজকাল খোঁচায় বলে, চারিদিকের দুরবস্থার জন্য দায়ি করে বলে, সংসারের চলতি নিয়মে নলিনীর চলাটাও একটা খুঁত হয়ে উঠেছে তার কাছে ? আ মরণ !

চাপা মেয়েলি গলা তীব্র ভর্ৎসনায় ফোঁস করে উঠে কণাদের চমকে দেয়। তার মুখ লাল হয়ে যায়।

ভাবনায় তলিয়ে গিয়ে সে শুধু ভুলে যায়নি যে এটা বাজার, সেই সস্তা বস্তির বেশ্যাটির দিকে যে হাঁ করে বিহ্বলের মতো চেয়ে আছে এটাও খেয়াল ছিল না !

স্বাধীনতা

চাকরিটা সহিয়ে নিতেই মাস তিনেক কেটে যায়। কোনো দিকে তাকাবার অবসর পায় না।

চাকরি করা মানেই তো শুধু চাকরি করা নয়।

রাশি রাশি ব্যবস্থার প্রয়োজন যেন তার চাকরিটার জন্যই ওত পেতে ছিল, চাকরি পাওয়ামাত্র একান্ত জবুরি হয়ে উঠেছে। কত দিকে কত যে তাদের অভাব এতদিন নিবুপায় হয়ে মেনে নিতে হওয়ায় যেন ঠিকমতো আঁচ করা যায়নি, চাকরি নিয়ে এবার কোনটা ছেড়ে কোনটা মেটাবে, কারটা আগে কারটা পরে মেটাবে, হিসাব করতে বসে যেন দিশেহারা হয়ে যেতে হয় !

অভাবের প্রচণ্ড খরায় যেন খাঁখাঁ করছিল চারিদিকে, বেতনের পশলা বর্ষণ শুবে যাওয়ার রকম দেখেই কেবল তার প্রচণ্ডতা আঁচ করা যায়।

অভাব যে মানুষের অভাববোধ ভেঁতা করে দেয় সেটা আশীর্বাদ না অভিশাপ কে জানে !

কাস্তার মতো হিসেবি মেয়ে পর্যন্ত বেশ খানিকটা ভড়কে গিয়ে ভাবে, ও বাবা ! তিনশো টাকার চাকরি পেয়ে সে তবে একেবারে স্বর্গ রচনা করার স্বপ্ন দেখেছে !

সেই সঙ্গে এ কথাও ভাবে, ইস কী অবস্থাতেই এতদিন তবে আমাদের কেটেছিল ?

এটাও সে টের পায় যে তাকে খুব শক্ত হতে হবে। তার তিনশো টাকার চাকরি থেকে সবাই যে রকম আশা কবেছে মাসে মাসে হাজার টাকা হলেও সে আশা মেটানো যাবে কি না সন্দেহ !

হবিপ্রসন্ন পর্যন্ত যেন ছেলেমানুষ হয়ে গেছে। দ্বিতীয় মাসের বেতন পেতেই হরেন কাকার কাছে তিনশো টাকা দেনার একশো টাকা শোধ করে দিয়ে এসেছে।

প্রায় দুবছর পড়ে আছে দেনাটা, শোধ করতে হবে বইকী। কিন্তু একটু তো সবুর করতে হয়, চারিদিকে সামঞ্জস্য বজায় রেখে আস্তে আস্তে দেনাটা শোধ কবার ব্যবস্থা কবতে হয় ?

আত্মীয়ের কাছে দেনার জের টানতে লজ্জা করে বলে এক দিকে সব ঢেলে দিল চলবে কেন ? মা-ব গয়নাগুলি যে বাঁধা রয়েছে আর মাসে মাসে সুদ গুনতে হচ্ছে !

হরেন কাকা সুদ নেয় না, দুদিন সবুর কবলেও তার কিছু আসবে যাবে না—গয়না বাঁধার টাকাটাই বরং আগে শোধ করা উচিত ছিল। সুদ গোনা থেকে বেহাই পাওয়া যেত, গয়না ক-টা ছাড়িয়ে আনা যেত।

নাঃ, তাকেই শক্ত হতে হবে। সবাই ভাববে চাকরি পেয়ে মেজাজ গরম হয়েছে কাস্তার। কিন্তু ভাবলে আর উপায় কী !

অনিলের কথা সে ভুলতে পারেনি।

অনিলকে নয় অনিলের কথাটাকে।

অমন কত অনিলকে সে চেনে। কয়েকজনকে বহুকাল ধরে বেশ ভালোভাবেই চেনে। একটু খাপছাড়া ঘটনার মধ্যে অনিলের সঙ্গে দেখা হয়েছে বলেই সে ধপাস করে ল' প্রেমে পড়ে যাবে, কিছুতেই তাকে ভুলতে পারবে না, তাকে ভেবে ভেবে বিন্দ্র রাতগুলি দীর্ঘনিশ্বাসে ভরে উঠবে—বানানো রসিকতা হিসাবে ছাড়া এর কোনো মানেই হয় না !

খাঁচায় বন্দী আবেগ আর ভাবালুতা খাইয়ে পোষ মানানো মেয়েরা অবশ্য বোঝে না এ রসিকতা—খাপছাড়া কোনো ঘটনা বা অ্যাকসিডেন্ট ছাড়া কোনো একটি অনিলের কাছাকাছি এসে দুমিনিট দুটো কথা বলাই তাদের কাছে অসম্ভব অসম্ভব স্বপ্ন হয়ে থাকে। এদের কাছে সম্ভব আর

বাস্তব করতে তাই নিরানব্দুইটি উপন্যাসে নায়ক-নায়িকা কাছে আসে আর প্রেমে পড়ে খাপছাড়া ঘটনা বা অ্যাকসিডেন্টের সাহায্যে !

সাধে কি কাস্তা দু-একটি ছাড়া উপন্যাস পড়তে পারে না, তার হাই ওঠে। খাপছাড়া ঘটনা জগতে ঘটেছে, অ্যাকসিডেন্ট সর্বদাই। ক-লাখ জীবনে কীভাবে কেন ঘটে আর পরিণাম কী দাঁড়ায়।

চাকরিটা ফসকে যাওয়ায় তার বাড়ির মানুষের হাঁড়িমুখ আর মায়ের কান্নাকাটি—অনিলের এই কথাগুলি সে ভুলতে পারে না, বারবার মনে পড়ে যায়।

অনিল ঝোকের মাথায় তার বাড়ি এসে হাজির হয়েছিল। তারও মাঝে মাঝে ঝোক চাপত অনিলের বাড়ি গিয়ে দেখে আসতে যে বাড়ির মানুষেরা কী বলছে আর করছে অনিলের অবস্থা সত্যই কী রকম দাঁড়িয়েছে।

চাকরি অনিলের পাওয়া উচিত। ইতিমধ্যেই পাওয়া উচিত। চাকরি সে পেয়েছে কি না কে জানে।

সত্যকথা বলতে কী, অনিল চলে যাবার পর তার কোয়ালিফিকেশনের বিবরণ মাধবের কাছে শুনে কাস্তা বেশ খানিকটা মরমে মরে আছে। তার কোনোই দোষ নেই, সংসারের সাধারণ নিয়মনীতিব বাইরে বলা যায় এমন কোনো সম্পর্কই মাধবের সঙ্গে তার গড়ে ওঠেনি, গরিবের ঘরের মেয়ে হয়েও অসীম কষ্ট সয়ে আর প্রাণপাত চেষ্টা করে একটা চাকরি বাগানো ছাড়া আব কোনো অপবোধই সে কারও কাছে করেনি।

তবু যেন সর্বদাই মনে হয় সে একটা অনিয়মের জীবন্ত নিদর্শন হয়ে দাঁড়িয়েছে। তাকে ব্যবহার করা হয়েছে একটা দুর্নীতির সমর্থন আর প্রশ্রয় হিসাবে। মাধবের শুধু স্নেহের দাবি- সে সুখী হোক। আজ পর্যন্ত তার বেশি কিছু সে চায়নি তার কাছে।

কতবার কত সুযোগ গেছে, ঘরে এবং বাইরে। মাধব তার দিকে মুহূর্তেব জন্য অন্যভাবে একটিবার তাকায়নি পর্যন্ত !

কাস্তা জানে যে অনেকে অনেক রকম ভাবে। অনিল হয়তো বেশি কবেই ভাবে।

কিন্তু এ রকম ভাবনা ওদেরই কুৎসিত মানসিক হীনতা দীনতার পরিচয়ে দাঁড় কবিয়ে দিয়েছে মাধবের চালচলন, কথা ও ব্যবহার।

তাকে চাকরিটা করে দিতে মাধবকেও সংঘাত সহিতে হয়েছে বইকী। চাকরি করে দেবার ক্ষমতা কি মানুষ আকাশ থেকে পায়, অন্যায়সে পায় !

কয়দিন ভারী খুশি মনে হচ্ছিল মাধবকে, বোজ এসে চা খেয়ে গল্প করে যেত।

হঠাৎ বন্ধ হল তার আসা।

কাস্তা আপিস করে নিজেই খবর নিতে গেল অসুখ হয়েছে নাকি !

সত্যই যেন অসুখ হয়েছে মাধবের। অসুস্থ মানুষের মতোই খমখম করছে তার মুখ।

মনে আঘাত লেগেছে মাধবের—কঠিন আঘাত লেগেছে।

মাধব সখেদে বলে, ছিছি, কী বিস্ত্রী এই জগৎ, কী ছোটোলোক মানুষগুলি ! গরিব মধ্যবিত্তের মেয়ে তুমি কত কষ্টে মানুষ হতে লড়ছ দেখে মায়া হল, তোমায় একটা চাকরি করে দিলাম, তার মানে বাঁদররা বলছে কিনা—ছিছি !

কাস্তা কী বলবে ভেবে পায় না। দুঃখ স্কোভ মায়া অভিমানে হৃদয়টা তার আলোড়িত হয় বলেই চূপ করে থাকে।

মেয়ে বলেই তাকে এভাবে তুচ্ছ করা সম্ভব হয়েছে, মাধবের এভাবে আহত হওয়াটাও তারই অপমান। তাব সঙ্গে জড়িয়েই নিন্দা পড়েছে মাধবের অথচ তাকে বাদ দিয়ে সবটা আঘাত লেগেছে তার অভিভাবক মাধবের !

মাধব নিজেই আবার বলে, তুমি আর আমার কাছে বেশি ঘনঘন এসো না কান্তা। ছমাস এক বছর তোমার আমার দেখা-সাক্ষাৎ কম হলেই লোকের ভুল ধারণাটা কেটে যাবে।

কান্তার মুখ লাল হয়ে যায়।

হার মানলেন ?

হার মানিনি। লোকে ভুল বুঝল আমাকে। কেউ বাধা দেবে না। একটা মেয়েকে চাকরি দিলেই বঙ্গোত্তর হতে হয়। এমন হবে বুঝতে পারিনি কান্তা।

তাকে চাকরি দিয়ে মাধব আজ আপশোষ করছে !

আমি রিজাইন দেব ?

মাধবের মেবদণ্ড সোজা হয়ে যায়। ধমকেল সুবে বলে, চাকরি করে দিয়েছি, চাকরি করে যাও। লোকে কী বলে না বলে সেটা সামলাব আমি। তুমি রিজাইন দিতে যাবে কেন ?

মঙ্গলাকাঙ্ক্ষী অভিভাবক গুব্বুজনের ধমকেল সুর। কান্তা একটা টোক গেল।

অভিভাবকের একটা নতুন রূপ ক্রমে ক্রমে প্রকট হচ্ছিল মাধবের কথায়, ব্যবহারে—চাকরিটা করে দেবার ঠিক পব থেকে।

ধমকেল সুরটা আজ প্রথম শুনল।

এ পর্যন্ত কণা নতুন ভাঁজ আর সুরটা হয়েছে খুব বাধা নিরীহ মেয়েকে গুব্বুজনের এটা-ওটা করতে বলা—একেবারে নিশ্চিতভাবে বলা যে কথা সে নিশ্চয় শুনবে, অবাধা হবার সাহসই পাবে না।

বীতিমতো অস্বস্তিবোধ করতে শুরু করেছিল কান্তা। কতখানি তাকে বাধ্য হতে হবে মাধবের, কত দিক দিয়ে মাধব তাঁর জীবনকে নিয়ন্ত্রণ করতে চাইবে ঠিক বুঝে উঠতে পারছিল না।

কান্তার কাছে গতই বেজর দেখাক মাধব, তাব মনের একটা স্থায়ী আতঙ্ক আবার নান্দা খেয়েছে এ ব্যাপারে। এ আতঙ্ক তার মধ্যে সৃষ্টি হয়েছে ক্রমে ক্রমে, মানুষ তাকে কী চোখে দেখে সে বিষয়ে নিজের ধারণা আর বিশ্বাসে এই রকম ঘা লাগাব ফেলে।

মেয়েদের উপকার করে প্রতিদান মানুষ আদায় করে নেয়, কিন্তু সে অনিয়ম। এই অনিয়মটাই কি তবে এত বড়ো সত্য হয়ে উঠেছে যে তাব মতো মানুষের সম্পর্কেও লোকে এ বকম ভাবতে পারে ?

ক্ষমতা খাটিয়ে অন্যায়ীয়া সুন্দরী একটি মেয়েকে চাকরি করে দিয়েছে—এটুকু জানাই যথেষ্ট। এইটুকুই একেবারে অকটা প্রমাণ। যে চাকরি দিয়েছে সে মানুষটা কেমন বিচার করারও প্রয়োজন নেই। কী সংঘাতিক কথা !

এই প্রৌঢ়বয়স পর্যন্ত সে কি প্রমাণ দিয়ে আসেনি সংযম আব চরিত্রবলের ? কান্তাকে চাকরি করে দেবার বিশেষ ক্ষমতা হয়তো তার আয়ত্তে এসেছে দেশটা স্বাধীন হবার পর, কিন্তু খেলা কবার সাধ থাকলে মূল্য দিয়ে মেয়ে কেনার ক্ষমতা যৌবনে তো তার কম ছিল না। কত বন্ধু কত নতী কতভাবে তার সংযম ভাঙাবার চেষ্টা করেছে। ভদ্রঘরের বিপিনা অসতায়ী কত মেয়ে-বউ তার কাছে এসেছে সাহায্য চাইতে, আজও আসে—একটু খারাপ ইঞ্জিত পর্যন্ত করা চলে এমন কোনো আচরণ কি কেউ দেখেছে কোনো দিন ?

রামচন্দ্রের মতোই লোকে তাকে একনিষ্ঠ একপত্নীক চরিত্রবান মানুষ বলে জানে।

নৈতিক কঠোরভাবে এই ব্যাতি পর্যন্ত তার মিথ্যা দুর্নাম ঠেকাতে পারল না ?

সোজা হিসাব এ রকম ভুল হয়ে গেলে তো বিপদের কথা।

আদর্শবাদী সংযমী ন্যায়নিষ্ঠ কিন্তু আত্মকেন্দ্রিক মানুষের কাছে চিরকাল এই ভয়টাই সবচেয়ে ভয়াবহ হয়ে থাকে—জগৎসংসার বুঝি এক অনিয়মের খপ্পরে গিয়ে পড়ল, মানুষের কাছে বুঝি মূল্যহীন হতে চলল আদর্শ উচ্চচিন্তা ন্যায়পরায়ণতা নিয়মনীতি ইত্যাদি।

নিজের সুবিধাবাদী ধারণা ও বিশ্বাস ছাড়া তো অবলম্বন নেই আত্মকেন্দ্রিক মহৎ মানুষেরও, তাই নিজের হিসাব ও বিচারে যা হওয়া উচিত দাঁড়ায় তার বদলে বাস্তবে অন্য রকম হলে এ সব মানুষের আতঙ্ক জন্মে যায়।

আগে থেকে আরও অনেক ব্যাপারে জমা হয়েছে ভয়, এবার নাড়া খেয়েছে সবটাই। বেড়াতে বেড়াতে কাস্তাদের বাড়ি চা খেতে যাওয়ার সাহস তার হযনি ক-দিনের মধ্যে।

কিন্তু কাস্তার কাছে তো প্রকাশ করা চলে না ভয়, তাই একেবারে ধমক হয়ে বেরিয়ে আসে তার তেজ দেখানোটা।

তার কর্তালিপনা কোথায় চড়বে ভেবে কাস্তা অস্বস্তিবোধ করছে টের পেলে এই আতঙ্কই আবার নাড়া খেত মাধবের।

ভালো চেয়ে সুপারামর্শ দেওয়াকে কাস্তা ভাববে চাকরি করে দেওয়ার প্রতিদানে তার স্বাধীনতায় হস্তক্ষেপ—এ কী ভয়ানক অনুচিত কথা !

সে কি দীর্ঘকাল ধরে পরিচয় দেয়নি তার মহৎ উদার হৃদয়ের ? অন্যের কথা দূরে থাক, আর্দালি পিয়ন চাকরবাকরকে পর্যন্ত সে অন্যায্যভাবে শাসন করে না। পছন্দ না হলেও নিজের মেয়ের কত চালচলন কত মতামত সে নীরবে বরদাস্ত করে যায়। সে কিনা হুকুম চালাবে কাস্তার উপর !

মাধবকে কেউ বলে দেবার নেই, বলে দিলেও সে মানবে কি না সন্দেহ যে নিজের মেয়ে তার অনেক ইচ্ছা অনেক মত মানে না বলে, মেয়েকে হুকুম মানাবার ক্ষমতা নেই বলে সত্যসত্যই সে সুযোগ পেয়ে নিজের অনেক মত আর ইচ্ছা চাপিয়ে দিতে শুরুর করেছে কাস্তার ঘাড়ে।

আগে যে সব কথা নিয়ে কাস্তা নিঃসন্দেহে তার সঙ্গে তর্ক জড়ত, এখন এ সব কথা উঠলে সে যে আর তর্ক করে না এবং মাধব তাতে খুশি হয়—এটাই তো তার অকাটা প্রমাণ !

প্রতিদান সে নিতে শুরু করেছে বইকী—অন্যভাবে না নিয়ে নিচ্ছে আনুগত্যের প্রতিদান।

কাস্তা ধীরে ধীরে বলে, আপনি ক-দিন যাননি। আমিও কি আসা-যাওয়া বন্ধ করব ?

মাধব বলে, নিশ্চয় না। মিথ্যা দুর্নামের ভয়ে মেলামেশা বন্ধ করব কেন ? মাঝেমধ্যে আমি যাব, তুমিও তেমনি আসবে যাবে। মেলামেশাটা শুধু কমিয়ে দেব আমরা। আর কিছু নয়। লোকের তো আর বুঝবে না মেয়ের মতোই তোমায় আমি স্নেহ করি।

একটু থেমে বলে, ব্যাপারটা বুঝবার চেষ্টা করছিলাম। আমি বুঝতে পারছি, দিন দিন নোংরা হয়ে যাচ্ছে মানুষের মন।

আগের চেয়ে ঢের বেশি ছোটলোক হয়ে গেছে মানুষ, মায়ের এই কথাটা মানতে পারে না কাস্তা। কিন্তু সে প্রতিবাদও করে না।

বাড়ির অন্য মানুষগুলির ভাবও আজ যেন কেমন কেমন।

সেটা আশ্চর্য কিছুই নয়। তাকে নিয়ে মাধবের নামে কুৎসা রটেছে সেটা তো আর সহজ ব্যাপার নয় এদের কাছে।

কী করছ মদুলা ?

কিছু না কাস্তাদি।

বাড়িতে এলেই যে হাসিমুখে সানন্দ অভ্যর্থনা জানায়, আজ সে গোমড়া মুখে চেয়ে থাকে কাস্তার নতুন জুতোর দিকে।

পরশু নতুন বাড়িতে উঠে যাচ্ছি, একবার য়েয়ো।

যাব।

মুদলাব মা গৌরী এ ঘর থেকে ও ঘরে যাবার সময় একবার চোখ তুলে তাকায়, তবু যেন দেখতে পায়নি এইভাবে তার সঙ্গে একটিও কথা না বলেই চলে যায়।

মাধবের বড়োজামাই শচীন তাকে দেখে যেন মুচকি হাসিটা চাপা দেবার জনাই মুখে হাতের তালু ঘষে দাঁড়িতে আঙুল বুলোতে বুলোতে নির্বিকার উদাসীনভাবে জানালা দিয়ে বাইরে চেয়ে থাকার ভান করে।

নীচে নামবার সময় সিঁড়ির মাঝামাঝি মুখোমুখি হয়ে যায় কাস্তা আর অমলা। অগত্যা দুজনকেই দাঁড়াতে হয়।

কাস্তা জিজ্ঞেস করে, শরীর কেমন আছে ?

ওই এক রকম। ওষুধ গিলছি।

তার মুখের ভাবেও স্পষ্ট ঘোষণা যে ক্ষমা নেই তোমার। অমলাকে শরীর কেমন আছে জিজ্ঞাসা করে আগে কোনোবাব বক্ষা থাকেনি। একটানা ফিরিস্তি শুনতে হয়েছে শরীরে তার শ্রানি, কোন কোন ডাঙাব টিফিন্সা করছে, ওষুধ পথ্যের কাঁ ব্যবস্থা হয়েছে ইত্যাদি সব কিছু।

এই মুখরতাই একটা লক্ষণ তার রোগের। কাস্তার উপর গভীর বিতৃষ্ণা রোগের লক্ষণটাকে পর্যন্ত যেন আজ চাপা দিয়ে দিয়েছে।

কে যে কার পাশ কাটিয়ে নীচে নামে উপরে ওঠে ঠিক বোঝাই যায় না।

কিন্তু নীচেব তলায় নেমে গেলে কাস্তার সঙ্গে যেচে খানিকক্ষণ কথা বলে মাধবের বিধবা বোন শান্তিময়ী। বীরে শান্তভাবে কথা বলে। সব সময়েই অত্যন্ত নিব্বদবেগ মনে হয় তাকে।

বয়স মাধবের চেয়ে দু-তিনবছর মোটে কম হবে। মাজা রং, ঝুঁ নিটোল হালকা দেহ। একরাশি চুলের মধ্যে এখানে ওখানে কয়েকটা সাদা চুল উঁকি দিচ্ছে। পরনে ধপধপে সাদা ধুতি আর জামা।

তাকে দেখে আর তার কথা শুনে মনে হয় শান্তিময়ী নামটি তার সার্থক। গোমড়া মুখে নয়, নিশ্চিতভাবে সে জিজ্ঞাসা করে, খবরের কাগজেও নাকি কেছা বেরিয়েছে ?

প্রশ্ন শুনে কাস্তা ভড়কে গিয়ে বলে, না না, খবরের কাগজে কিছু বেবিয়েছে বলে তো শুনিনি।

তবু ভালো। কে যেন বললে খবরের কাগজেও নাকি কাযদা কবে আইন বাঁচিয়ে নাম পর্যন্ত ছাপিয়ে দিয়েছে। শুনে থেকে কেবল তোমার কথা ভাবছিলাম—কী দশা হত তোমার তাহলে ?

এই জ্বালাতেই জ্বলছিল মনটা। মাধব শুধু বলেছে নিদের কথা - তার মতো মানুষের নামেও এমন বিশ্রী মিথ্যা বদনাম রটে, এও জগতে সম্ভব হল ! নোংরা কুৎসিত হয়ে গেছে মানুষের মন—নইলে মাধবকেও মানুষ খারাপ ভাবতে পারে।

মাধবের নামে কুৎসা রটেছে বলে আহত বিক্ষুব্ধ হয়েছে বাড়ির অন্যান্য সকলের মন। সে এই কুৎসার কারণ বলে সকলে কুরিয়ে কুরিয়ে চেয়েছে তার দিকে, তার সঙ্গে ভালোভাবে কথা বলতে অস্বীকার করেছে।

দুর্নাম যেন একা মাধবের।

এ মিথ্যা দুর্নামে যেন তার কোনো ক্ষতি নেই, তার কোনো আপশোশের কারণ নেই।

জাতে সে মেয়ে, যতই পাস করুক আর মোটা মাইনের চাকরি বাগাক, সমাজে স্ত্রীজাতীয়া জীব হিসাবে তার পরিচয় মোটেই ফুরিয়ে যায়নি। ফুরিয়ে যাবার কথাও নয়।

সে তো সতাই স্ত্রীলোক।

পুরুষের চেয়ে দুর্নাম যে তার পক্ষে কত বেশি ভয়ানক ব্যাপার, এ বাড়ির কেউ যেন সেটা খেয়াল করাও দরকার মনে করেনি।

তাকে চাকরি দিয়ে মাধব বিপাকে পড়েছে—এ জন্য তার দিকটা গণাই নয়।

সে যেন পতিতার শামিল হয়ে গেছে এদের কাছে, তার সামাজিক সুনাম দুর্নাম মানমর্ষাদার কোনো প্রশ্নই যেন ওঠে না।

একমাত্র শান্তিময়ী তাব দিক টেনে কথা বলেছে। সহানুভূতির স্পর্শ পেয়েই কাস্তার হৃদয়ের জ্বালা আগুনের মতো জ্বলে ওঠে।

আমারই সব দোষ তো ? আমি জানি—আমি জানি ! আপনার দাদাকে আমি বিজাইন দেবাব কথা বলেছি খবর রাখেন ?

শান্তিময়ী শুধু বলে, ছি ! বিপদে পড়লে তোমাদেরও যদি মাথা বিগড়ে যায়, হিস্টিরিয়া হয় সাধারণ মেয়েরা কার দিকে চাইবে ?

কী কথায় কী কথা এল। মানুষের মনের নোংরামির অভিযানে সেও অংশ নিয়েছে এই নালিশের বদলে বলা যায় যে নোংরামির কবল থেকে মুক্তি পাবার জন্য মেয়েরা তাব মতো মেয়েই মুখ চেয়ে আছে, তাব দায়িত্ব অনেক ! কাস্তা তাই চূপ করে থাকে।

তার তো হিস্টিরিয়া রোগ নেই যে নিজের কথা, ন্যায্যসঙ্গত নালিশের কথা হলেও নিজের কথা বলার জন্য জগৎসংসার তুচ্ছ করে দেবে, যেহেতু মাধব আর তাব বাড়ির অন্য লোকেরা তাব দিকটা খেয়াল করেনি !

নরম হলে চলবে না।

কী করতে বলছেন ?

কাস্তা ধীর গভীরভাবে প্রশ্ন করে।

শান্তিময়ী তার হাত ধরে নিজের ঘরে নিয়ে যায়। টেনে নিয়ে যায় না। কারণ কাস্তা তাব মনোভাব টের পেয়ে হাত ধরামাত্র তাব সঙ্গে চলতে শুরু করে।

ঘরে একটি লোহার চৌকিতে ধপধপে বিছানা। আর কোনো আসবাব নেই। বিধবা বলেই মাধব বোনকে ঘর দিয়েছে ছোটো, ঘরে একজনের শোবার মতো কাঠ বা লোহার চৌকি পাতলে আর কোনো আসবাব আনা সম্ভব হয় না।

কয়েকটা টুল আছে। আর আছে একটি বুকশেলফ। টুলটাকে চৌকির নীচে ঠেলে দিয়ে শান্তিময়ী মেঝের মুক্ত অংশটুকুতে ছোটো একটি চীনা মাদুর বিছায়।

বলে, এসো আমরা আয়েস করে বসি।

পা ছড়িয়ে বসে বলে।

দাদা বুঝি তোমায় খুব ভড়কে দিয়েছে ?

ওনার বদনাম হল—

শান্তিময়ী খিলখিলিয়ে হাসে। হাত বাড়িয়ে কোণ থেকে পানের বাটা টেনে নিয়ে পান সেজে একটু দোস্তা দিয়ে মুখে পোরে।

পিক ফেলে এসে বলে, তুমি বডো বোকা মেয়ে। দাদা কি তোমার জন্যে তোমায় চাকবি দিয়েছে ? দাদার মধ্যে কত বকম ভাবের লড়াই টের পাও না। নিজেব ভাবে নিজেব দায়েই চাকবি দিয়েছে তোমায়। কিন্তু সে তো গেল ভিন্ন কথা। তোমার নিজেব কথা ভাবছ না তুমি ? নিজেব ভালোমনেব হিসেব, দাদার এ দিকে ঠিক আছে, তোমার হিসেবটা তুমি কবছ না ?

নিজেকে এই প্রশ্ন করার জন্যই প্রাণটা যেন ছটফট কবছিল, কিন্তু প্রশ্নটা স্পষ্ট কবে তুলতে পারেনি। কীসে যেন আচ্ছন্ন কবে বেপেছিল স্বাধীন চিন্তা। মুগ্ধ কৃতজ্ঞ দৃষ্টিতে কান্ডা শাস্তিময়ীব মুখের দিকে চেয়ে থাকে।

শাস্তিময়ী আবার বলে, দাদার আবার বদনাম কীসেব ? হোমবাচোমবা ব্যাটাছেলে, এ সব বদনামে তার কী এসে যায় ? লোকে ববং তর্কিব কববে। কিন্তু তুমি বাছা মেয়েডেলে, সুনাম বদনামে তোমার জীবন ওলেট পালেট হয়ে যাবে। ঠান্ডা মাথায নিজেব দিকটা ভালো কবে ভাবো—

মাথাই গুলিয়ে যাচ্ছে, ভাবব কী।

মেয়েমানুষের মাথা গুলিয়ে গেলে চলে ? একটা সোজা কথা তো বুঝতে পারছ ? বদনামের ফলে হয়তো ওই মাধববাবুটি ছাড়া সবাইবনে তোমার আর গতি থাকবে না। ঘবে ঘবে বউগুলিব যে দশা তোমারও প্রায় তেমন দাঁড়াবে।

হতাশা নয়, এতটা শোচনীয় নিয়ে বাস্তা বাড়ি ফেবে। অনেক ব্যাপারে অনেকবার বুকটা তার জ্বালা কবেছে, কিন্তু এ ক্ষোভ অন্য ধবনের, এ ক্ষোভ আব মিটবে না।

সে স্বীজাতীয়া জাব, এত কষ্টে এত চেষ্টায় লেখাপড়া শিখে স্বাধীনভাবে বোজগাব কববার আঁকবাব এ সমাজে তার কংগত নয়। এই ক্ষোভ ঘূচবার নয়—পুবানো অভ্যস্ত নালিশটাই আবার নতুন কবে ভীতভাবে নাড়া খেলেও ধীবে ধীবে আবার থিতযেও যেতে পাবত। শাস্তিময়ী দবদেব সঙ্গে তাকে সতক কবে দিয়েছে যে সুনাম দুর্নামের ব্যাপারে সে যে নিবুপায় অসহযা নাবী এটা যেন সে ভুলে না যায়। মনোর মোড়টাই ধূবে গিয়েছে বাস্তাব।

না, আসল কথা মোটেই তা নয়। বদনামে মাধবের কিছু আসে যায় না, মুশকিল শুধু তার এটা একেবারে ভিন্ন ব্যাপাব।

আসল গলদটা হল এই যে মাধব যেন তাকে চাকবি দেয, চাকবি দেবার ক্ষমতা পায়। এ একটা কুৎসিত আনিযাম। অনিলকে অথবা তাকে মাধব বেছে নিযেছে সেটা প্রশ্ন নয়, মাধবের সঙ্গে তার খাবাপ সম্পর্ক আছে কি নেই সেটাও আলাদা ব্যাপাব, খেযালখুশিতে মাধব যে চাকবির জন্য যাবে ইচ্ছা বেছে নিতে পারে এটাই হল নিযমনান্তিব আসল বাস্তাব।

এ ব্যাপারে নো যখন অংশ নিযেছে, সে ও ব্যাভিচারবিনী বইকী। নইলে সত্যই কি কাযিক বাস্তাববে দুর্নাম তার খুব বেশি আসে যায়, এতখানি বিচলিত হবার প্রযোজন ঘটে ? সে কি গেযো মেয়ে না শহবেও যে বিবাবট সংখ্যক মানুষকে গেযোজীবন অঁকডে পক্ষ সেও বযে গেছে তাদের স্তবে—এতটুকু বিচ্যতিতেও পাডায় যাদেব নিযে কানাকানি চলে আব মেয়ে বলেই সে কানাকানিকে তারও ভয কবতে হবে।

শাস্তিময়ী আটকে বযে গেছে তার যৌবনেব দিনগুলিতে। তার ধাবণাই নেই কীভাবে বদলে গিয়েছে বোজগেবে মেযেদেব জীবনসংগ্রামেব পবিবেশ পর্যন্ত।

ক্ষোভ নিযে বাড়ি ফিবেই কান্ডা টের পায়, সকলেব মধ্যে গভীব অসন্তোষ। মাসকাবাব হয়েছ সে মাইনে পেযেছে কিন্তু বাড়িব প্রায় প্রত্যেকেব কতক দাবিদাওযা যে এখনও সে মেটায়নি।

নিরুদ্দেশ

মঞ্জু বাপের বাড়ি যায় না প্রায় তিন বছর। অপমানে অভিমানে যায় না। বছর তিনেক আগে তিনটি ছেলেমেয়ে নিয়ে মাসখানেক বাপের বাড়ি থাকতে গিয়েছিল। তার বাবা যোগেশ তাদের জন্য কিছু খরচ চেয়েছিল জামাই বিনয়ের কাছে। বড়োই আহত আর অপমানিত বোধ করেছিল মঞ্জু।

দিনকাল বড়োই খারাপ কিন্তু অবস্থা তো নেহাত খারাপ নয় তার বাপের। যোগেশ নিজে মোটা বেতনে চাকরি করে, মঞ্জুর বড়োভাই অনিলও ভালো চাকরি পেয়েছে। আগের মতো না হলেও মোটামুটি সুখে-স্বচ্ছন্দেই তাদের দিন কাটে। মেয়ে বছরে একটা কী দেড়টা মাস থাকতে এলে তাব কাছে খরচ চাওয়া !

মুখে কিছুই বলেনি মঞ্জু। ঝগড়াঝাঁটি করবেনি। করলে বোধ হয় তার অপমান অভিমানের জেরটা তিন বছর গড়াত না।

বিনয়কে সে বলেছিল তুমি কাল-পরশুই ফিরে যাও। গিয়ে একশো টাকা বাবাকে পাঠিয়ে দিয়ো। দিন দশেক পরে এসে আমাদের নিয়ে যাবে। লিখবে তোমার অসুবিধা হচ্ছে।

মোটো দিন দশেক থাকবে ? তাহলে টাকা পাঠাব কেন ?

ছি ! এত ছোটো করো না মন। বাবাকে নয় একশোটা টাকা এমনিই দিলে, অত হিসেব কেন ? আর তো দিতে হবে না কোনোদিন। এ জীবনে আমি আর বাপের বাড়ি আসব না।

মা-বোন, বাপ-দাদা অনেকবার যেতে লিখেছে, যোগেশ আর অনিল নিতেও এসেছে কয়েকবাব-নানা অজুহাতে মঞ্জু যায়নি।

ছোটোবোনের বিয়েতে পর্যন্ত যায়নি।

বিনয়ের হাতে একজোড়া কানের দুল পাঠিয়ে দিয়েছে। বিনয়কে পরিষ্কার বলে দিয়েছে, এক রাত্রির বেশি সে যেন তার বাপের বাড়িতে বাস না করে, শালির বিয়ের ফুর্তিতে যেন মেতে না যায় !

অনিল অবশ্য একরাত্রিও থাকেনি। চাকরির অজুহাত জানিয়ে সন্ধ্যার পরেই বিদায় নিয়েছে স্বশুরবাড়ি থেকে।

মাঝে মাঝে আজকাল মনটা কেমন করে ওঠে মঞ্জুর। কয়েক দিনের জন্য বাপের বাড়ি ঘুরে আসবার সাধটা উত্তাল হয়ে ওঠে। মনে হয়, একটা ফাঁকা ছেলেমানুষি অভিমানের বশে বোকার মতো সে মাঝে মাঝে কিছুদিনের মা-বাপ-ভাইবোনের সাহচর্যের আনন্দ থেকে নিজেকে বঞ্চিত করে চলেছে—অতি তুচ্ছ অতি নগণ্য একটা মনগড়া কারণে। সে ঝগড়া করেনি। খোলাখুলিভাবে এতটুকু তিস্ততা সৃষ্টি করেনি—তিস্ততা যেটুকু সৃষ্টি হয়েছে সেটা বরং বারবার নেবার চেষ্টা করলেও সে নানাছুতোয় বাপের বাড়ি যায়নি বলেই।

ও বাড়ির মানুষেরা হয়তো খানিকটা আঁচ করেছে তার মনের কথা, সেবার এক মাস দেড় মাস থাকতে গিয়ে বিনয়ের কাছে খরচ চাওয়ার পর মোটে দিন দশেক ম্লান গম্ভীর মুখে কাটিয়ে ফিরে যাওয়ার পর তিন বছর এক দিনের জন্য বাপের বাড়ি পা না দেবার কারণ কতকটা নিশ্চয় আন্দাজ করেছে।

কিন্তু ওটাই যে তার আসল কারণ, তার মন যে বিগড়ে গেছে ওই একটি কারণে, সেটা থেকে গেছে তারই মনের গহনে—ওরা কল্পনাও করতে পারেনি।

বিয়ের পর ছ-সাতবছর যখন খুশি বাপের বাড়ি গেছে, যতদিন খুশি থেকেছে, খরচ দেবার কথা কেউ বলেনি। এই আগুন-লাগা চড়াবাজারে তিনটি ছেলেমেয়ে নিয়ে সে এক মাসের বেশি আরাম করতে গিয়ে থাকলে তার বাবা যদি ভাসাভাসাভাবে তাদের জন্য কিছু খরচ চেয়েই থাকে তার স্বামীর কাছে, তাতে তো তার কোনোই অপমান ছিল না !

সে আজ অনায়াসে কয়েক দিন বাপের বাড়ি ঘুরে আসতে পারে। সকলে খুশি হবে। কিন্তু কী করে যায় মঞ্জু ?

সে রকম আগ্রহের সঙ্গে বাপ-ভাই তো তাকে যেতে বলে না।

ওদেরও তো মান-আপমান অভিমান আছে, ধৈর্যের সীমা আছে ? বছরের পর বছর ওরা কি তাকে তোষামোদ করে চলবে। দয়া করে বাপের বাড়ি আয়, ক-দিন থেকে যা ? অথচ ওরা বেশ একটু আগ্রহের সঙ্গে জোরের সঙ্গে নিতে না চাইলে এখন নিজের মান বজায় রেখে যাওয়াও সম্ভব নয় মঞ্জুর পক্ষে। নিজের অপমান অভিমানের কি ফাদেই আটক পড়ে গেছে মঞ্জু !

বিনয় বলে, কী তোমার ? দিন দিন এ রকম মনমরা হয়ে মুষড়ে যাচ্ছ ? কাহিল হচ্ছ ?

মঞ্জু জোর করে হেসে বলে, দেখেছ নজর করে ? ভালোবাসা আছে মনে হচ্ছে যেন !

এত সহজে কথাটা এড়িয়ে যাবাব সুযোগ বিনয় তাকে দেয় না। বলে, কাহিল নয় খানিকটা হলে, সেটা বুঝতে পারি। মাছ-দুধ পাচ্ছ না, বেশনের চাল সইছে না। কিন্তু এত মনমরা হয়ে যাচ্ছ কেন ? মেজাজ এলোমেলো হয়ে যাচ্ছে কেন ? অভাব বাড়ুক, সে জন্য রোগা হও আপত্তি নেই ! কিন্তু গাছতলা সার করতে হলেও মনমেজাজ বিগড়ে যাবার মানুষ তো তুমি নও।

মঞ্জু স্থিবদৃষ্টিতে চেয়ে থাকে, ধীরে ধীরে ঠোট কামড়ায়। তার চোখ দিয়ে জল গড়িয়ে পড়ে।

বিনয় বলে, অ ! ব্যাপার গুরুতর, সেটা ধরেছি ঠিক। ব্যাপার কী তাও যেন বুঝতে পারছি মনে হচ্ছে !

মঞ্জু সেলাই করা রঙিন শাড়ির আঁচল দিয়ে চোখ মুছে মাথা নাড়ে, এটা বুঝতে পারবে না কিছুতেই।

বিনয় একটা বিড়ি ধরিয়ে বলে, যদি পেবে থাকি ? বলব তোমার কী হয়েছে ? বাপের বাড়ি যাবার জন্য মন কেমন করছে, খারাপ লাগছে।

মঞ্জু একেবারে থ বনে যায়।

তুমি কি ম্যাজিক জানো ?

আজ্ঞে না। এটা বোঝা মোটেই কঠিন নয়। ঝঞ্জাট ঝামেলা এ সবেরও তো রীতিনীতি আছে—বেশি দিন চললে ও সব পুরানো হয়ে যায়। দুঃখকষ্ট তোমার গা সওয়া হয়ে গেছে—নতুন বড়ো রকম কোনো মুশকিলে পড়নি। বাপ-ভাইয়ের সঙ্গে এ ছেলেমানুষি কাণ্ড করেছিলে, সেটার জের টানতে পারছ না। তাছাড়া তোমার মুষড়ে পড়ার আর কোনো কারণ থাকতে পারে না।

মঞ্জু খানিক চূপ করে থেকে বলে, আমার তো খারাপ লাগছে অনেক দিন থেকেই, আদ্দিন কিছু বলনি যে ?

বিনয় বলে, আমি কি বেশি দিন টের পেয়েছি ? কত ঝঞ্জাটে থাকি বুঝতে পারো তো !

বুঝতে পারি না ? কী চেহারা হয়েছে তোমার চোখে দেখতে পাই না আমি ?

বিনয় একটু হাসে।—দেখতে পাও বলেই তো পনেরো দিনের ছুটি নিয়েছি। তোমাদের নিয়ে পনেরো দিন স্বশুরবাড়ির জামাই আদর ভোগ করে মোটা হয়ে ফিরে আসব।

অন্য অবস্থায় মঞ্জু নিশ্চয় রাগ করত। তাকে কিছু না জানিয়ে বিনয় তাদের নিয়ে পনেরো দিন তার বাপের বাড়ি থেকে আসবার সব ঠিক করে ফেলেছে ! সে কি এতই তুচ্ছ যে তার সঙ্গে একটু পরামর্শ করাও দরকার মনে করল না।

কিন্তু বিনয়ের ওই একটি কথা তাকে দমিয়ে দেয়। পনেরো দিন বিনয় তার বাপের বাড়িতে জামাই আদর ভোগ করবে, বিশ্রাম করবে !

শরীর সারানোর কথাটা তামাশা। পনেরো দিন জামাই আদর কেন লাটসাহেবি আদর ভোগ করলেও শরীরটা তার আগের মতো জোরালো হবে না, সে জন্য কয়েক মাসের তোড়াজোড় চাই।

তবে বিশ্রাম পাবে। ছুটিটা এখানে কাটালে তার শুধু আপিসের কাজ থেকে বিশ্রাম, অন্য সমস্ত ঝঞ্জাট বজায় থাকবে। স্বশুরবাড়ি গিয়ে পনেরোটা দিন হাত-পা গুটিয়ে শুয়ে বসে কাটাতে পারবে।

মঞ্জু তাই শুধু বলে, এভাবে যেচে যাওয়া কি ঠিক হবে ?

বিনয় বলে, কতবার এসে এসে সাধাসাধি করে গেছে ভুলো না। যেচে গেলেই বরং এখন উদারতা দেখানো হবে, তুমি নিজে থেকে ওদের দোষ ক্ষমা করেছ।

সত্যই খুশি হয় মঞ্জুর বাপের বাড়ির মানুষেরা। আদরযত্নের একেবারে সমারোহ লাগিয়ে দেয়, তিন বছরের পাওনা যেন পুষিয়ে দিতে চায়।

মঞ্জু ভাবে, কী বোকার মতো রাগ করেছিলাম এদের ওপর !

হাসি আনন্দ গল্পগুজবের মধ্যে দীর্ঘকালের ভুলবোঝাবুঝি যেন শূন্যে মিলিয়ে যায় কয়েক ঘণ্টার মধ্যে। এক দিনে মঞ্জু যেন সজীব হয়ে ওঠে।

বিনয় নিশ্বাস ফেলে গভীর। স্বস্তির নিশ্বাস। তাকেও যেন বেশ চাঙ্গা মনে হয়।

মঞ্জু কৃতজ্ঞতার সঙ্গে বলে, তুমি সত্যি আমার যে কী উপকারটা করলে ! তোমার জন্যই আসা হল, নইলে বাকি জীবনটা হয়তো মিথ্যা রাগ নিয়ে মিছিমিছি জ্বলে পুড়ে কাটত।

বিনয় পরম খুশির সঙ্গে বলে, আমিও বেঁচেছি তোমাদের মিটমাট হয়ে গেল।

মঞ্জু কি জানত তার হাসি আনন্দের জেরটা ঠিক দুটি দিনের বেশি চলবে না !

ঠিক দুদিন তার পরম শান্তিতে কাটে। তৃতীয় দিন সকালে চা-খাবার খেয়ে ফরসা জামাকাপড় পরে দুখানা আধময়লা ধুতি আর একটা পাঞ্জাবি কাগজে পুটলি করে বিনয়কে বেরোতে দেখে মঞ্জু জিজ্ঞাসা করে, কোথায় যাচ্ছ ?

জামাকাপড়টা লব্ধিতে দিয়ে আসি।

তোমার যাবার কী দরকার ?

যাই, একটু হাঁটাও হবে।

সেই যে হেঁটে বেড়িয়ে আসার উদ্দেশ্যে বিনয় বার হয়, আর সে ফিরে আসে না। বেলা বাড়ার সঙ্গে শুরু হয় বাড়ির লোকের অস্বস্তিবোধ, ক্রমে ক্রমে সেটা দাঁড়িয়ে যায় দুর্ভাবনায়।

দিন কাটে রাত আসে ভোর হয়, বিনয় ফেরে না। এভাবে কিছুক্ষণের জন্য একটা মানুষ বেরিয়ে গিয়ে বাড়ি না ফিরলে খোঁজখবর নেবার জন্য যা কিছু করা দরকার সবই করা হয়।

যোগেশ বলে, অ্যাকসিডেন্ট হয়নি, তাহলে জানা যেত।

এইটুকুই সকলের ভরসা। দুঘণ্টা ঘটে থাকলে তার গলরটা অজানা থাকে না।

মঞ্জু একটা টোক গেলে। বলে, আমি ফিরে যাই বাবা। আমার এখানে আসা নিয়েই একটা কিছু গোলমাল হয়েছে। ও বাড়িতে ফিরে গেছে মনে হয়।

অনিল বলে, দাঁড়া, আমি খবর নিয়ে আসছি।

চলো, আমিও তোমার সঙ্গে যাব। ওবা থাক।

অনিলের সঙ্গে মঞ্জু একা ও বাড়িতে যায়। দেখা যায় তাদের গরের দরজায় তালা ঝুলছে দুটি।

অন্য ঘরের ভাড়াটীদের কাছে খবর পাওয়া যায়, বিনয় আগের দিন সকালে ঘণ্টা দুয়েকের জন্য এসেছিল। বাড়িওলাব সঙ্গে বিনয়ের ভাড়া নিয়ে ঝগড়া হয়, বিনয় দবজায় তালা দিয়ে বেরিয়ে যাবার পর বাড়িওলা আবেকটা তালা এঁটে দিয়েছে।

বাড়িভাড়া নিয়ে ঝগড়া ?

মঞ্জু যেন আকাশ থেকে পড়ে !

বাড়িওলা বসিকের বাড়ি কাছেই, মঞ্জুও চেনে। অনিলকে নিয়ে সে ব্যাপার বুঝতে চায়।

অনিল জিজ্ঞাসা করে, আপনি এদের দরজায় তালা লাগিয়েছেন কেন ?

বসিক বলে, ভাড়া না মিটিয়ে মালপত্র নিয়ে যাতে পালাতে না পারেন এই জন্য !

ক মাসের ভাড়া বাকি ?

তিন মাস হয়ে গেছে।

মঞ্জু আর অনিল মুখ চাওয়াচাওয়ি করে। অনিল বসিককে বলে, তালা খুলে দিন। আজকেই সব ভাড়া পাবেন।

ঘবে ঢুকে ধপাস করে খাটে বসে পড়ে মঞ্জু বলে, এ কী রকম ব্যাপার হল ? তিন মাস ভাড়া বাকি পড়েছে আমি কিছু জানি না !

অনিল বলে, তুই বোস, আমি ব্যাংক থেকে ঘুবে আসি।

মঞ্জু একটু ভেবে বলে, এক কাজ করো, ব্যাংক হয়ে ওর আপিসটা ঘুরে এসো। আপিসে খবর নেওয়া উচিত।

রাস্তায় অনিল ট্যান্ডি নেয়। ব্যাংকটাকা তুলে বিনয়ের আপিসে খবর নিয়ে বাড়ি ফিরতে তার দুঘণ্টার বেশি সময় লাগে না। খবর কী ? না, পাঁচ মাস আগে আপিস থেকে বিনয় ছাঁটাই হয়েছিল।

মঞ্জু বিহুলের মতো বলে পাঁচ মাস আগে ! রোজ অন্যমনস্কভাবে আচরণ করেছে। পনেরো দিনের ছুটি নিয়েছে বলল।

তাহলে কি অন্য আপিসে ঢুকেছে ?

মঞ্জু ম্লান গম্ভীর মুখে বলে, আমায় না জানিয়ে ? ছাঁটাই হবার কথাটা নয় চেপে গিয়েছিল, আরেকটা কাজ পেলে জানাত না ? আমি এবার বুঝেছি ব্যাপার। আর উপায় ছিল না, আমার দায় তোমাদের ঘাড়ে চাপিয়ে সরে গেছে !

অনিল একটু ভেবে বলে, লজ্জায় সরে গেছে সেটা বুঝতে পারি—কিন্তু এভাবে নিরুদ্দেশ হয়ে কেন ? একটা চিঠি লিখে তোকে তো জানিয়ে যেতে পারত !

মঞ্জু বলে, তাও বুঝলে না ? পাঁচ মাস টেনেছে, আমায় টের পেতে দেয়নি আশা করছিল এ ক-দিনের মধ্যে যদি কিছু করতে পারে, সামলে নিতে পারে।

অনিল বলে, আহা, নিরুদ্দেশ হল বলেই আমরা জানতে পাবলাম। ওখানে থেকে উপায়ের চেষ্টা করলে আমরা তো টেরও পেতাম না।

মঞ্জু বিষণ্ণমুখে একটু হাসে।—সে রকম মানুষ কি না, এ অবস্থায় শ্বশুরবাড়ির অন্ন ধ্বংস করবে। তাহলে আগেই গিয়ে সাহায্যের জন্য হাত পাতত।

পাষণ্ড

বাজার থেকে ফিরে জামাটা খুলে বিপিন খালি গায়ে বাইরের রোয়াকে গিয়ে বসে। বর্ষার গুমোট গরমে হেঁটে বাজার করে আনতে জামাটা ঘামে ভিজ্ঞে গায়ের সঙ্গে সঁটে গিয়েছিল।

বাইরে বসে গায়ের ঘামটা শুকিয়ে নেবে।

হাতপাখাটা ছিল মেয়ের হাতে। ভিতরে বসলে মেয়ে হাওয়া করতে এগিয়ে আসবে। মেয়ের অযাচিত সেবায় বিপিন আজকাল বড়োই অস্বস্তিবোধ করে।

হতভাগি মেয়ে। আগের জন্মে বোধ হয় অনেক পাপ করেছিল, এ জন্মে তাই এক পাষণ্ডের হাতে পড়ে একেবারে নষ্ট হয়ে গেল জীবনটা।

মাস শেষ হয়ে এসেছে। বাজার থেকে নামমাত্র মাছটুকু আনাও আজ ক-দিন বন্ধ রয়েছে। মাছ এত ভালোবাসে রাখা, মাছ ছাড়া মুখে তার ভাত রোচে না। কোথায় রোজগেরে স্বামীর ঘরে দুবেলা মাছ-ভাত খাবে, সর্বস্ব খুইয়ে গরিব বাপের খাড়ে এসে চেপে শাকপাতা উঁটা চিবিয়ে দিন কাটাচ্ছে।

রাধা আজ প্রায় এক বছরের বেশি বাপের বাড়িতে আশ্রয় নিয়েছে, কিন্তু মেয়েটার দুর্ভাগ্য আর পাষণ্ড জামাইটার চিন্তা আজও অভ্যস্ত হয়নি বিপিনের। প্রাণের জ্বালা আরও বেড়ে যাচ্ছে দিনের পর দিন।

মানুষ এমনভাবে বখে যেতে পারে, এত নীচে নামতে পারে অধঃপতনের পথ ধরে ? চাকুরে ছেলে ভালো ছেলে বলে কত আশা করে যথাসর্বস্ব খরচ করে মেয়েটাকে ওর হাতে তুলে দিয়েছিল। বিয়ের পরেও তিন-চারবছর টের পাওয়া যায়নি টাকা-পয়সা স্বভাব চরিত্র কী রেটে স্নে উৎসন্ন দিতে বসেছে, বিসর্জন দিচ্ছে মনুষ্যত্ব। টের পাবার পর মোটে দুবছর লেগেছে চরম অবস্থায় পৌছতে।

স্বাস্থ্য গেছে, চাকরি গেছে, একে একে রাধার গয়না গেছে—সব চেয়ে দামি যে আত্মীয়বন্ধু দশজনের বিশ্বাস, তাও গেছে।

সবাই হাল ছেড়েছে, তারা ছাড়তে পারেনি। সকলকে ঠকানো থেকে চুরি-চামারি পর্যন্ত শুবু করেছে জেনেও আশা ছাড়া যায়নি।

হয়তো এ বৌক কেটে যাবে। হয়তো চৈতন্য হবে।

কিন্তু কপালটাই মন্দ যে মেয়ের, তার স্বামীর বেলা কি আর সে অঘটন ঘটে ? যে মানুষ ছিল সে অমানুষ হলেও আবার মানুষ হয় ?

রাধার সব যাওয়ার পর তাকে আর ছেলেমেয়ে দুটিকে সমীর আবর্জনার মতো ফেলে গেছে এখানে। তবু তাদের রেহাই দেয়নি।

সে ধূর্ত। সে টের পেয়েছে তাদের এই নিব্বুপায় আশা—হয়তো সে শূধরে যাবে। এখন তো সে হাড়ে হাড়ে টের পাচ্ছে এ পথে কত সুখ। বাড়িতে গেলে আত্মীয়বন্ধু কুকুরের মতো দূর দূর করে তাড়িয়ে দেয়। বদ উপায়ে কোনো রকমে দুটো পয়সা হাতে এলে বদ খেয়ালে দুদিনে তা উড়ে যায়, আবার সম্বল করতে হয় রাস্তা। এবার হয়তো সে নিজেকে সংশোধন করবে।

যতদিন এই আশাটুকু বজায় রাখা গেছে, মাঝে মাঝে এসে নানা ছুতায় দশ-পনেরোটা করে টাকা বাগিয়ে নিয়ে গেছে সমীর।

তার এই অমানুষিক নির্লজ্জতাই অবশেষে একেবারে শেষ করে দিয়েছে তাদের শেষ আশাটুকু।

পরেরবার সমীর এলে বাইরের দবজা থেকেই তাকে বিদায় করে দিতে হয়েছে।

রাধা নিজেই বলেছে : না বাবা, আর প্রশয় দিয়ো না। এখন থেকে মনে করো আমি বিধবা হয়েছি।

আবার আজ সমীরকে সামনে এসে দাঁড়াতে দেখে ঘামে ভেজা শরীরটা বিপিনের ঠান্ডা অবসন্ন হয়ে আসে।

আরও কদর্য কুৎসিত হয়ে গেছে সমীরের চেহারা। কোটরে-বসা চোখে একটা ঝিমানো ভাব, মুখে ঘর্মান্ত ক্রেদের মতো শ্রান্তি মাখানো।

বিপিন প্রায় কাতর অনুনয়ের সুরে বলে, আবার কী চাও বাবা ? মাসের শেষে আমার হাতে একটি পয়সাও নেই—

আগে কোনোবার করেনি, আজ সমীর তার পায়ে হাত দিয়ে প্রণাম করে।

বলে, আঞ্জে টাকা চাই না। আপনার মেয়ের সঙ্গে একবার দেখা করব। ক-টা দরকারি কথা আছে।

বিপিন ভাবে, কে জানে এ আবার কী নতুন চাল ? আবার কী চালাকি খাটাতে এসেছে জামাই ? মুখে বলে, একটু দাঁড়াও, জিজ্ঞেস করে আসি।

জিজ্ঞাসা করতে হয় না। রাধা সমীরকে জানালা দিয়ে আসতে দেখেছিল, দরজায় আড়ালে দাঁড়িয়ে তার কথাও সব শুনছে। কবে কখন আবার তার স্বামী তার বাবাকে ঠকাতে আসবে বলে সে কি সাবাদিন জানালায় চোখ-কান পেতে রাখে ?

রাধা বলে, বাবা, বলে দাও, দেখা কবে কাজ নেই, আমি দেখা করব না।

কী বলতে চায় একবার শুনলে হত না ?

না। কোনো লাভ নেই। নতুন কী মতলব করেছে, বানিয়ে বানিয়ে কত রকম কী বলবে, মাথাটা ঘুরে যাবে আবার। আগেরবার বলেছিল, আমার লুকানো কিছু নেই ? এবার সেটা বাগাতে এসেছে। মিথ্যে অশান্তি করে লাভ নেই, বাবা।

চলে যেতে বলব ?

তাই বলে। নিজেকে বিধবা ভেবেছি, তাই আমার ভালো।

বিপিন অপরাধীর মতো বলে, রাধা তো তোমার সাথে দেখা করবে না বাবা।

দেখা করবে না ?

মাথা নত করে সমীর কিছুক্ষণ দাঁড়িয়ে থাকে। বিপিন টের পায় এ পাশের ও পাশের আর সামনের বাড়ির জানালা দিয়ে অনেকগুলি কৌতূহলী মুখ উঁকি দিচ্ছে।

তার জামাইয়ের বিষয় জানতে কারও বাকি নেই। মেয়ে তার এখানে তার বাড়িতেই আছে, তবু মেয়ের জামাই এসে কীভাবে দরজা থেকে ফিরে যায় দেখবার জন্য তাদের ঔৎসুক্যের সীমা নাই।

এ দৃশ্য যেন সিনেমার সস্তা গল্পের চেয়ে রসালো।

বিপিনও মাথা হেঁট করে।

মুখ তুলে সমীর বলে, আমি শুধু পাঁচ মিনিট কথা বলেই চলে যাব।

বিপিনকে জবাব দিতে হয় না।

জানালা দিয়ে অদৃশ্য রাধার স্পষ্ট জবাব আসে, আমি বিধবা হয়েছি। ভূতের সঙ্গে আমি এক মিনিটও কথা বলতে চাই না।

সমীর চোখ তুলে জানালার দিকে চায়। কিন্তু রাধাকে দেখতে পায় না।

মাথায় ঝাঁক দিতে গিয়ে সে যেন নিজের শীর্ণ দেহটাকেও ঝাঁকানি দেয়। ময়লা ছেঁড়া কাপড়ের কোঁচা তুলে মুখে চাপা দিয়ে কয়েকবার কাশে। তারপর আবার বিপিনের পায়ে হাত দিয়ে প্রণাম করে নীরবে ধীরে ধীরে চলে যায়।

তখনও বিপিনের গায়ের ঘাম শুকোয়নি।

দিন দশেক পরে বিকালের ডাকে একখানা পোস্টকার্ড আসে সমীরের। পেনসিলের অস্পষ্ট লেখা কিন্তু পড়া যায়।

সে শিয়ালদহ স্টেশনে পড়ে আছে। তার সমস্ত অপরাধ যেন সকলে ক্ষমা করে। সম্ভব হলে ছেলেমেয়ে দুটিকে শেষবারের মতো দেখতে চায়।

এই পরিণতিই ঘটে সমীরদের। সে জাতবজ্জাত নয়, বেপরোয়া ঔদাসীন্যের সঙ্গে যারা পাপের পথে হাঁটতে শুরু করে মোটর হাঁকায়, তাদের ধাতুতে সে গড়া নয়। পাপ তার পেশা নয়, নেশা। স্বাভাবিক সুস্থ জীবন আয়ত্তে থাকলেও অসুস্থ জীবনের অস্বাভাবিক তীব্রতা উন্মাদনা বিযুক্ত ভয়ানক নেশার মতোই তার মতো মানুষকে ধ্বংস করে দেয়।

রাধার মা কেঁদে ফেলে।

রাধার হাত-পা থরথর করে কাঁপছিল। কিন্তু মুখে সে বলে : আঃ, থামো না। এ আরেকটা মিথ্যে চালও তো হতে পারে ? ও মানুষটার কোনো কথায় বিশ্বাস আছে ?

মা-র কান্না থেমে যায়। সেটা অসম্ভব নয়, ছলচাতুরী মিথ্যা আব প্রতাবণার মতলব ভাঁজতে সে যে কত বড়ো ওস্তাদ তার পরিচয় সমীর ভালোভাবেই দিয়েছে বটে।

তবু মেয়ের দিকে চেয়ে মা অবাক হয়ে থাকে। তার সেই মেয়ে বাধা, কারও একটু আঙুল কেটেছে দেখলে যার কান্না আসত, এই চিঠি পেয়েও আজ সে শক্ত হয়ে দাঁড়িয়ে আছে পাথরের মতো।

বিপিন আফিস থেকে ফিরে আসে ঘণ্টাখানেকের মধ্যে। চিঠি দেখে তাব শুকনো মুখে বিহ্বলতা নেমে আসে।

একবার তো যেতে হয় তাহলে ?

তুমি অস্থির হয়ো না বাবা। কতবাব তোমায় ঠকিয়েছে—মানে নেই ?

তাই বলে তো মরতে দেওয়া যায় না ?

তাই কি যায় ? আমরা যাব চলো, কিন্তু তোমায় শক্ত থাকতে হবে। আগে বুঝবে সত্যি লিখেছে কি না, তারপর যা হোক ব্যবস্থা করবে। ব্যাকুল হয়ে ওব কোনো ফাঁদে আমরা আর পা দেব না।

বিপিনও অবাক হয়ে মেয়ের মুখের দিকে চেয়ে থাকে। সত্যিই পাশও সমীচ, নইলে এমনভাবে কেউ মানুষের বিশ্বাস নষ্ট কবে যে রাস্তার ধারে মৃত্যুশয্যা পড়ে থাকার সংবাদ জানিয়ে পত্র লিখলেও নিজের স্ত্রীর সন্দেহ থেকে যায়—এ তার প্রতারণার আরেকটা কৌশল হওয়া অসম্ভব নয় !

কিন্তু যাই ভাবুক আর যাই বলুক, ভিতরটা যে রাধার কাঁপছে সেটা টের পাওয়া যায়। টোক গিলতে গিয়ে দু-একবারের চেষ্টায় গিলতে পারে না। ছোটো ছোটো নিশ্বাস ফেলে, আতঙ্কের চাপে তার শ্বাসবন্ধ খানিকটা আড়ষ্ট হয়ে এসেছে।

অসহায় নিরুপায় উদ্ভাস্ত মানুষে ভরা শিয়াদহ স্টেশন। শিশু থেকে বড়ো, মেয়েপুরুষ, ছোটো বড়ো পরিবার, একলা মানুষ। এদের মধ্যে খুঁজে নিতে হবে সমীরকে।

চারিদিকে তাকায় আর রাধা ভাবে সমীরকে নয় নিজের চোখে এখানে এসে শেষশয্যা পাততে হয়েছে, এরা কার কাছে কী করেছিল ? কী পাপে এদের এই পরিণাম, এই শাস্তি ?

একপ্রান্তে সমীরকে পাওয়া যায়। একটা কপড়ের পুঁটলি মাথায় দিয়ে সে শতরধিতে শূয়ে ছিল। তাকে দেখেই তার অবস্থা সম্পর্কে সমস্ত সন্দেহের মীমাংসা হয়ে যায়।

বিপিন নাম ধরে ডাকতে সে অতিকষ্টে চোখ মেলে তাকায়। খানিকক্ষণ শূন্যদৃষ্টিতে বিহুলের মতো চেয়ে থাকে। গায়ে হাত দিয়ে দেখা যায়, জ্বর নেই।

আমাদের চিনতে পারছ না ?

একটু মাথা নেড়ে সমীর সায় দেয়।

অগত্যা বাড়িতেই তাকে আনতে হয়। জামাকাপড় ছাড়িয়ে বিছানায় শুইয়ে দিতে হয়, তারই ছেলেমেয়ের দুধটুকু গরম করে খাইয়ে দিতে হয়, ডেকে আনতে হয় ডাক্তার।

ডাক্তার পরীক্ষা করে জানায়, আর কিছু হয়নি, একটু দুর্বল।

একটু ? রাধা ঠোট কামড়ায়।

রাত বাড়ে। চারিদিক নিব্বুম হয়ে আসে।

সমীরকে খাটে শুইয়ে ছেলেমেয়ে নিয়ে রাধা মেঝেতে নিজের শোয়ার ব্যবস্থা করেছে। অনেক দিনের খাট। যখন সে নিজের মেয়েটার মতো ছোটো ছিল, মা-র সঙ্গে এই খাটে শূয়ে ঘুমোত।

রাধার ঘুম আসে না। আকাশপাতাল ভাবে। কতকাল পরে স্বামীকে ঘরে পেয়েছে, খাটে শূয়ে ঘুমের মধ্যে মাঝে মাঝে এপাশ-ওপাশ করছে। কিন্তু রাধার মনে আশা নেই, আনন্দ নেই, স্বস্তি নেই। অন্ধকার ভবিষ্যতের চিন্তা আর অতীতের স্মৃতি যন্ত্রণার মতোই চাপ দিচ্ছে মাথার মধ্যে।

স্টেশনে পড়ে থাকলে হয়তো মরে যেত। এবারের মতো সমীর মরবে না। কিন্তু কী লাভ হবে তাতে ? এমনিভাবে কে কতবার ঠেকিয়ে রাখবে তার অপমৃত্যু ? আপনজনের আশ্রয়ে আপনজনের সেবাযত্নে মৃত্যু ঠেকিয়ে সুস্থ হয়ে উঠে সে তো আপন হবে না। অশাস্তিতে আবার সে অসহ্য করে তুলবে জীবন। আবার তাকে তাড়িয়ে দিতে হবে বাড়ি থেকে।

কিছুদিন পরের এই আগামী ঘটনার কথা কল্পনা করে রাধা শিউরে ওঠে।

কেন তাদের খবর দিতে যায় সমীর, শেষ দেখা দেখতে চায় ছেলেমেয়েকে ? কেন সে স্টেশনের প্রাটফর্ম উদ্‌বাস্তুদের মধ্যে নীরবে মরে গিয়ে তাদের রেহাই দেয় না ?

ঘরের আলোটা জ্বলে ওঠায় রাধা চমকে ওঠে। খাট থেকে নেঃ সমীর নিজে আলো জ্বলেছে !

ধড়মড় করে উঠে বসে রাধা। পলকহীন চোখে চেয়ে থাকে। - গ্যাবেলো যাকে ধরাধরি করে গাড়ি থেকে নামিয়ে খাটে শোয়াতে হয়েছিল, নিজে নিজে সে উঠে দাঁড়িয়েছে সাধারণ সুস্থ মানুষের মতো।

নিজে নিজে সে কুঁজো থেকে জল গড়িয়ে যাচ্ছে !

নতুন এক আতঙ্কে বুক কেঁপে যায় রাধার। কে জানে কী মতলব নিয়ে এই কৌশলে সমীর বাড়িতে ঢুকেছে, রাতদুপুরে এখন মতলব হাসিল করবে।

জল খেয়ে সমীর একটু তফাতে বিছানায় বসে। ছেলেমেয়ের গায়ে একবার হাত বুলায়।

বলে : ভেবেছিলাম, দু-তিনদিন সময় নিয়ে ধীরে ধীরে সুস্থ হব। কিন্তু আর ছলনা ভালো লাগছে না। তোমার সঙ্গে কথা না করে চুপচাপ পড়ে থাকতে পারলাম না।

আবার তুমি আমাদের ঠকালে ?

ঠকিয়েছি, কিন্তু এবার আমার মতলব ভালো।

রাধা চুপ করে থাকে।

বিশ্বাস হয় না ? না হওয়াই উচিত। কিন্তু কাল তোমার বিশ্বাস হবে। সকালে আমি নিজেই চলে যাব। টাকাও চাইব না, কিছু চুরিও করব না।

এ রকম করাব মানে কী ?

মানে ? মানেও তুমি বিশ্বাস করবে না আজ। আমি জীবনের মোড় যোরাবার চেষ্টা করছি। তোমাদের কাছ থেকে একটু মনের বল জোগাড় করতে এসেছি। মনটা বড়ো দুর্বল হয়ে গেছে রাখা। কে জানে এ আবার কোন নাটকের ভূমিকা ? রাখা চূপ করে থাকে।

সমীর বলে, অনেকবার পাঁক থেকে উঠবার চেষ্টা করেছে, পারিনি। কীসে কাবু হতাম জানো ? হতাশায়। নিজেকে যে শুধরে নেব সে তো অল্পে হবে না, দুদিনে হবে না। যা ভেঙেছি আবার তা গড়তে হলে অনেক দিন ধরে অনেক কষ্ট করতে হবে। এটা ভাবলেই মাথা ঘুরে যেত। ভাবতাম আমার পক্ষে আর তা সম্ভব নয়। উদ্বাস্তু আমার হতাশা ভেঙে দিয়েছে।

উদ্বাস্তুরা ?

সমীর সায় দেয়।

অনেক দিন থেকে পথে পথে ঘুরছি তো। সারাদিন পয়সা উপায়ের ফন্দিফিকির নিয়ে ঘুরি, রাত্রে স্টেশনে ওদের মধ্যে শুয়ে থাকি। দেখলাম কী জানো ? যথাসর্বস্ব গেছে, ছেলেমেয়ে নিয়ে কী করবে জানা নেই, কিন্তু কী মনের জোর ! হাল ছেড়ে ভেসে যাবে না কিছুতেই, একদিন আবার সব ঠিক হবে। যতদিন কষ্ট করতে হয় করবে। কেউ সাহায্য করে ভালো, না করলে নিজেরাই চেষ্টা করবে উঠতে। ওদের সঙ্গে মিশতে মিশতে আমারও মনের মোড় ঘুরে গেছে রাখা। ওরা পারলে, আমি কেন পারব না ? ওরা হাল ছাড়েনি, আমি কেন ছাড়ব ?

মিথ্যাকে সত্যের মতো বলার অভিনয়ে সমীর অনেকবার অসাধারণ প্রতিভার পরিচয় দিয়েছে। বারবার ঠকেও আবার বিশ্বাস করতে হয়েছে সে কথা। কিন্তু আজ যেন তার কথায় একটা সহজ সরলতার নতুন সুর শোনা যায়।

বহুকাল পরে আবার স্বামীর সঙ্গে মাঝরাত্রে এক ঘরে বসে কথা বলতে বলতে নতুন আশার ক্ষীণ গুঞ্জনের সুর ওঠে রাখার মনে।

কিন্তু—

এ সব কথা চিঠিতে লিখলেই পারতে খোলাখুলি ? এ রকম ছলনা করা উচিত হয়নি।

তোমরা কি বিশ্বাস করতে ?

প্রথম প্রথম নাই বা করতাম ? সত্যি তুমি যদি আবার ভালো হও আমরা কি অবিশ্বাস করব ? তোমার সুমতি হোক এটাই তো আমরা মানত করছি দিনরাত।

রাধা চোখ নামায়, আপশোশের সঙ্গে বলে, তোমার মন বাঁকা রয়ে গেছে, তুমি ভালো হবে কী করে ?

দমে যাবার বদলে সমীর উৎসাহিত হয়ে বলে, কী আশ্চর্য, তুমিও এটা ভেবেছ ? খাটে শুয়ে শুয়ে ঠিক এই কথাটা ভাবছিলাম। তোমাদের একটু দেখব, মনের জোর পাব, সে জন্য তোমাদেরই যে ধাপ্লা দিচ্ছি এটা খেয়ালও হয়নি আগে। কেমন একটা উদ্বেজিত অস্বাভাবিক অবস্থায় ছিলাম, এখানে আসার পর ধীরে ধীরে সেটা কেটে গেল। তখন বুঝতে পারলাম, এটা করা আমার উচিত হয়নি। তাই তো উঠে পড়লাম, তোমার সঙ্গে ছলনার জের টানব না।

ছেলের গায়ে হাত রেখে সে আবার বলে, আমি যা চেয়েছিলাম পেয়ে গেছি রাখা।

পরদিন সকালে সমীরকে চা আর খাবার দিয়ে রাখা বলে, তুমি তবে এখানেই থাকো, কাজের চেষ্টা করো।

সমীর বলে, না। তোমাদের আদরে মন নরম হয়ে যাবে। আমি ভাবছি, কোনো উদ্বাস্তু কালোনিতে গিয়ে হোগলার কুঁড়ে তুলে থাকব। মাঝে মাঝে এসে তোমাদের দেখে যাব।